




~~b. Q.~~
Biogr.
542g

Diss. philos. 2^e t^r
Luzac

Ex bibliotheca
Steph. Quatremeri.

*SPECIMEN HISTORICO-JURIDICUM
INAUGURALE,*

DE

Q. HORTENSIO ORATORE,
CICERONIS AEMULO.

RECEIVED HISTORICAL SOCIETY
JANUARY 1881

G. HORTON & SONS, NEW YORK,
CITY

SPECIMEN HISTORICO - JURIDICUM
INAUGURALE,

D E

Q. HORTENSIO ORATORE,
CICERONIS AEMULO.

Q U O D,

ANNUENTE SUMMO NUMINE,

EX AUCTORITATE RECTORIS MAGNIFICI,

EDUARDI HAGEMAN,

JUR. UTR. DOCT. JURIS PUBLICI ET PRIVATI
PROFESSORIS ORDINARIJ,

NEC NON

*Amplissimi SENATUS ACADEMICI Consensu, &
Nobilissimae FACULTATIS JURIDICAE Consulto,*

PRO GRADU DOCTORATUS,

Summisque in UTROQUE JURE Honoribus ac Privilegiis,
IN UNIVERSITATE REGIA HOLLANDIAE,
rite & legitime consequendis,

PUBLICO AC SOLEMNI EXAMINI SUBMITTIT

LUDOVICUS CASPARUS LUZAC,

LUGDUNO — BATAVUS.

Die XVI. Junii MDCCCX. H. IX—XI L. S.



LUGDUNI — BATAVORUM,

APUD HAAK ET SOCIOS.

MDCCCX.

SPRACHEN UND LITERATUR
IN ALGERIEN

O. FORTINÉO ORATOIRE
ELECTORALE ALGERIE

ALGERIE 1800
ALGERIE 1800

EDUARD LACROIX

PARIS 1800
ALGERIE 1800

ALGERIE 1800
ALGERIE 1800

ALGERIE 1800
ALGERIE 1800

ALGERIE 1800
ALGERIE 1800

BIBLIOTHECA
REGIA
MONACENSIS.

Bayerische
Staatsbibliothek
München

PATRI ET AVUNCULO,

OPTIMIS CARISSIMIS,

SACRUM.

PATRI ET AVUNCULO

OPTIMIS CARISSIMIS

SACRUM

IN

1791

1791

**SPECIMEN HISTORICO - JURIDICUM
INAUGURALE,**

D E

**Q. HORTENSIO ORATORE,
CICERONIS AEMULO.**



EXORDIUM.

Legenti mihi, ac saepius magna cum animi voluptate relegendi, elegantissimum JO. LUZACII, Patru mei, Viri Clarissimi, (quem nobis & huic Academiae tristissimo fato ereptum lugere nondum destitimus) hujus igitur Specimen Academicum, exhibens *Observationes nonnullas Apologeticas pro Jureconsultis Romanis* legenti; quum incidissem in eum locum, quo

A

Q. HOR-

Q. HORTENSII tamquam Ciceronis aemuli mentionem facit Vir Cl. (*Cap. III. §. 9—12. p. 43—45.*) ea animum subiit cogitatio, hunc Virum excellentem, civem optimum, oratorem eximium, ac Ciceroni eloquentiae laude non longe postponendum, paratum mihi argumentum offerre, in quo, vitam ejus, scripta, resque gestas enarrando, Patruī LUZACII vestigia, longissimo quamvis intervallo, premens, ingenii mei vires periclitari possem.

Hoc itaque consilium quum cepissem, in eoque Virorum doctorum, praecipue vero Avunculi mei, Viri Clarissimi, JOANNIS VALCKENAERII, auctoritate; quae, uti apud alios multum, ita apud me plurimum valet, magnopere confirmatus essem, animum ad scribendum appuli. Inde hoc, quidquid est, Dissertationis de Q. HORTENSIO natum est, in qua si quid minus accurate, minusque pro rei gravitate scriptum inveniatur, (& invenietur certe) id juvenili aetati Lectorem Benevolum libenter condonaturum, spero & confido.

Quam

Quandoquidem vero in HORTENSIO nostro duplex persona mihi videbatur spectanda; altera, quae ad ingenii dotes; altera, quae ad munera publica laudabiliter ab eo, summoque applausu gesta, pertineret; hunc modum egomet mihi fatis probabiliter videor praescripsisse, ut haec nostra Disputatio duabus etiam partibus absolveretur: quarum *altera*, HORTENSIIUM, civem patriae amantissimum, gravissimi ordinis Senatorii decus atque ornamentum, brevi quasi in tabella depingerem; *altera*, ejusdem facultatem oratoriam, aliasque praeclarissimi ingenii dotes, plane admirabiles, exponere conarer.

Ad posteriorem partem pertinent, atque illic in censum venire debent, causae, quas coram iudice egit; non dico omnes, (earum enim numerus incredibilis fuit) sed illae praecipue, quarum memoria atque argumentum ad nos pervenerunt.

Atque hoc loco nonnulla erunt dicenda de celebri illa, atque apud omnes decantata aemulatione HORTENSIIUM inter & CICERONEM, ac demonstrandum,



nequaquam illam impurum diffensionum atque inimici-
tiarum inter viros optimos fontem fuisse, sed potius
utrique stimulum subdidisse acerrimum, quo ad mayo-
rem uterque perfectionem eniteretur.

Priore igitur hac Sectione agemus, de Q. HORTEN-
SIO, CIVE ET SENATORE ROMANO; &, tem-
porum ratione servata, examinabimus, quas partes
in Republica secutus sit, quidve ipse ad ejus salutem
promovendam vel meditatus sit vel effecerit.



Quandoquidem vero in HORTENSIO nostro duplex persona mihi videbatur spectanda; altera, quae ad ingenii dotes; altera, quae ad munera publica laudabiliter ab eo, summoque applausu gesta, pertineret; hunc modum egomet mihi satis probabiliter videor praescripsisse, ut haec nostra Disputatio duabus etiam partibus absolveretur: quarum *altera*, HORTENSIIUM, civem patriae amantissimum, gravissimi ordinis Senatorii decus atque ornamentum, brevi quasi in tabella depingerem; *altera*, ejusdem facultatem oratoriam, aliasque praeclarissimi ingenii dotes, plane admirabiles, exponere conarer.

Ad posteriorem partem pertinent, atque illic in censum venire debent, causae, quas coram iudice egit; non dico omnes, (earum enim numerus incredibilis fuit) sed illae praecipue, quarum memoria atque argumentum ad nos pervenerunt.

Atque hoc loco nonnulla erunt dicenda de celebri illa, atque apud omnes decantata aemulatione HORTENSIIUM inter & CICERONEM, ac demonstrandum,



nequaquam illam impurum dissensionum atque inimicitiarum inter viros optimos fontem fuisse, sed potius utrique stimulum subdidisse acerrimum, quo ad maiorem uterque perfectionem eniteretur.

Priore igitur hac Sectione agemus, de Q. HORTENSIO, CIVE ET SENATORE ROMANO; &, temporum ratione servata, examinabimus, quas partes in Republica secutus sit, quidve ipse ad ejus salutem promovendam vel meditatus sit vel effecerit.



SECTIO PRIOR.

DE Q. HORTENSIO CIVE ET SENATORE ROMANO.

§. I. *De Gente* HORTENSIA & Q. HORTENSII anno natali. §. II—V. *Hortensius* adolescens, bello Sociali miles, Tribunus Militum, caet. §. VI. *Lex Cornelia de Magistratibus*. Hortensius QUAE-
STOR. §. VII. AEDILIS. §. VIII. C. Verris commodis ad ornandum Forum usus, excusatur. §. IX. *Resistit Aurelianae Legi*: Q. Opimius in jus vocatus. §. X. Hortensius PRAETOR, a Cicerone laudatur: Consul designatus Verrem defendit. §. XI. CONSUL, caet. §§. XII, XIII. Cretam Provinciam cum belli administratione sortitus, recusavit, Romae mansit. FREINSHEMIUS refutatur. §§. XIV, XV. Rogationes A. Gabinii & C. Manilii, quibus se opposuerunt tum alii, tum HORTENSII. §. XVI. Prior Conjunctio Catilinaria. Hortensius Torquati Consulis amicus. §. XVII. C. Cornelii Trib. Pl. audacia, contra quem HORTENSIIUS testimonium dicit. §. XVIII. Cicero Consul. Leges Agrariae a Rullo propositae. Tribuni Plebis in HORTENSIUM infensi. §. XIX. C. Rabirius ab HORTENSIO & Cicerone defensus. §. XX. P. Sulla

6 SPECIMEN HISTORICO - JURIDICUM

*accusatus de altera Conjuratone Catilinaria. Cicero-
 ronis & HORTENSII in eo discrimine conjunctio.
 §. XXI. Clodii facinus in violandis Bonae Deae sa-
 cris, de eoque contentiones. §. XXII. Absolutus
 Clodius, HORTENSII ardor, Lex Fufiana, CA-
 SAUBONI opinio, paululum infensior, refellitur.
 §§. XXIII, XXIV. HORTENSIIUS a TUNSTALLI
 calumnia liberatus. §§. XXV, XXVI. HORTENSIIUS
 a Cicerone in rebus publicis abalienatus propter hujus
 cum Cn. Pompejo conjunctionem. §. XXVII. L. Va-
 lerii Flacci accusatio. HORTENSIIUS & Cicero
 defensores. §. XXVIII. P. Clodius Tribunus Ple-
 bis, Ciceroni infestus. HORTENSII legatio ad Con-
 sules, ubi in defendendo Cicerone egregius & constans.
 §. XXIX. Cum Catone, Arrio, aliisque Ciceroni li-
 beri exsilii suasor. §§. XXX—XXXII. Ab acerbis
 Ciceronis querelis excusatur. §. XXXIII. Interpre-
 tes in HORTENSIUM nimis injusti. §. XXXIV. Ci-
 cero redux; Clodii scelera, de iis contentiones in Se-
 natu, HORTENSII sententia, caet. §. XXXV.
 HORTENSIIUS Lentuli studiosissimus in causa Regis
 Ptolemaci. §. XXXVI. HORTENSIIUS aliqua in
 causa erga Ciceronem intemperans. §. XXXVII. P.
 Sextium defendit, Cicerone pro eodem perorante.
 §. XXXVIII. Cn. Pompeji & M. Licinii Crassi Con-
 sulum malae artes, Legis SUMPTUARIAE rogatio-
 ni HORTENSIIUS se opponit, nec frustra. §. XXXIX.
 Cato, Suffenas & Procilius, Tribb. Pl. accusati, hic
 condemnatus, HORTENSIO defendente: Cicero sese
 abstinuit. §. XL. Augurum institutio. Cicero au-
 gur, studio praesertim HORTENSII. §. XLI. Mi-
 lonis judicium. §. XLII. Cicero Ciliciae Proconsul
 pro-*

profecturus, HORTENSIO sua dat mandata: Hujus bima sententia. §. XLIII. M. Valerii Messalae Ambitus accusationes, HORTENSII defensio, eamque secutae contumeliae. §. XLIV. Causa Appii Claudii. HORTENSIUS animam agit. §. XLV. Ejus mors. GLANDORPIUS refutatur. §. XLVI. HORTENSII felicitas per totam vitam a CICERONE memorata.

§. I.

Cum, teste EGNATIO, (1) mos sit iis, qui de vita & moribus alicujus magni viri vel scribunt, vel loquuntur, ut aliquid de genere dicant; huic quasi legi nos etiam obtemperemus, breviter quaedam praemittentes de Q. HORTENSII Gente.

Gens HORTENSIA ab hortorum cultu nomen traxit, ut FABII a fabis, PISONES a pisis, CICERONES a ciceribus, & LENTULI a lentibus serenidis sunt appellati, monentibus CORRADO (2) & MAJANSIO (3). Utrum Patricia an Plebeja fuerit, disputatur; Cf. RICH. STREINIUS de Gentibus & Familiis Romanorum, (4) &, qui Streinium hic ad verbum exscripsit, ANT. AUGUSTINUS de Famil. Rom.

(1) Ap. SERR. CORRADUM *Quaest.* p. 24. Ed. Ernest.

(2) *Com. ad CICER. Brut.* p. 5. in f.

(3) *Epistol. L. VI. Ep. 28.* Cf. PLINIUS *Hist. Nat. L. 18. c. 3.* & MIDDLETON in *Vita Cicer. T. I. S. 1. p. 6 sq.* Ed. Londin. Anni 1741.

(4) in *Thes. Antiq. GRAEVII T. VII. p. 1113. seqq.*

6 SPECIMEN HISTORICO - JURIDICUM

accusatus de altera Conjuratone Catilinaria. Ciceronis & HORTENSII in eo discrimine conjunctio. §. XXI. Clodii facinus in violandis Bonae Deae sacris, de eoque contentiones. §. XXII. Absolutus Clodius, HORTENSII ardor, Lex Fufiana, CAUSAUBONI opinio, paululum infensior, refellitur. §§. XXIII, XXIV. HORTENSIVS a TUNSTALLI calumnia liberatus. §§. XXV, XXVI. HORTENSIVS a Cicerone in rebus publicis abalienatus propter hujus cum Cn. Pompejo conjunctionem. §. XXVII. L. Valerii Flacci accusatio. HORTENSIVS & Cicero defensores. §. XXVIII. P. Clodius Tribunus Plebis, Ciceroni infestus. HORTENSII legatio ad Consules, ubi in defendendo Cicerone egregius & constans. §. XXIX. Cum Catone, Arrio, aliisque Ciceroni liberi exsilii suasor. §§. XXX—XXXII. Ab acerbis Ciceronis querelis excusatur. §. XXXIII. Interpretes in HORTENSIUM nimis injusti. §. XXXIV. Cicero redux; Clodii scelera, de iis contentiones in Senatu, HORTENSII sententia, caet. §. XXXV. HORTENSIVS Lentuli studiosissimus in causa Regis Ptolemaci. §. XXXVI. HORTENSIVS aliqua in causa erga Ciceronem intemperans. §. XXXVII. P. Sextium defendit, Cicerone pro eodem perorante. §. XXXVIII. Cn. Pompeji & M. Licinii Crassi Consulium malae artes, Legis SUMPTUARIAE rogationi HORTENSIVS se opponit, nec frustra. §. XXXIX. Cato, Suffenas & Procilius, Tribb. Pl. accusati, hic condemnatus, HORTENSIO defendente: Cicero sese abstinuit. §. XL. Augurum institutio. Cicero augur, studio praesertim HORTENSII. §. XLI. Milonis judicium. §. XLII. Cicero Ciliciae Proconsul
pro-

profecturus, HORTENSIO sua dat mandata: Hujus bima sententia. §. XLIII. M. Valerii Messalae Ambitus accusationes, HORTENSII defensio, eamque secutae contumeliae. §. XLIV. Causa Appii Claudii. HORTENSIIUS animam agit. §. XLV. Ejus mors. GLANDORPIUS refutatur. §. XLVI. HORTENSII felicitas per totam vitam a CICERONE memorata.

§. I.

Cum, teste EGNATIO, (1) mos sit iis, qui de vita & moribus alicujus magni viri vel scribunt, vel loquuntur, ut aliquid de genere dicant; huic quasi legi nos etiam obtemperemus, breviter quaedam praemittentes de Q. HORTENSII Gente.

Gens HORTENSIA ab hortorum cultu nomen traxit, ut FABII a fabis, PISONES a pisis, CICERONES a ciceribus, & LENTULI a lentibus serenidis sunt appellati, monentibus CORRADO (2) & MAJANSIO (3). Utrum Patricia an Plebeja fuerit, disputatur; Cf. RICH. STREINIUS de Gentibus & Familiis Romanorum, (4) &, qui Streinium hic ad verbum exscripsit, ANT. AUGUSTINUS de Famil. Rom.

(1) Ap. SER. CORRADUM *Quaest.* p. 24. Ed. Ernest.

(2) *Com. ad CICER. Brut.* p. 5. in f.

(3) *Epistol. L. VI. Ep. 28.* Cf. PLINIUS *Hist. Nat. L. 18. c. 3.* & MIDDLETON in *Vita Cicer. T. I. S. 1. p. 6 sq.* Ed. Londin. Anni 1741.

(4) in *Thes. Antiq. GRAEVII T. VII. p. III3. seqq.*

8 SPECIMEN HISTORICO-JURIDICUM

Rom. (1). Claram vero *Hortensiam Gentem* fuisse dubium non est, quum plurimi ex ea summos in Republica honores obiisse legantur. Sic v. g. DICTATOR fuit Q. HORTENSIUS, qui Legem tulit, ut *Plebiscita omnes Quirites tenerent* (2). Ad A. U. 645 etiam *Consul designatus* fuit Q. HORTENSIUS; magistratum vero suum non adiit: quam ob causam, ignoramus. Hunc ONUPHRIUS PANVINIUS falso nostri Hortensii patrem fuisse vult; cujus aetas, eo anno, Quaestoria potius, quam Consularis esse potuit, iudice PIGHIO *Ann. ad. h. Annum Tom. III. pag. 129.*

Natus vero est QUINTUS HORTENSIUS, A. U. 639, M' Acilio Balbo, C. Porcio Catone Coss. uti colligere licet e CICERONIS verbis, qui eum *undeviginti annos natum, primum in foro dixisse* affirmat, L. Crasso, Q. Scaevola Consulibus (3); quorum consulatus cum in Annum U. C. 658 incidat, (4) res plane omni dubio caret (5).

Patre usus est nobili L. HORTENSIO, Senatorio viro, variis functo honoribus; *Quaestura, Tribunatu Plebis*

(1) in *Thef. Antiq. T. VII. p. 1266.* Leg. SER. CORRADUS ad CICER. *Brut. p. 6.* & BAYLIUS *Lex. Hist. in voce HORTENSIUS.*

(2) De hoc *Dictatore* legantur Interpretes ad LIVIUM L. VIII. c. 12. & ad LIVII *Epitom. L. XI. T. III. p. 192.* Ed. DRACKENB.

(3) *Brut. cap. 64. cf. de Orat. III. 61. Brut. cap. 96.*

(4) Vid. PIGHIUS *Ann. Rom. Tom. III. pag. 196.*

(5) Adde in *Bruto c. 64.* „me adolescentem nactus octo annis minor rem, quam erat ipse, multos annos in studio ejusdem laudis exercuit.” CICERO autem natus est A. U. 647. Cf. PIGHIUS *Ann. III. 140.* FABRICIUS MARCODURANUS in *Vit. Cicer. ad h. annum* & MIDDLETON. in *Vita Cicer. T. I. p. 1.*

bis, Praetura (6), ex qua Siciliam fortitus, eam tam bene administravit, ut cum Cn. Pompejo Strabone, & M. Marcello, ab aequitate, ab lege, ab institutis non recessisse, dicatur (7).

§. II.

Recens adhuc, Q. HORTENSIO juvene, erat memoria Fratrum GRACCHORUM, qui optimo, sed forte minus tempestivo consilio, Plebis partes sunt tutati, & in illa cum Optimatibus pugna occubuerunt. Vidit praeterea similes turbas, Agrariae legis causa concitatas, a L. SATURNINO Trib. Pl., adjutore C. Mario: & tandem, illos LIVII DRUSI, etiam Tribuni Plebis, conatus, quibus concordiam, Patres inter & Plebem se instaurare velle, professus est.

Voluit scilicet Drusus judicia Senatui restituere, & Plebi gratificari leges Agrarias ferendo, & praesertim, Socios Italicos, jam lege *Mucia Licinia* (8) exasperatos, lenire, proposita illis spe civitatis.

Res aliter cecidit; Drusus ab inimicis per fraudem interfectus est, A. U. 663: & Socii Italici, ab illa spe dejecti, arma sumserunt, non, ut vi & ferro Ro-
ma-

(6) Cf. PIGHIUS *Ann.* III. p. 128, 132, 154, 190, 195.

(7) CICERO *Verrin. Act.* II. Lib. 3. cap. 16.

(8) Lex MUCIA LICINIA lata est a L. LICINIO CRASSO Oratore, & Q. MUCIO SCAEVOLA Coss. A. U. 658: *de civitate, ne quis sit pro cive, qui non sit civis.* CICERO *de Off.* III. II. Or. p. Balbo. 21, 24. Cf. BALDUINUS *Jurispr. Muciana.* p. m. 100. ERNESTI *Cl. Cicer. Ind. Leg. γ. LICINIA MUCIA.*

10 SPECIMEN HISTORICO-JURIDICUM

manis eriperent civitatem, sed ut in eam reciperentur, petentes (1).

Ex hoc fonte manavit bellum illud *Italicum*, five *Sociale*, seu *Marsicum*, quod per triennium gestum est a *Sociis Italicis*, *Picentibus*, *Marsis*, *Pelignis*, aliisque, magno ausu, magnoque apparatu; quorum ut fortuna atrox, ita causa fuit justissima, teste VELLEJO PATERCULO (2), & qui idem sentit, OVIDIO, *Amor.* III. 15. vs. 7.

Mantua Virgilio gaudet, Verona Catullo:

Pelignae dicar gloria gentis ego.

Quam sua libertas ad honesta coegerat arma,

Cum timuit socias anxia Roma manus.

S. III.

In hoc bello, quod, primum adversa fortuna, interfectis duobus Consulibus, exercitibusque saepe profligatis, deinde feliciore successu, discordia inter socios orta, gestum est; primo anno fuit HORTENSIVS miles, altero Tribunus militum (3).

Annum tum agebat vigesimum quartum: & quamvis per quinquennium in Foro jam versaretur, & ad majores causas adhiberetur, videtur militiae nomen dedisse, cum *judicia bello intermissa videret* (4): tum, ea etiam in par-

(1) CICERO *Philipp.* XII. II.

(2) *Lib.* II. c. 15. Cf. CICERO *p. Balbo.* c. 22. Leg. FLORUS III. 18. & Auctores a FREINSHEMIO ad initium h. Cap. citati.

(3) CICERO *Brut.* c. 89.

(4) CICERO *Brut.* c. 88. Senatus enim decreverat, ne *judicia*, dum tumultus Italicus esset, exercerentur, ut ait Asconius. Cf. CORNELIUS LELIUS *Com. ad Brut.* I. I. p. 429.

parte morem majorum secutus, qui militaris disciplinae usum in unoquoque Romano, liberaliter instituto, requirebat: unde canit HORATIUS (5):

*Angustam, amici, pauperiem pati
Robustus acri militia puer
Condiscat; & Parthos feroces
Vexet eques metuendus hasta:
Vitamque sub divo, & trepidis agat
In rebus:*

Ita enim Romana Respublica sapienter erat constituta, ut, qui se ad arma & bellica negotia darent, omnino tamen non possent carere illis studiis, quae Romae in Foro & in Senatu civem ornabant; contra, qui ambitionis labore, veluti Crassus (6), vitam districtam haberent, & privatis magis officiis & ingenii laude florerent, non plane expertes esse poterant omnis disciplinae militaris, cum saepe iis Propraetoribus, vel Proconsulibus, ingentes exercitus, maximaque Reipublicae pericula essent committenda (7).

§. IV.

Bello Sociali finito, HORTENSIVS ad forum causasque rediit, neque umquam belli strepitum ulterius videtur secutus esse. Errat igitur GLANDORPIUS (8)

scri-

(5) *Carm. III. Od. 2. init.*

(6) Cf. CICERO *de Orat. III. 2.*

(7) Legatur MIDDLETONUS *in Vita Cicer. T. I. S. I. p. 18.*

(8) *Onom. Hist. Rom. p. 404.*

scribens, *Ivit mox cum Sulla legatus in Asiam contra Mithridatem*; quod jam idoneis argumentis refutavit BAYLIUS (1), quibus tamen duo alia addere liceat.

Horum prius nobis suppeditat PLUTARCHUS *in vita Sullae* (2); ubi locutus de hujus nuptiis cum Valeria, Messalae filia, eleganti muliere forma & genere illustri, addit diserte: Ὁρτησίλου δὲ τοῦ ῥήτορος ἀδελφῇ, quae voces, τοῦ ῥήτορος, additae videntur, ne confunderetur cum altero illo Hortensio, de quo paulo supra locutus erat PLUTARCHUS (3), & qui in pugna ad Chaeroneam, cum Gallo, etiam Sullae legato, copiis subsidiariis praeerat, στρατηγικὸς ἀνὴρ καὶ φιλόνεικος (4).

Alterum petimus ex CICERONIS verbis ad M. Coelium, Aedilem Pl. A. U. 704. scribentis (5):
 „ Etenim memini, in hoc genere gloriari solitum esse
 „ familiarem nostrum, Q. HORTENSIUM, quod
 „ numquam bello Civili interfuisset. *Hoc nostra laus*
 „ *erit illustrior, quod illi tribuebatur IGNAVIAE:*
 „ *de nobis id existimari posse non arbitror*”; quae ignaviae criminatio male caderet in illum Sullae fortissimum & totius rei bellicae bene peritum legatum. Sed quid multa: ipse CICERO controversiam plane di-

(1) *Lex. Crit. Hist. Vocē Q. HORTENSIUS T. II. p. 794. n. B.*

(2) *T. I. p. 474. C.*

(3) *in Vita Sullae T. I. 461. C. 463. C.*

(4) De eodem HORTENSIO, Sullae legato, est fragmentum DIONIS CASSII *Ed. REIMAR. no. 125. T. I. p. 51. ὅτι Ὁρτήσιος στρατηγικὸς ἀνὴρ καὶ πολεμικὰ ἑσκημένος.* Legatur nota HENR. VALE. 311 §. 165. DIONIS *Reim. T. I. p. 49.* ubi ostendit omnia haec DIONIS, esse exscripta ex PLUTARCHI *Vita Sullae.* Cf. REIMARUS *ad Fragm. DION. CASS. §. 285. T. I. p. 73.* de simili DIONIS furto.

(5) *ad Divers. II. 16.*

dirimit, uti recte animadvertit *Baylius l. l.* Nam illa contra Mithridatem expeditio, in illud triennium cecidit, „quo fere urbs fuit sine armis, sed oratorum aut „interitu, aut discessu, aut fuga; nam aberant „etiam adolescentes M. Crassus & Lentuli duo; *primas in causis agebat Hortensius (6).*”

§. V.

SULLA ad Mithridaticum bellum profecto, dirae illae ortae sunt turbae civiles, inter Consules Cinna & Octavius, quae, morte Octavii, praestantissimorumque civium, Sullae amicorum, P. & C. Caesarum, P. Crassi, M. Antonii, aliquantum sopitae, in primis tamen interitus Romanae Reipublicae causae sunt censendae. Mox enim interfecto Cinna, rebus perturbatis, quum in pejus rueret Romana libertas, Sulla rerum potitus, cruentam illam instituit proscriptionem, qua Marianos oppressit, & libidinose in eos, qui ei displicuerant, faeviit. Infelicitatem horum temporum tangit LUCANUS (7);

*Perdita tunc Urbi nocuerunt secula, postquam
Ambitus, & luxus, & opum metuenda facultas
Transverso mentem dubiam torrente tulerunt.*

Cum scilicet in civium jugulos

Jus

(6) *Brut. cap. 90.*

(7) *Phars. IV. 816. sqq.*

Jus — — — sibi fecerat ensis
Sulla potens, Mariusque ferox, & Cinna cruentus.

Deinde Sulla, a L. Flacco Interrege Dictator creatus, plurima immutavit; judicia Equitibus ademit & Senatui restituit: Tribunorum Plebis vero potestatem insigniter coarctavit.

Sullae partes secutus erat Pompejus, quem HORTENSIVS, una cum Philippo, ante defenderat. Legatur PLUTARCHUS in *Vita Pompeji* T. I. pag. 619. D. Cf. CICERO in *Bruto*. c. 64.

§. VI.

Inter Leges quas tulit Sulla (1), ut Rempublicam, diuturnis seditionibus & turbis quassatam, confirmaret, fuit & illa *de Magistratibus*, cujus caput erat, ut quotannis viginti Quaeitores, partim populi suffragio, partim Consulum lectione, crearentur (2), ad supplendum Senatum, cui Sulla judicia reddiderat. Unus horum viginti Quaeitorum, primum *Lege Cornelia* A. U. 673 creatorum, fuit Q. HORTENSIVS (3).

Quaestura vero, ut notum est, primus erat gradus ad amplissimos in Republica honores capeffendos. HORTENSIVS autem juvenis omni sese instruxerat cognitione, digna & nobili & causas oranti (4). Tempus, quo belli calamitate filebant optimorum Oratorum voces in
fo-

(1) Eas recenset PIGHIUS *Ann. Rom. A. U. 672. III. 260 sqq.*

(2) Cf. TACITUS *Ann. XI. 22.*

(3) Cf. PIGHIUS *Ann. III. 272.*

(4) Quanam ea sit, discimus ex L. 2. §. 43. D. de Or. Juris.

foro, utiliter valde consumserat in addiscenda militari arte: nunc vero ad forum reversus, de concilianda sibi civium voluntate maxime sollicitus, clarissimas egit causas. Cumque in illis turbis & bellis civilibus nullius potissimum partes secutus esset, nunc restituta Republica, firmato ingenio & ad omnia instructo, Sullae partibus se dedit, in quibus tuendis tranquillitas imperii ei sita esse videbatur.

Hujus Quaesturae saepe mentionem facit C I C E R O in *Verrinis*, magna cum laude, ob rationes recte relatas, & universe bene administratam provinciam; & quod maximum est, eam cum sua *Quaestura Siciliensi* comparat. „Hoc est, *inquit*, rationes referre? hoc modo aut ego, aut tu, Hortensi, aut quisquam hominum retulit?“ (5)

§. VII.

A. U. 675 mortuo Sulla, a seditioso M. Aemilii Lepidi Cos. ingenio, novae ortae sunt discordiae, qui cum acta Sullae vellet rescindere, & cum valido exercitu ad urbem venisset, a Q. Catulo collega, & Cn. Pompejo victus, tandem Italia pulsus est, atque ita pax restituta.

In urbe dein pacatis rebus, HORTENSIVS, Sullae partium sectator, semel constitutam ambitionis viam tenens, A. U. 677 *Aedilitatem* petiit, cum ex Asia rediisset Cicero, & *Quaesturam*, Cotta autem *Consulatum* ambiret (6). Neque frustra petierunt: nam sequen-

(5) *Verrin. Act. II. L. I. c. 14. cf. & c. 39. & L. III. c. 78.*

(6) C I C E R O, *Brut. cap. 92.*

quenti A. U. 678. eos his magistratibus functos videmus (1).

Fuit omnino haec *Aedilitas* Reipublicae utilissima, siquidem in annonae, qua tunc premebantur, caritate, sesquimodiis in capita divis, tumultuosam plebem placavit HORTENSIVS, & maximam a populo gratiam iniit. „ Quod nisi, *inquit* CICERO (2), omnis „ frumenti ratio ex temporibus esset & annona, non „ ex numero, neque ex summa, consideranda: num- „ quam tam grati hi sesquimodii, Q. Hortensi, fuissent: quos tu cum ad mensurae tam exiguae rationem populo Romano in capita descripsisses, gratissimum omnibus fecisti: caritas enim annonae faciebat, ut istuc, quod re parvum videbatur, tempore magnum videretur. Idem istuc si in vilitate populo Romano largiri voluisses; derisum tuum beneficium esset atque contemptum. ”

Ad Aedilitatem etiam pertinuisse ludorum Circensium dandorum officium, non indiget verbosa demonstratione; res est cognita. In iis sumtuosissime & elegantissime faciendis praecipua tum Aedilitatis laus spectabatur. HORTENSIVS in his etiam excelluit, & numeratur a CICERONE (3) inter eos qui magnificentissima Aedi-

(1) Vid. PIGHIUS *Ann.* Tom. III. p. 298 & 300. Collegam Hortensius in Aedilitate habuit Q. Caecilium Metellum, qui cum eo etiam Consul fuit, & postea Creticus appellatus est.

(2) *Verrin. Ad.* II. L. III. c. 92. quem locum cum PIGHIO *Ann.* III. 300. & qui eum sequitur, FREINSHEMIO, in *Suppl. Livian.* L. 94. c. 25. de HORTENSII Aedilitate intelligo. P. MANUTIUS ad l. Ciceronis l. de Quaestura, ad quam rei frumentariae curam pertinuisse, dicit.

(3) *de Off.* II. 16. „ Et paullo post L. Crassus cum omnium hominum
„ sum

Aedilitate clari exstiterunt, L. Crassum, Q. Mucium Scaevolam, C. Claudium, Lucullos, aliosque.

§. VIII.

Quemadmodum vero „ omnia signa, tabulas, orna-
 „ mentorum quod supererat in fanis, & communibus
 „ locis, tota e Graecia, atque insulis omnibus, hono-
 „ ris populi Romani causa, — domum suam depor-
 „ tare, ” forumque & comitia iis ornare, (4) pluri-
 morum Romanorum mos erat; idem quoque ab HORTENSIO factum videmus, cui ad hanc rem rapta ex Provinciis signa Verres commodaverat: unde CICERO in *Verrinis*, *Actione Secunda*, quam scripsit tantummodo, non habuit, HORTENSIO objicit, quod ejus furtis fuisset usus ad ornandum forum & comitia; simul illi accusatorie harum rerum studium & voluptatem exprobrans; „ Dices, (*Verrem alloquitur*) (5) tua
 „ quoque signa & tabulas pictas ornamento urbi foro-
 „ que populi Romani fuisse. Memini: vidi simul cum
 „ populo Romano forum comitiumque adornatum, ad
 „ speciem magnifico ornatu, ad sensum cogitationem-
 „ que acerbo & lugubri. Vidi collucere omnia furtis
 „ tuis, praeda Provinciarum, spoliis Sociorum atque
 „ amicorum. Quo quidem tempore, judices, iste
 „ spem maximam reliquorum quoque peccatorum
 „ na-

„ num moderatissimo Q. Mucio, magnificentissima Aedilitate functus est:
 „ deinde C. Claudius, Appii filius: multi post, Luculli, *Hortensius*,
 „ Silanus. Omnes autem P. Lentulus, me Consule, vicit superiores.”

(4) CICERO *pro Domo ad Pont.* c. 43.

(5) *Verr. Act.* II. L. I. c. 22. Cf. supra L. I. c. 19. de Tene, sanctissimo Tenediorum Deo; quem, inquit, quondam in Comitio vidistis. Cf. & c. 20.

„ nactus est. *Vidit enim eos, qui JUDICIORUM*
 „ DOMINOS (1) *se dici volebant, harum cupidi-*
 „ *tatum esse SERVOS*”.

Inveniuntur in illa *Actione Verrina Secunda*, praefertim in *Libro Primo*, qui agit de *Practura Urbana*, & *Libro Quarto*, qui de *Signis* inscribitur, plura loca, ubi CICERO in HORTENSIVM, quem Verris *Amicum* vocat, (2) oratorie invehitur, ob horum ornamentorum in Aedilitate usum; & significat, eum forum & basilicas spoliis Provinciarum & furtis nocentium ornasse, — „ & ablata ex urbibus Sociorum, qua-
 „ tridui causa, per simulationem Aedilitatis, domum
 „ deinde, atque ad suas villas abstulisse (3)”.

Nihil tamen in eo fecerat HORTENSIVS, quod tam graviter & severe reprehendi mereretur, nisi ab accusatore acerbo. Sequebatur enim constantem omnium Romanorum consuetudinem, qui Praetores vel Aediles creati, forum ac basilicas, ornamentis amicorum, & commodis hospitum, ornabant. Ille autem a Verre, ditissimo homine, hunc in finem petierat tabulas, signa, monumenta, caet. qui & statim ea commodavit: quo tempore HORTENSIVS ignorare potuit, quibus sceleribus ea sibi acquisivisset *Verres*; ac forte a Sociis empti putavit, uti in hujus Defensione etiam dixisse videtur: „ *Fingitur*, inquit enim CICERO (4), *impro-*
 „ *ba defensio, Praetorem omne id argentum coemisse.*”

Ne-

(1) HORTENSIVM, caeterosque nobiles designat, teste ASCONIO PEDIANO *ad h. l.* Leg. P. MANUTIUS *ad h. l.* Cf. *Act. II. L. 4. c. 44.* ubi dicuntur, *isti, qui se ELEGANTES dici volunt.* cf. & *Act. I. c. 12.* Dissentit FERRATIUS *Epist. Libr. IV. Ep. 3 n. 2. p. 213.*

(2) Cf. *Act. II. L. 4. c. 1. init. & Divin. in Q. Caecilium c. 7.*

(3) *Act. II. L. 4. c. 3.*

(4) *Act. II. L. 4. c. 16. Cf. & L. 4. c. 4.*

Neque tamen solus HORTENSIVS his ornamentis ad adornandum forum usus est, sed, teste ASCONIO PEDIANO (5), item *Metellis*, rapta ex Provinciis signa commodaverat Verres: Unde & CICERO (6): „ si quis „ quando, *inquit*, aliquid ejusmodi videre volet, eat ad „ aedem Felicitatis, ad monumentum Catuli, in porticum Metelli: det operam, ut admittatur in alicujus „ istorum *Tusculanum* (7): spectet forum ornamentum, si quid iste suorum Aedilibus accommodavit.”

Sed huic C. Verris causae alius est destinatus locus: satis sit hic monere, quamvis dixerit CICERO, (8) *se Latine, non accusatorie loqui*, haec tamen omnia minus ponderis habere; siquidem ab accusatore dicta, & quidem a tali, qui, his scriptis, exemplum voluit relinquere, quid divinum suum ingenium etiam in accusando praestare posset; praesertim in tam nobili causa, contra defensorem tanta auctoritate in Foro & apud Judices valentem.

§. IX.

Eodem Anno U. 678. a C. AURELIO COTTA Consule oratio est habita, ut dura Tribunorum Plebis conditio aliquantum leniretur (9); quam secuta est abrogatio illius *Legis Corneliae* capitis, quod Tribunitiis majorum honorum spem ademerat. Hanc *Aureliam* legem

(5) *ad Aet. II. L. 1. c. 22.*

(6) *Aet. II. L. 4. c. 57.*

(7) De Hortensii *Tusculano*, locus est apud PLINIUM *H. IV. XXXV. 11.* & ap. MACROBIUM *Saturn. II. 9. (III. 13.)*

(8) *Aet. II. L. 4. c. 1.*

(9) Lege enim *Cornelia*, SULLAE Dictatoris, Tribunis Plebis ademptum erat *jus vetandi, intercedendi, agendi cum Populo, & reliquos Magistratus capeffendi.*

gem Q. OPIMIUS Trib. Pl. suavit (1), repugnantibus nobilibus, & praesertim Sullae partium defensoribus; quorum primarii erant Q. Catulus & Q. HORTENSIVS.

Illi vero potentiae jacturam, sequenti A. U. 679. in Q. OPIMIUM, praecipuum auctorem, ultii sunt, & apud Verrem Praetorem „ adductus est in iudicium, „ verbo, (uti CICERO, adversae partis studiosus, & Verris accusator, dicit, (2)) quod, cum esset „ Tribunus Plebis, intercessisset contra legem Corneli- „ am: re, quod in Tribunatu dixisset contra alicujus „ hominis nobilis voluntatem. De quo iudicio (3) si „ velim dicere omnia, multi appellandi laedendique sint: „ quod mihi non est necesse. tantum dicam, paucos „ homines, ut levissime dicam, ARROGANTES, „ hoc adjutore, Q. Opimium per ludum & jocum „ fortunis omnibus evertisse.” Quo loco, nomine ARROGANTIUM, CICERO significat Catulum, HORTENSIVM, Curionem (4), Principes Sullanarum partium; qui tamen non per ludum & jocum Q. Opimium accusarant, sed ut, quemadmodum illi quidem existimabant, puniretur ob illam imprudentiam, qua tota constitutio Sullana penitus everteretur.

§. X.

ANDREAS SCHOTTUS, qui defectum aliquot

(1) Persuasisse hanc legem Opimium, testatur ASCONIUS PEDIANUS, ad CICER. Verr. Act. II. L. I. c. 60.

(2) Act. II. L. I. c. 60.

(3) De eo legatur FERRATIUS Epist. L. II. E. II. p. 114.

(4) ASCONIUS PEDIANUS ad l. l.

quot annorum in *Annalibus Pighianis* supplevit (5), cum non ita accuratissime omnes Magistratus notaret, omisit etiam HORTENSII *Praetoram*, quam tamen, suo tempore obtinuit, ut animadvertit GLANDORPIUS (6), & ut patet e CICERONE (7): a quo, Senatorum judicia vituperante, cum laude memoratur, quod ab illo, *de pecuniis repetundis* quaerente, Senator sit damnatus. „Cognoscet ex me, *ait*, populus Romanus, quid sit, quamobrem, „cum Equester ordo judicaret, annos prope quinquaginta continuos, ne tenuissima quidem suspicio acceptae pecuniae ob rem judicandam constituta sit? — quid sit, quod, P. Septimio senatore damnato, Q. HORTENSIO *Praetore*, *de pecuniis repetundis*, lis aestimata sit eo nomine, quod „ille ob rem judicandam pecuniam accepisset.”

Huc usque admirati sumus HORTENSII constantiam, quod, quam semel amplexus esset sententiam, religiose tenuerit: nunc vero ejus res gestae magis in luce versabuntur, & cognoscentur ex CICERONIS scriptis, cujus cum vita magis magisque conjunctae esse coeperunt.

Post comitia Anni U. 683, quibus creatus est HORTENSIVS sequentis anni CONSUL, cum Q. Metello; CICERO designatus Aedilis, celebrem illam instituit C. Verris accusationem. „Cum igitur, *inquit*

(5) Vid. *Ann. Pigh.* III. 305. A. U. 679: eos supplevit usque ad A. U. 690. T. III. p. 322.

(6) *Onom. Hist. Rom.* p. 404 sq. Cf. ASCON. PEDIAN. ad *Verr.* Act. II. L. I. c. 22. init.

(7) *Verrin. Act.* I o. 13.

quit (1), *essem in plurimis causis & in principibus patronis quinquennium fere versatus, tum in patrocinio Siciliensi maxime in certamen veni designatus Aedilis cum designato Consule HORTENSIO.*"

Defendebatur Verres a Scipionibus & Metellis, & praesertim „ *ab HORTENSIO ipso, facile & principe in Senatu propter nobilitatem, & in foro ob eloquentiam Rege causarum* (2).” Hujus igitur gloria quam maxime excitatus CICERO, omni labore, diligentia, & industria hanc causam peregit: & HORTENSIIUM, qui more suo, hujus hominis, familiaris sui, defensionem susceperat, argumentorum bonitate & pondere superavit.

§. XI.

HORTENSIIUS, quem Consulem designatum „*maxima frequentia & multitudo civium domum deduxerat*" (3), cum Q. CAECILIO METELLO qui postea *Cretici* cognomine inclaruit, A. U. 684. magistratum hunc inivit, & per totum anni spatium pacatum in urbe habuit. Quid autem, HORTENSIO Consule, in Romana Republica, etiam foris acciderit, legatur apud FREINSHEMIUM *in Suppl. Livian. L. 98. c. 31—67. Cf. ANN. PIGHIAN. ad h. Ann. T. III. p. 312. FABRICIUS MARCOD. in Vita Cicer. ad h. Annum. & MIDDLETON. l. l. T. I. S. 2. p. 114. seqq.* P. MA.

(1) CICERO *in Brut. cap. 92.*

(2) ASCONIUS PEDIANUS, *Argum. Divin. ad Q. Caecilium.*

(3) CICERO *Verr. Act. l. c. 7. ibique ERNESTI.*

P. MANUTIUS scribit (4), HORTENSIO & METELLO Consulibus, latam fuisse *Legem Aureliam*, qua tres Ordines coeperunt judicare, Senatores, Equites, & Tribuni Aerarii, „ cum, inquit, Equites ante, *Lege*, „ *Cornelia*, per annos decem turpiter judicassent;” & citat ASCONIUM PEDIANUM ad CICERONIS *Cornel.* I; & suum *de Romanis Legibus* librum.

Quod si verum esset, certe illud memorabile factum sufficeret, quo Consulatus HORTENSII illustraretur: sed haec mihi parum accurate dicta videntur. Nam, primo: vix intelligo unde hic *Equitum* fiat mentio, quos, lege *Cornelia*, per decem annos turpiter judicasse dicit MANUTIUS; cum constet, *Senatoribus*, a Sulla, judicia fuisse restituta, quae C. Gracchus *Equitibus* dederat.

Deinde, in illo *de Romanis Legibus* libro, (5) copiose quidem egit MANUTIUS, *de Legibus de Judiciis, Testimoniis & Indiciis*, sed plane contraria concludit. En ipsius verba: „ Post victor Sulla, Dictator primus Reipublicae constituendae causa factus, „ *inensus Equitibus*, quia pro Cinnanis partibus steterant, legem tulit, ut nemo, nisi qui *Senator* esset, „ judicare posset. — Sulla mortuo, quod ille sanxerat, „ per annos undecim servatum est, hoc est, usque ad „ Cn. Pompeji & M. Crassi primum Consulatum: quo „ anno L. Aurelius Cotta praetor populum rogavit, „ po-

(4) *Comm. ad CICER. Epist. ad Div. VIII. 2. Ed. GRAEVII T. I. p. 355. Ed. RICHTERI. T. I. p. 525.*

(5) Exstat ille liber in *Thef. Antiq. Rom. GRAEVII Tom. II. cf. ibi c. 15. p. 1070. Leg. P. MANUTII Comment. ad CICERONIS Or. p. Plancio. c. 15. not. de reject. judicum. & ad Or. pro Quintio. c. 1. not. C. Aquilli.*

quit (1), *essem in plurimis causis & in principibus patronis quinquennium fere versatus, tum in patrocinio Siciliensi maxime in certamen veni designatus Aedilis cum designato Consule HORTENSIO.*"

Defendebatur Verres a Scipionibus & Metellis, & praesertim „ *ab HORTENSIO ipso, facile & principe in Senatu propter nobilitatem, & in foro ob eloquentiam Rege causarum* (2).” Hujus igitur gloria quam maxime excitatus CICERO, omni labore, diligentia, & industria hanc causam peregit: & HORTENSIIUM, qui more suo, hujus hominis, familiaris sui, defensionem susceperat, argumentorum bonitate & pondere superavit.

§. XI.

HORTENSIIUS, quem Consulem designatum „*maxima frequentia & multitudo civium domum deduxerat*" (3), cum Q. CAECILIO METELLO qui postea *Cretici* cognomine inclaruit, A. U. 684. magistratum hunc inivit, & per totum anni spatium pacatum in urbe habuit. Quid autem, HORTENSIO Consule, in Romana Republica, etiam foris acciderit, legatur apud FREINSHEMIUM *in Suppl. Livian. L. 98. c. 31—67. Cf. ANN. PIGHIAN. ad h. Ann. T. III. p. 312. FABRICIUS MARCOD. in Vita Cicer. ad h. Annum. & MIDDLETON. l. l. T. I. S. 2. p. 114. seqq.* P. MA.

(1) CICERO *in Brut. cap. 92.*

(2) ASCONIUS PEDIANUS, *Argum. Divin. ad Q. Caecilium.*

(3) CICERO *Verr. Act. l. c. 7. ibique ERNESTI.*

P. MANUTIUS scribit (4), HORTENSIO & METELLO *Consulibus*, latam fuisse *Legem Aureliam*, qua tres Ordines coeperunt judicare, Senatores, Equites, & Tribuni Aerarii, „ cum, inquit, Equites ante, *Lege* „ *Cornelia*, per annos decem turpiter judicassent; ” & citat ASCONIUM PEDIANUM ad CICERONIS *Cornel.* I; & suum *de Romanis Legibus* librum.

Quod si verum esset, certe illud memorabile factum sufficeret, quo Consulatus HORTENSII illustraretur: sed haec mihi parum accurate dicta videntur. Nam, primo: vix intelligo unde hic *Equitum* fiat mentio, quos, lege *Cornelia*, per decem annos turpiter judicasse dicit MANUTIUS; cum constet, *Senatoribus*, a Sulla, judicia fuisse restituta, quae C. Gracchus *Equitibus* dederat.

Deinde, in illo *de Romanis Legibus* libro, (5) copiose quidem egit MANUTIUS, *de Legibus de Judiciis, Testimoniis & Indiciis*, sed plane contraria concludit. En ipsius verba: „ Post victor Sulla, Dictator primus Reipublicae constituendae causa factus, „ *inensus Equitibus*, quia pro Cinnanis partibus steterant, legem tulit, ut nemo, nisi qui *Senator* esset, „ judicare posset. — Sulla mortuo, quod ille sanxerat, „ per annos undecim servatum est, hoc est, usque ad „ Cn. Pompeji & M. Crassi primum Consulatum: quo „ anno L. Aurelius Cotta praetor populum rogavit, „ po-

(4) *Comm. ad CICER. Epist. ad Div. VIII. 2. Ed. GRAEVII T. I. p. 355. Ed. RICHTERI. T. I. p. 525.*

(5) Exstat ille liber in *Thef. Antiq. Rom. GRAEVII Tom. II. cf. ibi c. 15. p. 1070. Leg. P. MANUTII Comment. ad CICERONIS Or. p. Plancio. c. 15. not. de reject. judicium. & ad Or. pro Quintio. c. 1. not. C. Aquilli.*

„ populusque jussit, ut tres Ordines, Senatores,
 „ Equites, Tribuni Aerarii, simul judicarent. — Tulit
 „ igitur de Piratico bello rogationem Gabinius Tri-
 „ bunus Pl. Pisone & Glabrione Coss. At Cotta,
 „ cum rogationem *de Judiciis* eo anno tulerit, quo
 „ designatus Aedilis Cicero Verrem accusavit, defen-
 „ dente HORTENSIO Consule designato, plane vide-
 „ tur eo anno tulisse, quo Pompejus & Crassus Con-
 „ sules fuerunt.”

In dicta igitur P. MANUTII nota, *ad Epist. ad Div.*
 VIII. 2. scribendum videtur, *Hortensio & Metello*
Consulibus DESIGNATIS; & corrigendus error, in
 voce *Equites*, & pro ea legendum, *Senatores* (1).

§. XII.

In Provinciarum hujus anni fortitione, Creta in-
 sula, cum belli, quod tum Romani cum Cretensis
 gerebant, administratione, HORTENSIO forte ob-
 venit: sed urbe delectatus & foro, collegae Q. Metel-
 lo suam detulit Provinciam (2), & Romae mansit.
 Et haec tenus quidem res dubio vacat; sed, cum hic lo-
 cus non careat difficultate, paullo altius rem repetemus.

Quum HORTENSIVS, Consul designatus, causam
 Verriis, contra Ciceronis accusationem, defenderet, valde in-

(1) Leg. de hac AURELIA Lege ANT. AUGUSTINUS *de Legi-*
bus, in voce AURELIA JUDICIARIA. *Thes. Antiq.* GRAEVII
 T. II. p. 1181. Cf. ANN. PIGHIAN. U. 683. III. 311.

(2) Triennio hoc bellum confecit Metellus & triumphavit.
 EUTROPIUS *Hist. Lib. VI. c. 11.* & FLORUS *L. III. c. 7. in f.*
 & INTERPRETES *ad l. l.*

infesti *Cretenſibus* erant Romani, ob belli ſocietatem cum Piratis initam (3): & Senatus bellum iis inferre meditabatur. Haec *Conſulum designatorum* etiam erat ſententia, praefertim HORTENSII, qui dicebatur hoc negotium ſibi voluiſſe arrogare: quod CICERO videtur indigitafſe, cum per ironiam, his verbis, (4) Judices ad abſolvendum *Verrem* impellit: „Retinete, „retinete hominem in civitate, judices. parcite, & „conſervate, ut ſit qui nobiſcum res judicet: qui in „Senatu ſine ulla cupiditate de bello & pace ſententiam ferat. — Verum veniat ſane: *decernat bellum „Cretenſibus; liberet Byzantios; regem appellet „Ptolemaeum; quae vult* HORTENSIUS, *omnia „dicat & ſentiat*: minus haec ad nos, minus ad vitae noſtrae diſcrimen, minus ad fortunarum noſtrarum periculum pertinent.”

Hoc igitur loco uſus eſt FREINSHEMIUS (5) ut probaret, „Bellum Creticum, *culpa haud minima Q. „Hortenſii* eſſe conſtat, qui tum Conſul designatus, „provinciam eam ſibi deſtinabat:” & HOTTMANNUS (6) etiam affirmat, HORTENSIUM, designatum Conſulem, Cretam fuiſſe *ſortitum*: deceptus loco CICERONIS, quem, FULVIO URSINO & ERNESTO (7) teſtibus, omnino recte emendavit ANTONIUS AUGUSTINUS. Legitur enim apud CICERONEM: (8) „*Quas ob res, quid agis, Horten-*
„*ſi?*”

(3) Cf. PLUTARCHUS in *Vita Pomp.* T. I. 633. F.

(4) *Ad.* II. L. 2. c. 31.

(5) *Suppl. Livian.* L. 98. c. 84.

(6) *ad CICER. Verr. A.* II. L. 3. c. 93.

(7) *ad l. l.*

(8) *Ad.* II. L. 3 c. 95.

„*si?* Consul es designatus : Provinciam SORTITUS
 „*es.*” Cum autem certum sit, ex *Lege Sempronia*, fu-
 turis Consulibus *decretas* (1) quidem fuisse Provin-
 cias, non tamen, ante aditum Consulatum, *sortitionem*
 factam, legere maluit AUGUSTINUS, „*Quid agis,*
 „*Hortensi? Consul es designatus; Provinciam SOR-*
 „*TITURUS ES*”: & hoc certe modo res plana erit.

HORTENSIO igitur Consule designato, voluit quidem
 Senatus Cretensis bellum inferre; hic vero numquam
 cogitasse videtur de arroganda sibi illa Provincia, quod
 erat omnino a toto ejus vitae more & ingenio alienum.

Post Consulatum aditum, tempore consueto, inter se
 Consules sunt sortiti, & cum tamen fors ita caderet, col-
 legae, cujus ingenium erat multo bellicosius, Provinciam
 cessit HORTENSIUS: „Κληρουμένων δὴ τῶν ὑπάτων,
 „ Ὁρτήσιος τὸν πρὸς Κρήτας ἔλαχε πόλεμον. ἀλλ’ ἐκεῖνος
 „ μὲν ὑπὸ τετῆς ἐν τῷ ἄσει φιλοχωρίας, καὶ ὑπὸ τῶν δικα-
 „ σιῶν, ἐν οἷς πλεῖστον τῶν κατ’ αὐτὸν ἀνθρώπων μετὰ γε
 „ τὸν Κικέρωνα ἠδυνήθη, τῷ τε συνάρχοντι τῆς στρατιᾶς ἐθελον-
 „ τῆς ἐξέστη, καὶ αὐτὸς κατὰ χώραν ἔμεινεν.” κ. τ. λ. (2)
id est, „Quum Consules sortirentur, HORTENSIO,
 „ ut bellum gereret cum Cretensis, obvenit. Sed
 „ is urbe delectatus & foro, in quo primum sua aeta-
 „ te locum post Ciceronem obtinebat, collegae ultro
 „ exercitu cessit, ipse in urbe remansit.”

§. XIII.

(1) Cf. CICERO *Or. de Prov. Consul.* c. 7. SALLUSTIUS,
Bell. Jugurt. c. 27. LEG. P. MANUTIUS *de Legibus* c. 10. *Thef.*
Antiq. GRAEV. T. II. p. 1055. *sqq.* Com. ad *Ep. ad Div.* I. 7. §. 26.
 ubi longius disserit de illa *Lege Sempronia*.

(2) DIO CASSIUS *Fragm.* n. 178. T. I. p. 75. Ed. Reimari.

§. XIII.

HORTENSIVS, qui per totam vitam, prudenti consilio, propriam felicitatem cum publica utilitate conjungere studebat, ita in Consulatu sapienter omnia egit, ut vix quid perfectius nobis fingere possimus. Nam, ut a Tribunis Plebis nihil metuendum haberet, cumque firmiter sibi proposuisset hunc suum Magistratum gerere graviter & libere; constituit, neque Provinciam, neque honorem, neque ornamentum aliquod, aut commodum, neque rem ullam, quae a Tribuno Plebis impediri posset, appetere: quod & sibi in Consulatu propositum fuisse, gloriatur CICERO. (3) Sciebat enim HORTENSIVS, Romanos acutos atque acres oculos habere, aures hebetiores: melius itaque sibi, & populo Romano duxit, semper in ejus ore atque oculis versari, effecitque, ut cives sui postea quotidie ipsum praesentem viderent: „habitavitque (*verbis utor* CICERONIS (4)) in oculis: pressit forum: neminem ab ipsius congressu, neque ejus janitor, neque somnus absterruit.”

CICERO quidem similiter, statim *Kalendis Januariis*, Consulatum iniens, dixit, se in Provinciam non iturum (5); sed non aequè omnem peregrinationem constanter recusavit. In Cilicia enim Proconsul cum esset, doluit saepissime, se non in eadem sententia permanfisse, & haec ad familiarem *M. Coelium*, Aedilem Curulem, scri-

(3) *Or. de Lege Agrar. contra Rullum. I. 3.*

(4) *Or. pro Plancio. c. 27.*

(5) *Or. de Leg. Agrar. I. 3.*

scripsit, (1) quae normam agendi nostri HORTENSII continere videntur: „Urbem, urbem, mi Rufe, cole, „ & in ista luce vive. Omnis peregrinatio (quod ego ab „ adolescentia judicavi) obscura & fordida est iis, quo- „ rum industria Romae potest illustris esse.” Et in sequentibus ingenue errorem suum confitetur: „ Quod „ cum probe scirem, utinam in sententia permanissem! „ Cum una mehercule ambulatiuncula, atque uno sermone „ ne nostro, omnes fructus provinciae non confero.” Ex quibus efficitur, HORTENSIIUM, hac saltem in parte, sibi magis, quam ipsum CICERONEM, constituisse.

§. XIV.

Erat HORTENSIIUS nunc *Consularis*, & auctoritate munerum, quibus functus erat, & facundiae suavitate, & persuadendi facultate, in Senatu facile princeps. Neque ab illa Optimatum parte, quam secutus erat, tunc recessit; sed potius pro eorum dignitate & salute fortiter pugnavit.

Cum enim, biennio post A. U. 686. C. CALPURNIO PISONE, & M'. ACILIO GLABRIONE *Coss.*, Piratarum audacia atque insolentia omnem navigationem & commercium Romanorum interrumperet, tulit A. GABINIUS Trib. Pl. legem (2), ut C. N. POMPEJO illud bellum mandaretur, cum summo imperio, per totum mare Mediterraneum, & ad omnes oras maritimas.

Displicebat haec lex principibus e Senatu, CATULLO, HORTENSIO, aliisque; siquidem pessimo exemplo,

(1) *Epist. ad Divers.* II. 12.

(2) Legantur ANN. PIGHIAN. A. U. 686. III. 314.

plo, per eam, uni civi nimia concederetur potestas (3), & legibus contraria, & publicae omnino libertati perniciosissima. HORTENSIVS igitur „*in Senatu multa, pro summa copia ac singulari facultate dicendi, contra virum fortem A. Gabinium, graviter orna-*” teque dixit.” (4).

Cumque istamen, de uno imperatore contra Praedones constituendo, legem promulgasset, in foro de Rostris ad populum, permulta contra illam *Legem Gabiniam* verba fecit HORTENSIVS: sed frustra. Neque ipsius, neque optimi Catuli voces audiebantur: „universus populus Romanus referto foro, repletisque omnibus templis, — unum sibi ad commune omnium gentium bellum *Cn. Pompejum* imperatorem depoposcit. (5)

Tribuni Plebis nempe illo die recuperatae auctoritatis auctorem ornarunt; neque hoc erat, cui sese opponerent HORTENSIVS & alii: concedebant, si omnia uni essent tribuenda, *Cn. Pompejum* dignissimum esse, cui tribuerentur: sed ad unum omnia deferri non

(3) PLUTARCHUS *in Vita Pomp. T. I. 631. F. dicit*, „eam legem non classis, sed plane in omnes mortales imperium & arbitrium concessisse liberum.”

(4) CICERO *Or. pro Lege Manilia c. 17: & c. 19.* „Bono te animo tum, Q. HORTENSI, populus Romanus, & ceteros, qui erant in eadem sententia, dicere existimavit ea, quae sentiebatis: sed tamen in salute communi idem populus Romanus dolori suo maluit, quam auctoritati vestrae obtemperare. Itaque una lex, unus vir, unus annus, non modo nos illa miseria ac turpitudine liberavit: sed etiam effecit, ut aliquando vere videremur omnibus gentibus & nationibus terra marique imperare”.

(5) CICERO *Or. pro Lege Manilia. c. 15.*

non oportere ajebant (1); & Marii Sullaeque turbas & proscriptiones inde repetebant, quod saepius, repetitis imperiis, majorem acquisivissent potentiam, quam ut amplius legum judiciorumque acerbicatem pertimerent (2).

§. XV.

Profligato feliciter per *Pompejum*, intra anni spatium, bello Piratico; felix hic rerum eventus non tamen prohibuit, quo minus HORTENSIVS paullo postea, in simili causa, in eadem permaneret sententia, *non omnia ad unum esse deferenda*.

Tulit scilicet, sequenti A. U. 687. M. AEMILIO LEPIDO & L. VOLCATIO TULLO *Coss.*, ad populum C. MANILIUS Trib. Pleb., ut eidem *Pompejo* belli Mithridatici, quod per septem fere annos L. Lucullus gesserat, administratio decerneretur. CICERO, tum Praetor creatus, eam legem populo de Rostris persuasit, quo tunc primum adscendit, „cum antea „per aetatem nondum hujus auctoritatem loci attingere „re auderet; statueretque, nihil huc, nisi perfectum „ingenio, elaboratum industria, afferri oportere. „re.” (3) Ostendit praecipue ea Oratione, quam magnum & periculosum foret bellum, quamque perfectum absolutumque belli ducem requireret: & in
Pom-

(1) CICERO *Or. pro Lege Manilia. c. 17.*

(2) Leg. CICERO. *l. l. c. 20.* PLUTARCHUS *in Vita Pomp. T. I. p. 632.* B. VAL. MAX. *L. VIII. c. 15. E. 9.* & MIDDLETON *in Vita Cicer. Tom. I. S. 2. p. 117 sqq.*

(3) CICERO *Or. pro Lege Manilia c. 1.*

Pompejo demonstrat ea omnia esse, quibus perfectus censeatur imperator, fortitudinem, temperantiam & felicitatem (4).

Cum de illa rogatione in Senatu fuerat actum, dissenferant HORTENSIVS & CATVLVS: quod CICERO ornatè ad populum retulit, eorumque rationes refutavit: „ At enim, *inquiens*, (5) vir clarissimus, „ amantissimus reipublicae, vestris beneficiis amplissimis affectus, *Q. Catulus; itemque summis ornamentis honoris, fortunae, virtutis, ingenii praeditus*, Q. HORTENSIVS, ab hac ratione dissentunt: quorum ego auctoritatem apud vos multis locis plurimum valuisse, & valere oportere confiteor; sed in hac causa, tametsi cognoscitis auctoritates contrarias virorum fortissimorum & clarissimorum, tamen, omissis auctoritatibus, ipsa re & ratione exquirere possumus veritatem: atque hoc facilius, quod ea omnia, quae adhuc a me dicta sunt, „ *iidem isti vera esse concedunt, & necessarium bellum esse, & magnum, & in uno CN. POMPEJO summa esse omnia.* Quid igitur ait HORTENSIVS? *Si uni omnia tribuenda sunt, unum dignissimum esse POMPEJUM: sed ad unum tamen omnia deferri non oportere.* Obsolevit jam ista oratio, re multo magis, quam verbis refutata.”

Dein questus de miserrima sociorum & civitatum conditione, ex injuriis & libidine magistratuum, quos miserant Romani, quibus neque civitas ulla sancta,
ne-

(4) Legatur CICERO Or. pro Lege Manilia c. 11. 15 & 16.

(5) CICERO l. l. c. 17.

neque domus satis clausa, vel munita fuisset: & libenter se dicens, „ haec coram cum *Q. Catulo* & *Q. HORTENSIO* disputare, quippe *qui, summi & clarissimi viri*, fociorum vulnera novissent, eorumque calamitates viderent, & querimonias audirent;” (1) graviter peroravit, & dissentientibus quamvis *HORTENSIO* & *CATULO*, aliisque, iterum obtinuit, ut omnia ad unum *POMPEJUM* deferrentur.

§. XVI.

Deinde cum, iisdem Consulibus *M. Aemilio Lepido* & *L. Volcatio Tullo*, designati in sequentem annum U. 688. essent *P. Autronius Paetus* & *P. Cornelius Sulla*, sed legibus *ambitus* interrogati, poenas dedissent (2), *L. MANLIUS TORQUATUS* & *L. AURELIUS COTTA*, eorum competitores, iis successerunt. Accusaverat nempe *Sullam* adolescentulus *L. Torquatus*, Torquati Consulis designati filius (3).

Eodem quoque tempore Catilina, qui post Praeturam Asiam obtinuerat, inde redux, *pecuniarum repetundarum* reus erat factus, & a Consulibus prohibitus suum nomen inter Consulatus candidatos referre. (4)

Hanc iste causam arripuit ut Rempublicam pessumderet, & cum *P. Autronio* conspiravit: cujus conjurationis etiam *Cn. Piso*, adolescens nobilis, summae audaciae

(1) CICERO *Or. pro Lege Manilia* c. 22. cf. & c. 23.

(2) SALLUSTIUS *Bel. Catil.* c. 18.

(3) Cf. de eo CICERO *in Bruto.* c. 76.

(4) Cf. CICERO *Frag. Or. in Tog. Cand.* Ed. Ernest. [T. IV. P. 2. p. 1052.

eiae (4), item, teste SUETONIO (5), M. Crassus & Julius Caesar, fuerunt conscii & participes; sed recognita, consilium eorum frustratum est. (6)

Haec est quae dicitur *Prior Conjunctio Catilinaria*, de qua L. Torquatus P. Sullam etiam accusavit, cum A. U. 691. eundem ex Senatus Consulto, de *Conjunctionis posterioris* conquirendis conjuratis facto, reum diceret.

Hujus conjunctionis crimine Sullam, Ciceronis patrocini liberatum fuisse, novimus: priori autem illi Torquati accusationi respondit HORTENSIVS, quo certe nemo melius id potuisset facere; siquidem summus amicus Consulis Torquati, & consiliorum ejus particeps, accurate omnia tenebat quae hisce diebus acciderant; praesertim, quinam in suspitione societatis cum conjuratis fuissent: „Duae, inquit CICERO (7),” conjunctiones abs te, Torquate, constituuntur: una, quae Lepido & Volcatio consulibus, patre tuo consule designato, facta esse dicitur: altera, quae me consule. Harum in utraque Sullam dicis fuisse. Patris tui, fortissimi viri atque optimi consulis, scis, me consiliis non interfuisse: — Quis ergo intererat vestris consiliis? omnes hi, quos vides huic adesse, & in primis Q. HORTENSIVS: qui cum propter honorem ac dignitatem, atque animum eximium in rempublicam, tum propter summam familiaritatem, summum

(4) Cf. SALLUSTIVS *Bel. Catil.* c. 18.

(5) in *Vita Caesaris* c. 9.

(6) Legantur SALLUSTIVS *Bel. Cat.* c. 18 sq. CICERO *Catil.* l. cap. 13. & SUETONIVS in *Vita Caesaris* l. l.

(7) *Or. pro P. Sulla* c. 4. cf. c. 18.

„ *numque amorem in patrem tuum, tum communi-*
 „ *bus, tum praecipuis patris tui periculis commove-*
 „ *batur: Ergo istius conjurationis crimen defensum*
 „ *ab eo est, qui interfuit, qui cognovit, qui particeps*
 „ *& consilii vestri fuit, & timoris, cujus in hoc crimine*
 „ *propulsando cum esset copiosissima atque ornatissima*
 „ *oratio, tamen non minus inerat auctoritatis in ea,*
 „ *quam facultatis.*”

§. XVII.

Ex Argumento *Asconiano* deperditarum Orationum Ciceronis pro C. CORNELIO, discimus & quanto honore sequenti A. U. 688. fuerit HORTENSIUS, & qua auctoritate in Senatu.

C. Cornelius, qui ante biennium Tribunus Plebis fuerat, Pisone & Glabrione Consulibus, (1) ob alias legum relationes repudiatas Senatui offensus, legem promulgaverat, qua ejus auctoritatem valde inminuebat; ut nempe nemo, nisi per populum, legibus solveretur (2).

Indigne hanc legem ferebant optimates, & inter eos HORTENSIUS, quippe quae nimis plebis potentiam augeret, Senatusque dignitatem labefactaret. Invenerunt igitur P. Servilium Globulum Trib. Pl., qui Cornelio obsisteret; quod fecit eo die quo lex erat ferenda; neque praeconem, subjiciente scriba verba legis populo re-

(1) Cf. ANN. PIGHIAN. T. III. p. 315.

(2) Hoc ita antiquitus obtinuerat; S. C. igitur hac de causa solebat addi, ut de ea re ad populum ferretur. Sed paulatim hoc neglectum, & tandem nihil de rogatione ad populum ferenda additum; ita ut pauci saepe Senatores Senatus Consulta facerent. Cf. ASCONIUS PEDIANUS *Arg. Or. pro C. Cornelio*.

recitare jussum, pronunciare, neque scribam subjicere, passus est.

C. Cornelius, ira incensus, oblitusque religionis intercessionis Tribuniciae, codicem ipse recitavit (3), frustra repugnante C. Pisone Consule, cujus fasces fracti sunt, & lapides in eum jacti. Qua de re cum in Senatu magnis contentionibus actum esset, tandem sine tumultu res ita est composita, ut nemo in Senatu legibus solveretur, nisi ducenti Senatores affuissent; neve quis, cum solutus esset, intercederet, cum de ea re ad populum ferretur.

Perfuncto officio, C. Cornelius *majestatis* reus est factus: sed a CICERONE hoc Anno 688. L. AURELIO COTTA & L. MANLIO TORQUATO Cosf. defensus, summa arte & scientia, contra testimonia Q. HORTENSII, Q. Catuli, Q. Metelli Pii, L. Luculli, M. Lepidi, aliorumque in Senatu potentiorum. (4)

Acta est haec causa coram Tribunali Q. Galli Praetoris (5); in eaque *non fortibus modo, sed etiam fulgentibus armis, praeliatus est Cicero*, teste QUINCTILIANO, *de Inst. Orat. Lib. VIII. cap. 3. p. 679.* Legantur ASCONIUS PEDIANUS *in fine Argum. Orat. pro C. Cornelio.* & MIDDLETON, *in vita Ciceronis. T. I. S. 2. p. 137.*

§. XVIII.

(3) Vid. QUINCTILIANUS *Inst. Orat. L. X. c. 5. p. 944.*

(4) „Dixerunt autem hoc, vidisse se: cum Cornelius in Tribunatu, Codicem pro Rostris ipse recitaret: — volebant videri, se judicare eam, rem magnopere ad crimen imminutae majestatis tribuniciae pertinere.” ASCON. PEDIAN. *Arg. Or. pro Cornelio.* Neque Cornelium codicem ipsum recitasse negavit CICERO, verum ideo nihil imminutam esse Tribuniciam potestatem defendit.

(5) Cf. ANN. FIGHIAN. T. III. 315. 3174

§. XVIII.

Cicero, qui ad propositum sibi finem honoris pervenerat, suo tempore Consul creatus, A. U. 690. familiarissime usus est Q. HORTENSIO, fueruntque conjunctissimi omnium consiliorum societate. „ Itaque, *inquit ipse CICERO* (1), cum jam paene evanuisset „ HORTENSIVS, & ego anno meo, sexto autem „ post illum consulem, consul factus essem, revocare „ se ad industriam coepit: ne, cum pares honore „ essemus, aliqua re superiores videremur. Sic duodecim „ post meum consulatum annos in maximis „ causis, *cum ego mihi illum, sibi me ille antefere-* „ *ret, conjunctissime versati sumus*: consulatusque „ meus, qui illum primo leviter perstrinxerat, idem „ nos rerum mearum gestarum, quas ille admirabatur, „ laude conjunxerat.”

Nostri non est instituti celebres hujus anni res gestas repetere, & de HORTENSIO nil fere constat, nisi eum cum Cicerone Consule defendisse C. RABIRIUM *perduellionis*, & L. MURENAM, sequentis anni consulem designatum, *ambitus* reum. Sed de hac causa *sequenti Sectione* videbimus.

P. Servilius Rullus Tribunus Pl. cum ante Kalend. Januarias magistratum suum iniisset, legem tulit *Agrariam*, cujus sententiam cognoscere licet ex Orationibus quas CICERO Consul, *primam* in Senatu, *alteram* ad populum habuit, quibus ostendit, eam
le-

(1) *Brut. c. 94. init.*

legem populo , aerario , reipublicae universae perniciosam , minimeque popularem esse.

Rullus , a Cicerone saepe sollicitatus , ut coram cum eo de agri divisione disputaret , praesens hoc certamen contentionemque fugit ; tacite vero Cicero- nem accusavit , quasi legem *Agrariam* dissuaderet , ut gratiofus apud *principes civitatis* , *Sullae sectatores* , esset : quibus auditis , C I C E R O , iusta ira comotus , *tertiam* habuit Orationem ad populum , in qua ; „ Completi sunt , *inquit* (2) , animi aures- „ que vestrae , Quirites , me gratificantem S E P T E M „ T Y R A N N I S , *ceterisque Sullanarum assignatio-* „ *num possessoribus* , Agrariae legi & commodis vestris „ obistere : ” Ubi T Y R A N N I verbum usurpavit , quod eo usi fuerant Tribuni Plebis , ad designandos partium Sullanarum Principes , qui a Sulla etiam donis ornati fuerant , & adhuc in vivis erant (3) ; *Lucul-* *los* , *Crassum* , *Catulum* , H O R T E N S I U M , *Metel-* *lum* & *Philippum* (4) . Ostendit praeterea C I C E R O , *Rullum* , hac lege , non modo non Sullanis agros adimere , sed potius eorum possessionem confirmare at- que stabilire (5) : quibus , cum populi animos confir- masset , perferendae legis consilium P. Rullus abiecit.

§. XIX.

De C. RABIRIO, ut hic nonnihil addam , necesse est :
ha-

(2) Or. de Lege Agraria contra Rullum. III. 1.

(3) Cf. P. MANUTIUS & ERNESTI ad l. 1.

(4) Cf. MIDDLETON. in Vita Ciceronis T. I. S. 3. p. 158.

(5) Cf. Orat. de Lege Agraria. III. 1. & c. 3.

habet enim HORTENSII defensio aliquam cum ejus de Republica sententia, conjunctionem. C. Rabirius scilicet, post sex & triginta annos, *perduellionis* reus factus erat, ob interfectum Tribunum Plebis *Saturninum*, qui C. MARIO & L. VALERIO *Coss.*, ex Senatus Consulto vita erat privatus.

Jam per hujus infelicis senis condemnationem, volebant *Tribuni* Senatui eripere illud jus, quod ipsorum sanctitatem quasi submittebat Senatus decreto; quum Consules juberentur cavere, *ne Respublica detrimenti quid caperet.* (1)

HORTENSIIUS igitur, cum aequae ac CICERO, hoc semel concessio, plurima inde praevideret mala; defensionem C. Rabirii libenter suscepit, docuitque, *Saturninum* ab eo interfectum non fuisse. Cum nihilominus tamen eum condemnasset *Julius Caesar*, hac caussa duumvir, & Rabirius deinde ad populum provocasset, CICERO ejus causam ante comitia in concione populi oravit, ut & sua auctoritate, periculosissimis his Tribunorum Plebis conatibus resisteret.

Cumque haec *Saturnino* Tribuno Pleb. illata nex, CICERONI pulcherrimum facinus videretur, saepius in ipsa Oratione questus est, hujus rei suspicionem jam per HORTENSIIUM a C. Rabirio fuisse depulsam; sic enim accusatorem *T. Labienum* Trib. Pl. alloquitur (2): „Arguis, occisum esse a C. Rabirio L. „*Saturninum*: & id C. Rabirius multorum testimoniis, „Q. HORTENSIO *copiosissime defendente*, antea falsum

1) Cf. CICERO *Or. pro C. Rabirio*. c. 1. & 2.

(2) CICERO *Or. pro C. Rabirio* c. 6. cf. & c. 11.

„ sum esse docuit. Ego autem , si mihi esset inte-
 „ grum, fusciperem hoc crimen, agnoscerem, confi-
 „ terer. Utinam hanc mihi facultatem causa conce-
 „ deret, ut possem hoc praedicare, C. Rabirii ma-
 „ nu, L. Saturninum, hostem populi Romani inter-
 „ fectum! ” —

§. XX.

Sequitur A. U. 691. quo D. JUNIO SILANO &
 L. MURENA *Coss.* accusatus est P. CORNELIUS
 SULLA a L. Torquato, de duabus Conjunctionibus
 Catilinariis. (uti vid. §. XVI.) Hunc, L. Sul-
 lae Dictatoris propinquum, in illius turbulenta pro-
 scriptione, valde mitem & multorum vitam a Sulla
 deprecatum fuisse, testatur CICERO. (3)

HORTENSIIUS itaque ad industriam, post Ci-
 ceronis consulatum, revocatus, cum illo Sullam de-
 fendit; quod ideo hic repeto, cum in Ciceronis
 pulcherrima Oratione multa exstent loca, quae de
 HORTENSII auctoritate & gravitate in Senatu ma-
 gnifice sonent, simulque omnis simultatis, inter sum-
 mos hos Oratores, dubitationem, omnino tollant.
 „ Quid enim est, *inquit* CICERO (4), L. Torquate,
 „ quamobrem abs te Q. HORTENSII factum, *cla-*
 „ *rissimi viri atque ornatissimi civis*, non reprehenda-
 „ tur, reprehendatur meum? — Quare ista conjura-
 „ tio, si patefacta per me est, tam patet HORTEN-
 „ SIO,

(3) *Or. pro P. Sulla. c. 26.*

(4) *CICERO l. l. c. 1. & 2. add. c. 4. 5. & 7.*

„SIO, quam mihi. *quem cum videas, hoc honore,*
 „*auctoritate, virtute, consilio praeditum, non dubi-*
 „*tasse, quin innocentem P. Sullam defenderet:*
 „quaero, cur, qui aditus ad causam HORTENSIO
 „patuerit, mihi interclusus esse debuerit.” Quibus
 verbis certe, nec amantius, nec honorificentius, a C-
 CERONE quidquam de HORTENSIO dici potuit.

§. XXI.

Memorabilis in Romanorum historia succedit annus,
 qui tot ac tam gravium malorum causa exstitit, &
 optimis civibus aerumnosus fuit. Est enim ille, quo
 M. PUPIO PISONE & M. VALERIO MESSALA
Coss., P. CLODIUS *Bonae Deae* sacra violavit, quod
 facinus vehementer Senatum turbavit. Celebris prae-
 terea hic annus est, *Cn. Pompeji* reditu, a bello
 Mithridatico.

Sed, cum teste CORNELIO NEPOTE (1), „is,
 „qui sexdecim volumina Epistolarum, ab consulatu
 „usque ad extremum tempus a CICERONE ad A-
 „TICUM missarum, legat, non multum desideret hi-
 „storiam contextam eorum temporum;” (2) nobis
 liceat iis praesertim diligenter uti, ut HORTENSII
 fa-

(1) in *Vita Attici* c. 16. Cf. JAC. TUNSTALLI *Epist. ad*
 CON. MIDDLETON. p. 2.

(2) „Sic enim omnia de studiis principum, vitiis ducum, mu-
 „tationibus Reipublicae perscripta sunt, ut nihil in iis non appa-
 „reat, & facile existimari possit, prudentiam quodammodo esse
 „divinationem. Non enim CICERO ea solum, quae vivo se ac-
 „ciderunt, futura praedixit: sed etiam, quae nunc usu veniunt, ce-
 „cinit, ut vates.” *Verba sunt CORNELII NEPOTIS. l. l.*

facta in his difficillimis temporibus cognoscamus, & ab aliorum injuriis vindicemus.

Ipsis Kalendis Januariis A. U. 692. ad Atticum scribit CICERO: (3) „P. Clodium, Appii F. credo te
„ audisse, cum veste muliebri deprehensum domi C. Cae-
„ faris, cum pro populo fieret, eumque per manus
„ fervulae servatum & eductum; rem esse insigni infa-
„ mia: quod te moleste ferre, certo scio.”

Ultimis igitur praecedentis Anni 691. diebus, hoc facinus perpetraverat CLODIUS, quod brevi ab omnibus civibus cognitum, religioso horrore optimorum & plebis mentes perfudit. Mentio hujus rei in Senatu a Q. Cornificio facta est, & ex Senatus Consulto ad Pontifices relata, qui illud nefas esse decreverunt. Cum hoc audisset Senatus, Senatus Consulto Consules jussit, ut rogationem promulgarent; & jam tum, *a. d. VI. Kalend. Februarii*, CICERO metuebat, „ne haec neglecta a bonis, defensa ab improbis,
„ magnorum Reipublicae malorum causa essent futu-
„ ra.” (4) Cum igitur dies, rogationi ex Senatus Consulto ferendae, venisset, multum CLODIANI enitebantur, ut antiquaretur, & M. Piso Consul, cui rogationis ferendae officium obtigerat, idem erat Legis dissuasor.

„Operae Clodianae, ait CICERO (5), pontes
„ occupant. tabellae ministrabantur ita, ut nulla
„ daretur UTI ROGAS. Hic tibi Rostra Cato advo-
„ lat, convicium Pisoni Consuli mirificum facit. —
„ Accedit eodem etiam noster HORTENSIUS, multi
„ praeterea boni.”

Co-

(3) *Ep. ad Att. I. 12.*

(4) *CICERO l. l. I. 13.*

(5) *Epist. ad Att. I. 14.*

Comitiis dimissis Senatus vocabatur, eoque frequenti decernebatur, ut Consules populum cohortarentur ad rogationem accipiendam. Sic res acta est, Fusio Tribuno Pl. concedente. **CLODIUS** autem, interim conciones miseras habebat, in quibus *Lucullum*, **HORTENSIUM**, *C. Pisonem*, *Mesulam* Consulem, contumeliose laedebat, & **CICERONEM** omnia tantum *comperisse* criminabatur. (1)

§. XXII.

Clodio contra omnium expectationem absoluto, quaerenti Attico, quid accidisset de hoc judicio, respondit **CICERO**, (2) simul explicans quare in illo minus praeliatus esset: „Postea vero, *inquit*, „quam **HORTENSIUS** excogitavit, ut legem de re- „ligione *Fusius* Tribunus Plebis ferret; in qua nihil „aliud a consulari rogatione differebat, nisi judicum „genus; (in eo autem erant omnia;) pugnavitque, „ut ita fieret: quod & sibi & aliis persuaserat, nul- „lis illum iudiciis effugere posse: contraxi vela, „perspiciens inopiam iudicum; neque dixi quicquam „pro testimonio, nisi quod erat ita notum atque te- „statum, ut non possem praeterire. itaque, si cau- „sam quaeris absolutionis, — egestas iudicum fuit, „& turpitudine. Id autem ut accideret, commissum „est **HORTENSII** consilio: qui dum veritus est, „ne *Fusius* ei legi intercederet, quae ex Senatus Con- „sulto ferebatur, non vidit illud fatius esse, illum in „in-

(1) **CICERO** *Epist. ad Att. L. I. E. 14.* data Idibus Februarii, Cf. **ERNESTI** *ad h. l. & Epist. ad Div. V. 5.*

(2) *ad Att. l. 16.*

„ infamia relinqui ac sordibus, quam infirmo iudicio
 „ committi. sed ductus odio properavit rem dedu-
 „ cere in iudicium; cum *illum plumbeo gladio jugu-*
 „ *laturum iri tamen diceret.* Sed iudicium, si quae-
 „ ris, quale fuerit; incredibili exitu; sic, uti nunc
 „ ex eventu ab aliis, a me tamen ex ipso initio con-
 „ filium HORTENSII reprehendebatur”. (3)

CASAUBONUS hunc locum interpretatus, dicit,
 a *Fusio* fucum factum fuisse HORTENSIO & *aliis*
incautis Senatoribus, cum videret difficulter CLO-
 DIUM salvum posse evadere, si illa rogatio accipere-
 tur. *Fusius* igitur, uti CASAUBONUS vult, HOR-
 TENSIO persuasit, se boni publici causa velle ferre
 rogationem, qua idem efficeretur atque illa consulari,
 quod sic eam composuisset, ut ex lege Fusii iudices
 ordinarii essent de Clodio cognituri, cum ex Senatus
 rogatione populus, vel alius quis extra ordinem, ex
 Senatus Consulto, vel Plebiscito, fuisset iudicaturus:
 in eo autem erant omnia; „quod inquit, cum non vide-
 „ ret HORTENSIUS, quae fuit ejus imprudentia,
 „ passus est sibi fucum fieri, & os oblini.”

Haec vero imprudentiae criminatio, in HORTEN-
 SIUM odiosa, videtur hac in causa non satis justa:
 quare potius cum MIDDLETONO (4) facio, qui
 illud prudenter ab HORTENSIO excogitatum fuisse
 dicit, ne ex hac contentione novae orirentur discor-
 diae, quibus tranquillitas Reipublicae magis magisque
 turbaretur, & quarum favore sine iudicio Clodius
 evaderet. Ita enim sibi de huius sceleris atrocitate,
 at-

(3) Leg. FERRATIUS *Epist. L. II. Ep. 9. p. 106.*

(4) in *Vita Ciceronis* T. I. S. 4. p. 254.

atque indignatione publica, persuasum habuisse HORTENSIUM, ut non dubitaret quin iste condemnaretur, cuicumque tandem judici fuisset traditus: *plumbeo enim illum gladio jugulaturum iri* dicebat.

In laudato *Epist.* 16. loco, & in tota hujus judicii narratione apud CICERONEM, nihil de hac *Fufii* arte ad circumveniendum HORTENSIUM, legimus, contra aperte dicit: HORTENSIVS *excogitavit, ut legem de religione Fufius ferret* — et, *sibi & aliis persuaserat, nullis illum iudicibus effugere posse*. Tandem, paullo post in eadem hac *Epist.* 16. „ hic, *inquit*, ut „ quaeque res ad consilium primis postulationibus refere- „ batur, incredibilis erat severitas, nulla varietate sententiarum: nihil impetrarat reus: plus accusatori „ dabatur, quam postulabat: *triumphabat* (quid quae- „ ris?) HORTENSIVS *se vidisse tantum*: nemo „ erat, qui illum reum, ac non millies condemnatum „ arbitraretur.” Hoc tamen secus evenit; iudicibus enim omnibus modis corruptis, absolutus est sceleratissimus Clodius.

§. XXIII.

Altera hoc anno incidit criminatio; HORTENSIUM videlicet in rogatione consulari de Clodio, *subdole* atque in Ciceronem malevole sese gessisse: qua de re quid sit iudicandum, nunc videamus.

CICERO *a. d. VI. Kalend. Februarii* ad Atticum scribens, (1) quid Romae & in Senatu, primis conven-

(1) *Ep. ad Att. I. 13.*

ventionibus actum esset, gratulatur se non primum a Consulibus sententiam rogatum esse, sed secundum habuisse locum: „qui auctoritatem habebat paene principis, & voluntatem non nimis devinctam beneficio Consulis. Tertius est, *ita pergit*, Catulus, quartus, (si etiam hoc quaeris) HORTENSIUS.” Narrat deinde primas de Clodii facinore in Senatu contentiones, & tandem addit: „Quid multa? vereor, ne haec, neglecta a bonis, defensa ab improbis, magnorum reipublicae malorum causa sint:” Sequuntur nunc acerbissima haec:

„*Tuus autem ille amicus, (scin' quem dicam?) de quo tu ad me scripsisti, posteaquam non auderet reprehendere, laudare coepisse, nos, ut ostendit, admodum diligit, amplectitur, amat, aperte laudat; occulte, sed ita, ut perspicuum sit, invidet. nihil come, nihil simplex, nihil ἐν τοῖς πολιτικοῖς honestum, nihil illustre, nihil forte, nihil liberum. Sed haec ad te scribam alias subtilius. nam neque adhuc mihi satis nota sunt: & huic, terrae filio, nescio cui, committere epistolam tantis de rebus non audeo.*”

Haec CICERONIS verba, P. Manutius, Corradus, Casaubonus, Gronovius, aliique Interpretes, intellexerunt de POMPEJO, a bello Mithridatico reverso, & omnibus gratiosis tum temporis servienti, ut ejus acta bello Mithridatico confirmarent: eosque Interpretes secutus est MIDDLETONUS. (2)

Re-

(2) in Vita CICERONIS T. I. S. 4. p. 266. Sic etiam C. M. WIELAND, in Versione Germanica omnium Epistolarum CICERONIS, ad h. l. (L. I. Ep. 17. not. 64. T. I. p. 283 seqq.) dicit: „*Dass*

Reprehendit autem hoc JACOBUS TUNSTALLUS, qui eruditissima ad eum scripta Epistola, inter plures ejus, quos animadvertere sibi visus est, errores, etiam hunc retulit, & CICERONIS locum de HORTENSIO intelligendum esse dixit; miratus praeterea, neminem, quod quidem noverit, in hanc cogitationem incidisse, *cum tamen, ut ait, in hunc ita apte cadant omnia, ut nihil supra (1).*

Primum argumentum quo utitur, huc redit; „POMPEJUM, confecto bello Mithridatico, nondum ad urbem advenisse; *nam, inquit, de prima ejus concione dicitur, Epist. 14.*” Hoc verum quidem est, & fateamur de *prima illa concione* in hac Epistola, quae *Idibus Februarii* scripta est, sermonem esse; sed merito dubitamus, utrum illa tum primum habita sit, quando CICERO ad amicum scribebat. Certe ipsius CICERONIS verba, quae hic multum lucis afferunt, nos dubitare faciunt: „Prima, *inquit, concio Pompeji qualis fuisset, scripsi ad te antea, non jucunda, miseris, inanis improbis, beatis non grata, bonis non gravis, itaque frigebat.*” (2)

Scripserat igitur de ea concione jam antea ad Atticum, & quamvis concedamus POMPEJUM nondum *Kalendis Januariis* ad Urbem advenisse, (3) inde non sequitur,

„*Dass in dieser merkwürdigen Stelle von POMPEJUS die Rede sey, — ist keinen Zweifel unterworfen.*” Cf. SAINT-RÉAL in *Versione Gallica Libr. I. & II. Epist. ad Atticum, ad hanc Epist. n. 186 Oper. T. III Part. 2. p. 475.*

(1) JAC. TUNSTALLUS *Epist. ad Con. Middleton. p. 35 & 36.*

(2) *Ep. ad Att. I. 14.*

(3) *ex Epist. ad Att. L. I. Ep. 12.*

tur, eum ibi non fuisse, a. d. VI. *Kal. Februarii*; quod nobis verius videtur, si attendamus quibus diebus *Epist. 13 & 14.* scriptae sint.

„ Certe Atticus, (alterum hoc est **TUNSTALLI**
 „ argumentum) qui in Graecia erat, nihil *de urbanis*
 „ **POMPEJI actionibus** audire potuerat, itaque scri-
 „ bere, *posteaquam non auderet reprehendere, lau-*
 „ *dare coepisse* (Ciceronem). ”

Intelligit igitur hanc Attici Epistolae partem, de ali-
 cujus *urbanis actionibus*; quod unde efficiatur, non
 video. Videtur autem res hoc modo explicari posse:
 Atticum Roma decedentem in **POMPEJUM**, ex Asia
 reducem, incidisse, & de hac conventionem ad Ciceronem
 scripsisse unam ex *tribus illis Epistolis*, quas Ciceronem
 accepisse legimus, in initio hujus *Epist. 13.* in eaque
 usum esse his verbis; *posteaquam non auderet repre-*
hendere, laudare coepisse.

Collocuti forte erant inter se de urbanis rebus,
 de **CICERONIS** illustri consulatu, & aliis; & hac
 occasione **POMPEJUS**, etsi occulte ob ipsas has res
 egregie gestas, & summam auctoritatem, Ciceroni invi-
 deret, tamen hunc coram Attico laudasse videtur.

§. XXIV.

His vero argumentis, quae **TUNSTALLO** videban-
 tur probare **POMPEJUM** non intelligi, plura addit de
HORTENSIO, de quibus singulatim dicere longum
 foret; quare paucis exponam, cur haec sententia
 mihi minus probabilis videatur.

Eo maxime pertinet sententiarum in illa Epistola 13.
 & sequenti 14. consecutio & dispositio. **HORTEN-**

SI I fecerat CICERO nominatim mentionem, &, quid de Clodio actum esset in Senatu, retulerat. Ad alia nunc pergens respondet ad Epistolam *Attici*, & confirmat quod hic de *amico illo malevolo* scripserat, promittitque se de ea re *subtilius* scripturum. Haec itaque postrema a prioribus separanda, neque, quae de Clodiana re, *magnorum malorum causa futura*, scripserat Cicero, videntur cum hisce de illo *perfido & malevolo amico*, conjungenda esse (1), uti *Vir Doctus* volebat: & in HORTENSIUM quidem haec eo minus cadunt, quod non tantopere ac POMPEJUS metuentus, neque de eo *subtiliter* scribere erat opus.

Atticus etiam, qui intime Q. HORTENSIO utebatur, „*ut intelligi non posset, uter eum plus diligere, ret, Cicero an HORTENSIVS,*” talia Ciceroni scribendo, de occulta amici HORTENSII invidia, difficillime hoc „*difficillimum* effecisset, ut, inter quos „*tanta laudis esset aemulatio, nulla intercederet „obtrectatio, essetque talium virorum copula.*” (2) Temere itaque, & contra omnem veri speciem, Attici verba hunc in sensum videntur explicari, quippe quae, & ab ejus persona, & magis adhuc ab eo, tum non Romae, sed in Graecia degente, aliena essent.

Contra, si accuratius omnia hujus accusationis verba examinemus, melius in POMPEJUM cadunt, praefertim illa in fine: „*sed haec ad te scribam alias* sub-

(1) Idem sentit SAINT-REAL, in *Verf. Gall. Libr. I & II. Ep. ad Atticum*, uti videre licet, *Oper. T. III. Part. 2. p. 468.*

(2) CORN. NEPOS in *Vita Attici* c. 5. „Q. HORTENSIVS, „*his temporibus principatum eloquentiae tenebat.*” inquit NEPOS l. l.

„ *subtilius, nam neque adhuc mihi fatis nota sunt,*
 „ *& huic terrae filio, nescio cui, committere episto-*
 „ *lam, tantis de rebus, non audeo.*” quippe non fa-
 tis nota erant Ciceroni, quae POMPEJUS machina-
 retur, cum ille tantum nuper admodum rediisset; HOR-
 TENSII autem gesta & dicta ab omnibus cognosci
 poterant. In POMPEJUM ergo optime, in HOR-
 TENSIIUM minus bene, conveniunt haec Cice-
 ronis verba (3).

Neque de *Lege Fufiana* aliquid *inaudiverat* CICE-
 RO, ut TUNSTALLUS l. l. scribit, siquidem
 ejus in Senatu eo tempore nondum mentio erat facta,
 uti ex *seq. Epist. 14.* demonstrari potest. Porro, si *de-*
litescentis & obscurae invidiae atque malevolentiae
indicia in HORTENSIO jam Ciceroni comparue-
rant; unde igitur haec quae in *Epist. 14.* postea
 scripta occurrunt? „ *Accessit etiam noster HOR-*
 „ *TENSIIUS, multi praeterea boni*”. Tandem
 in *Epist. 16.*, quae judicii Clodiani & absolutionis
 historiam continet, non odii ex detecta invidia & ma-
 levolentia orti, sed tantum diversae in re gravissima
 sententiae testificationes occurrunt.

Reliqua quae TUNSTALLUS attulit argumenta,
 non magis quaestionem dirimere videntur, cum loca
 quae affert, non ad hoc, de quo nunc loquimur,
 temporis momentum pertineant: quare, si mihi a *Viro*
 Do-

(3) POMPEJUS ex Asia redux, nondum certam in Republica
 sententiam erat amplexus, uti ex *Epist. 14.* mihi apertum esse videtur.
 CICERO gesti Consulatus auctoritate florentissimus erat, & CLO-
 DIANI timebant, ne huic ponderi accederet POMPEJI potentia;
 itaque eum a Cicerone avellere conabantur.

Doctissimo & ab *Ernesto* (1) dissentire liceat, POMPEJUM omnino, nequaquam vero HORTENSIUM, in laudata *Epist.* 13. a Cicerone indigitari putem.

§. XXV.

Deinde, quum comitia designandis sequentis anni Consulibus haberentur, POMPEJUS impense favebat L. AFRANIO Auli filio, atque in eo neque auctoritate, neque gratia pugnabat, sed quibus Philippus omnia castella expugnari posse dicebat, in quae modo asellus onustus auro posset ascendere; (2) & eo quidem successu, ut frustra renitentibus omnibus bonis, is Consul imponeretur, quem nemo, teste eodem CICERONE, (3) praeter philosophum, aspicere sine suspiratu posset: unde etiam *Kalend. Februarii* A. U. 693. ad Atticum scribit: „ut breviter, quae post tuum discessum acta sunt, colligam, jam exclames, necesse est, *res Romanas diutius stare non posse.*”

Quae cum etiam HORTENSIO & aliis Principibus Senatus viderentur, & hi intelligerent, bonis omnibus, qui huic corruptelae civitatis sese vellent opponere, exitium imminere, a publicis negotiis sibi abstinendum, & forte in villis, honesto in otio, fortunatiora expectanda tempora, judicarunt.

CICERO tamen, qui sibi & aliis civibus videbatur magno hisce temporibus adjumento Reipublicae esse pos-

(1) „HORTENSIUM, inquit, intelligit Tunstallus, p. 36. „*rectius quam alii, qui POMPEJUM intelligunt.*” ad *Ep. ad Att.* L. I. *Epist.* 13. nota 51.

(2) CICERO *Epist. ad Att.* L. 16.

(3) *ad Att.* L. 18.

posse, Pompejo conjunctior, minime probabat aliorum desperationem, eosque ignaviae accusabat: „nam caeteros, *inquit*, (4) jam nosti: qui ita sunt stulti, ut amissa Republica *piscinas suas* fore salvas sperare videantur.”

Habebant nempe Q. HORTENSIUS, L. Lucullus, L. Philippus, aliique viri principes in Republica, ut tum erant tempora, ad luxuriam degenerante, in villis suis piscinas magna pecunia aedificatas; HORTENSIUS magnificentissimas habebat *ad Baulos*. (5)
His

(4) *Epist. ad Att.* I. 18: adde L. II. 1. „nostri autem principes dicitur se cœlum putent attingere, si nulli barbati in piscinis sint, qui ad manum accedant; alia autem negligent”: Vid. *ad Att.* II. 9.

(5) Celeberrima fuit hæc HORTENSII villa, magnificis piscinis; in alia quam in *Agro Laurenti* habebat, ingentes ferarum greges alebat. Villa *ad Baulos*, erat in parte *Bajana*; PLINIUS *Hist. Nat.* IX. 55. *promontorium Misenum inter & Bajanum lacum flexo mari alluebatur*. TACITUS *Ann.* XIV. 4. Illi maxime ut videtur studebat, & prae aliis villis ibi degebat plurimum. Disputarunt etiam in HORTENSII villa, quæ est *ad Baulos*, cum eo Catulus & Lucullus & Cicero venissent. Cf. CICERO *Acad.* IV. 3. & 40. Possedit hoc *Puteolanum* praedium postea SYMMACHUS: indeque canit *Epist.* L. I. E. 1.

*Huc Deus Alcides stabulanda armenta coegit,
Eruta Geryonis de lare tergemini.*

*Inde recens aetas corrupta Boaulia Baulos
Nuncupat, occulto naminis indicio.*

*Ab Diyo ad proceres dominos fortuna cucurrit,
Fama loci obscuros ne pateretur heros.*

Hanc celebravit opum felix HORTENSIUS aulam, —
Contra Arpinatem qui stetit eloquio.

M. TERENTIUS VARRO, qui Ciceroni & HORTENSIO nostro erat familiaris, doctissimus Romanorum, in libro quem de *Re Rustica* scripsit, L. III. c. 17. *Axium* Senatorem, differentem

His ita tum plerique delectabantur, ut omnem de Republica curam viderentur abjecisse; quod Ciceroni minus placebat, qui ad Atticum scribens, non quidem nomina.

inducit, de duobus *piscinarum* generibus, dulcium & falsarum, ibique haec omnino notanda refert: „Q. HORTENSIIUS *familiaris*
 „*noster*, cum *piscinas* haberet magna pecunia aedificatas AD BAULOS,
 „ita saepe cum eo ad villam fui, ut illum sciam semper in coenam
 „piscis Puteolos mittere emtum solitum. Neque satis erat cum
 „non pasci piscinis, nisi eos ipse pasceret ultro; ac maiorem curam
 „sibi haberet, ne ejus esurirent nulli, quam ego habeo, ne
 „mei in Rosea esuriant asini; & quidem utraque re, & cibo, &
 „potione, cum non paullo sumptuosius, quam ego his ministraret
 „victum. Ego enim uno servulo, ordeo non multo, aqua domestica,
 „meos multinumos alo asinos: HORTENSIIUS primum qui
 „ministrarent piscatores habebat complures, & ii pisciculos minutos
 „aggerebant frequenter, ut a majoribus absumerentur. Praeterea
 „falsamenta in eas piscinas emittia conjiciebat, cum mare turbaret,
 „uti per tempestatem suis piscibus e macello cetariorum,
 „uti e mari, obsonium praeberet, cum neque everriculo illi in litus
 „educere possent vivam saginam, plebeiae coenae pisces. Celerius
 „voluntate HORTENSII ex equili educeres rhedarias, ut tibi haberes,
 „mulas, quam e piscina barbatum mullum. At, inquit ille, non minor
 „cura ejus erat de aegrotis piscibus, quam de minus valentibus
 „servis; itaque minus laborabat, ne servus aeger, quam aquam
 „frigidam biberent sui pisces. Etenim hac incuria laborare agebat
 „M. Lucillum, & piscinas ejus despiciebat, quod aestivaria idonea
 „non haberet, ac residem aquam, & locis pestilentibus habitarent
 „pisces ejus.” Legantur VARRO. *de R. R.* III. 3. SALLUSTIUS *Bel. Cat.* cap. 12. CICERO *Parad.* V. 2. & PLINIUS *Hist. Nat.* IX. 54. & cap. 55. ubi narrat, HORTENSIIUM adeo murenam dilexisse, ut exanimatam fletu credatur: verum potius fidem habemus PORPHYRIO, *de Abst.* L. III. cap. 5. TZETZAE *Chil.* VIII. *Hist.* 173. & MACROBIO *Saturn.* II. 11. (III. 15.) L. Crasum, hujus imbecillitatis spectaculum dedisse, affirmantibus; quibus ut credamus, praesertim facit hujus facti plenior apud MACROBIUM l. l. narratio.

natim de illis queritur, sed eos oblique, *piscinariorum* & *piscinarum Tritonum* appellatione, ridet. (1)

Credebat praeterea Cicero eos sibi invidere: quare Pompeji amicitiam magis magisque sibi expetendam duxit. „Posteaquam, *inquit*, (2) primum Clodii ab-
 „solutione levitatem infirmitatemque judiciorum per-
 „spexi, deinde vidi, nostros publicanos facile a Se-
 „natu disjungi, quamquam a me ipso non divelleren-
 „tur, *tum autem beatos homines* (hos piscinarios dico,
 „*amicos tuos*) *non obscure nobis invidere*: putavi,
 „mihi majoris quasdam opes & firmiora praesidia esse
 „quaerenda.” Dein, nonnullis de *Pompejo* interjectis,
 addit: „Cum eo ego me tanta familiaritate conjunxi, ut
 „uterque nostrum, in sua ratione munitior, & in
 „republica firmior hac conjunctione esse possit.”

De hac tamen conjunctione in longe alia opinione versabantur HORTENSIIUS, caeterique, qui semper Optimatium partes secuti, cognita *Cn. Pompeji* indole, non intelligebant, qua ratione illarum partium studium cum hujus populari levitate conjungerent.

§. XXVI.

Videtur etiam ex *Epistola 20. hujus Libri Primi* colligi posse, Atticum ad *Ciceronem* de hac Pompejana societate scripsisse, & dubitasse de optimatium *stultitia* &

(1) MACROBIUS *Saturn. Lib. II. c. 11. (L. III. c. 15)* „Pi-
 „scinas autem, *inquit*, quam refertas habuerint pretiosissimis
 „piscibus Romani illi nobilissimi principes, L. Philippus, & HOR-
 „TENSIIUS, quos Cicero PISCINARIOS appellat, etiam illud
 „indiciū est,” caet. Cf. Interpretes ad l. CICERONIS loca,
 MANUTIUS, CORRADUS, ERNESTI, alique.

(2) *ad Att. l. 19.*

& *invidia*, de qua questus erat Cicero; ad quae hic respondet his verbis (1): „Quod ad me de republica
 „ scribis, disputas tu quidem & amanter & prudenter;
 „ & a meis consiliis ratio tua non abhorret: — ve-
 „ rumtamen fuit ratio mihi fortasse ad tranquillitatem
 „ meorum temporum non inutilis; — illud tamen,
 „ velim, existimes, me hanc viam optimatum post
 „ Catuli mortem, nec praesidio ullo, nec comitatu
 „ tenere, — *mihi vero ut invideant PISCINARIII*
 „ *nostri, aut scribam ad te alias, aut in congressum*
 „ *nostrum reservabo.*” Denique, ex sequenti Episto-
 larum libro *Secundo* aperte constat, hoc Attico mirum
 accidisse, eumque deinceps de Pompejo, & de familia-
 ritate Ciceronis cum eo, saepius & graviter ad hunc
 scripsisse (2).

Consulibus igitur Q. METELLO & L. AFRANIO
 in Senatu regnarunt Pompejus & Cicero, qui optimo
 certe consilio se ad illum adjunxit, ut ejus actiones in
 utilitatem Reipublicae, quantum fieri posset, dirige-
 ret, & ut ejus potentia tutus, resisteret inimicorum
 suorum fraudibus & insidiis. Caeteri Optimates, ab il-
 lorum societate alieni, rebus urbanis sese non ma-
 gnopere immiscuerunt: quod propositum etiam sub se-
 quentibus Consulibus, CAESARE & BIBULO, te-
 nuerunt. Tum autem ipse quoque CICERO, men-
 se Aprili & Majo extra urbem, Antii in Pompejano,
 Formiano & Arpinati, in literis vixit; Romamque re-
 diit, cum Atticus in Epirum profectus esset: nullis
 ta-

(1) *ad Att. I. 20.*

(2) Legatur omnino *Epist. ad Att. L. II. Epist. I.*

tamen publicis consiliis interfuit, sed se totum ad forensem operam laboremque contulit, honestissimeque suam dignitatem magna cura tuebatur. (3)

§. XXVII.

Eodem hoc Anno 694. CAESARE & BIBULO *Coss.* accusatus est L. VALERIUS FLACCUS, *de repetundis*, ex Asia, apud T. Vettium. (4) Is est L. Valerius Flaccus, qui, CICERONE Consule, Praetor fuerat, & una cum C. Pontinio in transitu pontis Milvii comprehenderat T. Vulturcium Catilinae socium, & Allobrogum legatos.

Flaccus ex Asia redux, quam per triennium tenuerat, *de repetundis* accusatus, defensus est ab HORTENSIO & Cicerone; quae quidem in celebri hac causa conjunctio, confirmatae amicitiae & familiaritatis, certissimum praebet argumentum; cui accedunt diserta CICERONIS verba, ad Atticum scribentis (5): „at hercule alter, *tuus familiaris* (6), HORTALUS, quam plena manu, quam in-

(3) Leg. *Epist. ad Att.* II. 22, 23, 24.

(4) Cf. PIGHIUS *Ann.* III. 353.

(5) *ad Att.* II. 25.

(6) HORTENSIUM Attici familiarem fuisse probant etiam haec NEPOTIS verba, *in Vita Attici* c. 15. „Numquam suscepti negotii cum (Atticum) pertaesum est. — Quo fiebat, ut omnia Ciceronum, Catonis, — HORTENSII, Auli Torquati, multorum praeterea Equitum Romanorum negotia procuraret.” & *cap.* 16. „Humanitatis vero nullum adferre majus testimonium possum, quam quod adolescens idem seni Sullae fuerit jucundissimus: senex adolescenti M. Bruto: cum aequalibus autem suis, Q. HORTENSIO & M. CICERONE, sic vixerit, ut judicare difficile sit, cui aetati fuerit aptissimus.” Cf. & c. 5.

„ ingenue, quam ornate nostras laudes in astra sustu-
 „ lit, cum de Flacci Praetura, & de illo tempore Al-
 „ lobrogum diceret? *sic habeto, nec amantius, nec*
 „ *honorificentius, nec copiosius potuisse dici.* ei te hoc
 „ scribere a me tibi esse missum, fane volo.” Defen-
 derat enim HORTENSIVS Flaccum ante Cicero-
 nem, & magnifice locutus videtur de hujus Consu-
 latu; qua quidem re, ad hujus benevolentiam excitan-
 dam, nihil magis efficax poterat excogitari.

§. XXVIII.

Iisdem Consulibus, CLODIUS, cujus odia in Ci-
 ceronem earumque causae fatis cognitae sunt, se-
 se Fontejo, homini plebejo, adoptandum dedit, ut
 Tribunitia potestate firmatus, injurias a Cicerone si-
 bi illatas ulcisceretur. Hunc igitur magistratum quum
 A. U. 695. obtinuisset, studio & opera, ut videtur,
Caesaris, Pompeji & Crassi, (1) statim plurimas tu-
 lit leges, (2) quae insigniter Senatus auctoritatem mi-
 nuerent; & alias, quibus gratificaretur Consulibus,
 L. CALPURNIO PISONI & A. GABINIO. Tulit
 & eam de libertate civium, „ ut ei, qui civem Roma-
 „ num indemnatum interemisset, aqua & igni inter-
 „ diceretur.” (3)

In qua lege quamvis nihil de Cicerone scriptum
 esset, tamen neminem fugiebat, illam unice ad ejus
 per-

(1) Cf. CICERO *Epist. ad Att.* II. 9.

(2) Cf. PIGHIUS *Ann. T.* III. p. 363.

(3) VELLEJUS PATERCULUS *L.* II. c. 45.

perniciem spectare, ob interfectos *Catilinariae Conjurati-
onis* focios. (4) Quum itaque de salute sua
desperaret Cicero, vestem mutavit & sordidatus pro-
diit, ut civium misericordiam moveret.

Artibus dein, ut DIO CASSIUS (5) narrat, &
Pompeji, & Caesaris inductus, statuit Cicero ad ur-
bem manere, & aperte inimicis resistere. Sollicitatis
interea amicis, Equites maxime habuit suae causae
defensores (6); qui in Capitolium convenerunt, &
ad Consules & Senatum miserunt legatos ex suo ordi-
ne, & Senatores Q. HORTENSIUM & C. CURIO-
NEM: (7) „πρὸς γὰρ δὴ, *inquit* DIO CASSIUS l. l.,
„ τοῖς εἰρημένοις, οἳ τε ἱππεῖς συνελθόντες ἐς τὸ Καπιτώ-
„ λιον, πρέσβεις ὑπὲρ αὐτοῦ πρὸς τε τοὺς ὑπάτους καὶ
„ τὴν γερουσίαν, ἄλλους τέ τινας ἐκ σφῶν, καὶ βουλευ-
„ τὰς, τὸν τε Ὀρθήσιον τὸν Κυῖντον, καὶ Γάϊον Κουρίω-
„ να ἔπεμψαν.”

II-

(4) „Etsi enim CLODII legis verbis non nominabatur CICE-
„ RO, tamen solus petebatur,” *inquit* VELLEJUS PATERCU-
LUS. l. l.

(5) *Hist. L. XXXVIII. c. 16. T. I. p. 161. Ed. Reimari.*

(6) Legantur Orationes quas CICERO post Reditum habuit, vel
in Senatu, vel *ad Quirites*: & *pro Domo sua* c. 21. 22. *pro*
Plancio c. 35. *pro Sextio* c. 11 — 14. 19. & 24. Cf. PLUTAR-
CHUS *in Vita Ciceronis* T. I. p. 376. B. *Leg. de Mutatione Vestis*, FER-
RATIUS *Epist. L. III. Ep. 18. pag. 226 sqq.*

(7) C. SCRIBONIUS CURIO pater, hoc tempore Optimatum
partes sequebatur. C. CURIO filius, deinceps in Bello Civili Caesari
se addixit, vir nobilis, eloquens, audax, ut ait VELLEJUS PATER-
CULUS. L. II. c. 46. LUCANO *Phars. L. I. vs. 269. dicitur.*

Audax venali — CURIO lingua:

Vox quondam populi, libertatemque tueri

Ausus, & armatos plebi miscere potentes.

D 5

qui.

Illa autem Equitum legatio ad Senatum accedere prohibita est, ab imperioso Consule GABINIO, qui eo usque superbia & insolentia se abripi passus est, ut *L. Lamiam*, Equitem Romanum, praestanti dignitate hominem, urbe exire jusserit (1); Equitum legatos, HORTENSIUM & CURIONEM, in jus vocaverit; cum, quod Equitibus adfuissent, tum, quod hanc in se legationem suscepissent. Ipse autem Clodius, eosdem ad plebem productos, ob hanc ipsam legationem, per fervos quos conduxerat, verberibus concidit:

„ τῷ τε Ὀρτησίῳ καὶ τῷ Κουρίωνι , ὅτι καὶ ἀθροισθεῖσι
 „ σφίσι συνεγένοντο , καὶ τὴν πρεσβείαν ὑπέστησαν ἐπεκά-
 „ λει . καὶ αὐτοὺς ὁ Κλώδιος ἐς τὸ πλῆθος ἐσαγαγὼν ,
 „ πληγαῖς ἐπὶ τῇ πρεσβείᾳ διὰ τινῶν προπαρασκευασμέ-
 „ νων συνέκρουσε . ”

Quod hic DIO CASSIUS narrat de Clodiana vi, qua ferro & lapidibus bonorum advocationem discussit Clodius, in plurimis locis (2) a Cicerone, in illis
 Ora-

quibus adde *L. IV. vs. 799.*

*Quid nunc rostra tibi prosunt turbata, forumque,
 Unde Tribunitia plebejus signifer arce
 Arma dabas populis? quid prodita jura Senatus,
 Et gener, atque socer bello concurrere jussi?*

& *vs. 811.*

*At tibi nos (quando non proderit ista flere
 A quibus omne aevi senium sua fama repellit,)
 Digna damus, juvenis, merita praekoniam vitae.
 Haud alium tanta civem tulit indole Roma,
 Aut cui plus leges deberent recta sequenti.*

(1) CICERO *Or. post Reditum in Senatu c. 5. pro Sextio. c. 12.*

(2) *Orat. de Harusp. Resp. c. 4. pro Sextio. c. 1. 15. 19 & 24. in L. Pisonem c. 10.*

Orationibus quas post Reditum fatis multas habuit, etiam memoratum invenimus; & in Oratione *pro T. Annio Milone*: (3) „Vidi enim, *inquit*, vidi, hunc ipsum Q. „HORTENSIVM, *lumen & ornamentum Reipublicae*, paene interfici fervorum manu, cum mihi „adesset: qua in turba *C. Vibienus*, Senator, vir „optimus, cum hoc cum esset una, ita est multatus, „ut vitam amiserit.”

§. XXIX.

Rebus ita desperatis, ut praeter fugam, aut apertum bellum, tertium non superesset; Cicero, dubius quamnam sibi partem eligeret, videtur tamen cogitasse de acerba belli fortuna experiunda; unde haec ad QUINTUM Fratrem scribit. (4) „Nostrae tamen „causae non videntur homines defuturi. — spero superiores fore nos: confido animo, ut in hac republica ne casum quidem ullum pertimescam: sed tamen res sic se habet. Si diem nobis Clodius dixerit; tota Italia concurret, ut multiplicata gloria discedamus: sin autem vi agere conabitur; spero fore, studiis non solum amicorum, sed etiam alienorum, ut vi resistamus. Omnes & se, & suos liberos, amicos, clientes, libertos, fervos, pecunias denique suas pollicentur.”

Sed

(3) *Or pro Milone* c. 14. *add. Or. pro Domo ad Pontif.* c. 21. CLODIVIUM *alloquitur*: „Cum eos, qui in conventu virorum bonorum verba de salute mea fecerant, adesse iussisti, eorumque advocationem, manibus, ferro, lapidibus discussisti: tum profecto ostendisti, vim tibi maxime displicere.”

(4) *Ep. ad Q. Fratrem* I. 2. §. 5.

Sed HORTENSIVS & Cato, qui extrema pro Ciceronis salute tentasse omnino dici possunt (1), eum ab hac damnosa ipsi & universae Reipublicae sententia averterunt: „καλυθείς, inquit DIO CASSIVS, (2) δὲ ὑπὸ τε τοῦ Κάτωνος καὶ τοῦ Ὀρτησίου, „ μὴ καὶ ἐμφύλιος ἐκ τούτου πόλεμος γένηται. ” *id est*, „ prohibitus est a Catone & HORTENSIO ne bellum „ intestinum ea res concitaret.”

PLUTARCHUS in *Vita Ciceronis* (3) refert, Ciceronem cum his amicis deliberasse, quid esset faciendum; utrum deberet cum Clodio vi & armis pugnare, an vero cedendo altera vice urbem ab exitio & ruinis liberare. Piso Consul hoc suaserat: Lucullus contrariam tuebatur opinionem: alii vero cum Consule sentiebant. „τοιαύτης, dicit PLUTARCHUS „ l. l., τυχὼν ἀποκρίσεως ὁ Κικέρων, ἐβουλεύετο σὺν „ τοῖς φίλοις • καὶ Λεύκουλλος μὲν ἐκέλευε μένειν ὥς „ περιεσόμενον, ἄλλοι δὲ Φεύγειν, ὥς ταχὺ τοῦ δήμου „ ποθήσοντος αὐτὸν, ὅταν ἐμπλησθῇ τῆς Κλωδίου μανίας „ καὶ ἀπονοίας.” *id est*. „Eo accepto responso delibera- „ vit Cicero cum amicis. Lucullus manendum censuit, „ ipsius fore victoriam: alii fugiendum, futurum „ enim brevi ut exfatiatus Clodii furore & scelere „ populus ipsum esset desideraturus.” Inter eos autem qui Ciceronem suaderent ut fugeret, fuerunt Pompejus, Cato (4), HORTENSIVS, Arrius & alii, quo-

(1) Leg. FERRATIUS *Epist.* L. V. *Epist.* 8. p. 344.

(2) *Hist. Rom.* L. XXXVIII. c. 17. T. I. p. 163.

(3) T. I. p. 876. E. Leg. SEB. CORRADI *Quaestura.* p. 157 *sqq.*

(4) Cf. PLUTARCHUS in *Vita Catonis Min.* T. I. p. 776. B.

quorum consiliis obsecutus urbe tandem cessit, & in Graeciam transiit.

§. XXX.

Quae vero huc usque de HORTENSII in Ciceronem meritis narravimus, eo animo a nobis scripta sunt, ut quis melius judicari possit, quo fundamento nitantur acerbae illae quaerelae, quas in hujus ad ATTICUM epistolis, etiam in illis quas in itinere, *Brundisio* (5) v. g. scripsit, invenimus, de scelere non *inimicorum suorum*, sed *invidorum*; per quod in illam summam injuriam se incidisse dicit. In omnibus enim fere Epistolis, quas *Theffalonica*, vel ad Atticum, vel ad Quintum Fratrem, vel ad Terentiam uxorem dedit, loquitur de propria sua stultitia, de infelici sui abitus eventu, & de fraude & invidiosis amicorum consiliis, quos *intra suos ipsius parietes de sua perniciæ consilia iniisse* queritur. (6) Sed nihil acerbius invenitur iis quae *Idibus Junii* ad Atticum, & ad Quintum Fratrem scripsit; quare haec loca, in quibus HORTENSIUS diserte nominatur, hic describam:

Theffalonica igitur scribit ad Atticum, *Idibus Junii*, GABINIO & PISONE *Coss.* (7) „ In hunc „ me casum vos, vivendi auctores, impulistis; itaque „ mei peccati luo poenas: quamquam me tuae litterae „ su-

(5) *Epist. ad Att.* III. 7. data prid. Kal. Maji.

(6) *Epist. ad Att.* III. 10. *Cf.* III. 7. 8. 9. 10. 13. 15. 19. & 20. *ad Q. Fratrem* I. 3. 4. *ad Dly.* XIV. 1, 3.

(7) *ad Att.* III. 9.

„sustentant: ex quibus, quantum tu ipse speres, fa-
 „cile perspicio. quae quidem tamen aliquid habebant
 „solatii ante, quam eo venisti, a Pompejo nunc
 „HORTENSIUM allice, & ejusmodi viros. Obse-
 „cro, mi Pomponi, nondum perspicias, quorum ope-
 „ra, quorum insidiis, quorum scelere perierimus?
 „sed tecum haec coram agemus; tantum dico, quod
 „scire te puto, *nos non inimici, sed invidi per-*
 „*diderunt.*”

Ad Quintum Fratrem autem eodem die haec scribit. (1)

„Sed ego, quid sperem, non dispicio, cum inimi-
 „ci plurimum valeant, amici partim deseruerint me,
 „partim etiam prodiderint: qui in meo reditu fortasse
 „reprehensionem sui sceleris pertimescant. — *Quan-*
 „*tum HORTENSIO credendum sit, nescio: me*
 „*summa simulatione amoris, summaque assiduitate*
 „*quotidiana, SCELERATISSIME INSIDIO-*
 „*SISSIMEQUE tractavit, adjuncto quoque Arrio:*
 „quorum ego consiliis, promissis, praeceptis destitu-
 „tus,

(1) *Epist. ad Q. Fratrem. I. 3.* Legatur de hac CICERONIS accu-
 satione c. M. WIELAND *ad Epist. ad Att. III. 8., (L. 3. Ep. 9. n. 7.*
T. II. p. 115—118.) qui HORTENSIUM etiam absolvit: „Ob die-
 „fer, *inquit*, aber einen so entehrenden Vorwurf wirklich verdient
 „habe, oder ihm nicht vielmehr grosses Unrecht dadurch geschehe,
 „ist eine andere Frage, die, wenn sie sich gleich nicht mit völliger
 „Gewissheit beantworten lässt, doch durch sehr starke Vermu-
 „thungen für das Letztere entschieden werden dürfte. Denn es
 „findet sich nicht nur nicht die mindeste Spur eines Beweises der
 „ihm angeschuldigten Treulosigkeit, sondern es ist im gegentheile
 „durch ein von CICERO selbst späterhin abgelegtes Zeugniß aus-
 „ser allen Zweifel gesetzt, dass HORTENSIVS sich sogar mit
 „Gefahr seines eigenen Lebens der Clodischen Parthey für ihn en-
 „gegensetzt hatte.”

„ tus, in hanc calamitatem incidi. Sed haec occul-
 „ tabis, ne quid obsint. Illud caveto: & *eo puto*,
 „ *per Pomponium fovendum tibi esse ipsum* HOR-
 „ TENSIIUM, ne ille versus (2), qui in te erat col-
 „ latus, cum Aedilitatem petebas, de lege Aurelia,
 „ falso testimonio confirmetur. — Pompejum etiam
 „ simulatorem puto. ” —

Haec duo sunt loca, quae quidem reperi, in quibus
 HORTENSIIUM aperte insinuat Cicero, & vehe-
 menter fane ei tum infensus fuit. In aliis locis, quae
 multa habemus, de pluribus, non expressis nominibus,
 loquitur, omnesque illos comprehendit, qui fugiendi
 ipsi dederant consilium. Cum autem constet HOR-
 TENSIIUM in eorum fuisse numero, Interpretes ad
 omnes fere hos locos, Ciceronem ubique de Q.
 HORTENSIO cogitasse opinantur, hanc suam opi-
 nionem duobus his locis stabilientes; quod, utrum
 recte, an vero secus ab iis affirmetur, nunc nobis erit
 examinandum.

§. XXXI.

CICERO, optimo amicorum consilio obsecutus,
 Clodio prudenter cesserat; sed a Q. Virgilio Prae-
 tore in Siciliam, quem terminum fugae fore putave-
 rat, appellere prohibitus, jam coepit miserrimam suam
 conditionem lugere, & magis adhuc cum in Grae-
 ciam profectus, direptionem villarum & domuum sua-
 rum,

(2) Cf. ad h. l. ERNESTI, P. MANUTIUS & WIELAND
 T. II. p. 118. not. 8.

rum, vastitatem agrorum, & uxoris liberorumque miseriam & luctum intelligeret. (1)

His itaque calamitatibus percussus Cicero, quum animum fere desponderet, facile sibi persuadebat haec mala evitari potuisse si Romae mansisset; quae quidem cogitatio ejus mentem quotidie angebat, ac magis magisque exasperabat, uti ex ejus Epistolis apertum est. Ex eodem igitur hoc fonte fluxit continua illa amicorum accusatio, quos *prae invidia* sibi illud cedendi consilium dedisse, queritur; neque aliam ob causam, quam ut sic facile ex urbe expellerent, maximum suarum laudum & gloriae aemulum: amicis, quos Romae reliquerat, frustra eum per literas, in aliam opinionem perducere conantibus, in primis ATTICO; qui amicos, quos tam acerbè accusaret Cicero, apud illum purgare conatus est, ut ex ipsius Ciceronis responsis constat; sic v. g. (2) „ Nam quod scribis te audire,
 „ me etiam mentis errore ex dolore affici: mihi vero
 „ mens integra est; atque utinam tam in periculo
 „ fuisset! cum ego iis, quibus meam salutem carissimam esse arbitrabar, *inimicissimis crudelissimisque*
 usus

(1) Testes omnino sunt haec ad Atticum scripta: *Epist.* III. 15.
 „ nolo commemorare, quibus rebus sim spoliatus, non solum quia
 „ non ignoras, sed etiam ne scindam ipse dolorem meum. hoc confirmo,
 „ neque tantis bonis esse privatum quemquam, neque in tantas misérias incidisse. *Dies autem non modo non levat luctum hunc,*
 „ *sed etiam auget. nam ceteri dolores mitigantur vetustate; hic non potest*
 „ *non & sensu praesentis miseriae, & recordatione praeteritae vitae quotidie augeri.* desidero enim non mea solum, neque meos, sed me
 „ ipsum. Quid enim sum? sed non faciam, ut aut tuum animum
 „ angam querelis, aut meis vulneribus saepius manus adferam.”

(2) *Epist. ad Att.* III. 13.

„ufus fum: qui, ut me paululum inclinare timore
„viderunt, sic impulerunt, ut omni suo scelere &
„perfidia abuterentur ad exitium meum.”

Et iterum, paucos post dies (3): „Nam quod
„purgas eos, quos ego mihi scripsi invidisse, & in eis
„Catonem: ego vero tantum illum puto ab isto scele-
„re abfuisse, ut maxime doleam, plus apud me simu-
„lationem aliorum, quam istius fidem, valuisse: ce-
„teri, quos purgas, debent mihi purgati esse,
„tibi si sunt.”

Scripserat nempe Atticus ad Ciceronem, de crebris
illis vehementibusque invidiae perfidiaeque accusationi-
bus, easque vanas, saltem parum fundatas esse docuerat.
Sed ne amplius miremur hos, qui fugiendi dederant
consilium, C I C E R O N I fuisse suspectos, cum in ipsum
A T T I C U M, eandem ob causam, ita invehatur (4):
„Nunc, Pomponi, quoniam nihil impertisti tuae pru-
„dentiae ad salutem meam, quod aut in me ipso satis
„esse consilii decrêras, aut te nihil plus mihi debere,
„quam ut praesto esses; quoniamque ego proditus,
„inductus, conjectus in fraudem, omnia mea praesi-
„dia neglexi; totam Italiam, erectam ad me defen-
„dendum, destitui & reliqui; *me, meos, meis tra-*
„*didi inimicis, inspectante & tacente te;* qui si non
„plus ingenio valebas, quam ego, certe timebas mi-
„nus: si potes, erige adflictos, & in eo nos juva:
„sin omnia sunt obstructa, id ipsum fac ut sciamus,
„& nos aliquando aut objurgare, aut comiter con-

(3) Epist. ad Att. III. 15.

(4) Epist. ad Att. III. 15 in fine.

„ *solaré desine.* Ego si tuam fidem accusarem; non
 „ me potissimum tuis tectis crederem: *meam amen-*
 „ *tiam accuso, quod a te tantum amari, quantum*
 „ *ego vellem, putavi: quod si fuisset, fidem eandem,*
 „ *curam majorem adhibuisses;* me certe ad exitium
 „ praecipitantem retinuisses; istos labores, quos nunc
 „ in naufragiis nostris suscipis, non subisses.”

§. XXXII.

Harum autem, similiumque querelarum plenae sunt ad optimum amicum epistolae, hoc tempore scriptae. Quodsi nunc cogitemus, quam familiarissimo amico ATTICO usus sit, & quam sincere hic CICERONIS infelicissimum casum luxerit, minus nobis haec in HORTENSIUM, *Arrium*, aliosque acerbitas mira accidet.

Venerat ad Ciceronem in gravissima illa tempestate HORTENSIUS, summa assiduitate quotidiana, & de suo amore, & in hac causa indefesso ardore, magna praedicaverat. Cum vero tandem omnia pro Ciceronis salute periclitatus esset, & videret sine maximo et suo & suorum amicorum periculo, hunc in urbe manere nec posse, nec debere; cum Catone, Arrio, aliisque, Ciceronis maxime studiosis, huic cedendi dederat consilium.

Neque hoc revera tam acerbe tulisse CICERONEM, nisi in illa omnium miseriarum gravi cumulatione, quibus tempore exilii premebatur, testes sunt Orationes quas post reditum habuit, vel in *Senatu*, vel ad *Quirites*, vel *pro Domo sua ad Pontifices*, vel *pro Sextio, Plancio, Milone*, caet.: in quibus vix hanc causam sui abitus attigit, sed fere semper gloriatur,

se noluisse vi cum Clodio dimicare, bonorum periculo (1): se libere suo corpore excepisse inflammatum hujus in bonos omnes impetum, ne eam civitatem, quam inermis servasset, armatus in discrimen adduceret. (2)

Luculentissimum autem hujus rei testimonium est in Oratione *pro Domo sua ad Pontifices*. (3) Dicendum, „ inquit, igitur est id, quod non dicerem, nisi coactus: (nihil enim umquam de me dixi sublatius, „ asciscendae laudis causa potius, quam criminis depellendi:) dico igitur, & quam possum maxima „ voce dico: Cum omnium perditorum & conjuratorum incitata vis, duce Tribuno Plebis, Consulibus „ auctoribus, afflicto Senatu, perterritis Equitibus „ Romanis, suspensa ac sollicita tota civitate, non „ tam in me impetum faceret, quam per me in omnes „ bonos: me vidisse, si vicissem, tentes Reipublicae „ reliquias; si victus essem, nullas futuras: quod cum „ judicassem; deflevi conjugis miserae discidium, liberorum carissimorum solitudinem, fratris absentis „ amantissimi atque optimi casum, subitas fundatissimae familiae ruinas: *sed his omnibus rebus vitam* „ an-

(1) Cf. CICERO *Or. pro Domo* c. 24. 25.

(2) Cf. *l. l. § c. 29. pro Sextio, cap. 20.* „ Unum enim mihi restabat „ illud, quod forsitan non nemo vir fortis & acris animi magnique „ dixerit: restitisses, repugnasses, mortem pugnans appetisses. De „ quo te, te, inquam, patria, testor, & vos penates, patrique „ dii, me vestrarum sedum templorumque causa, me propter salutem meorum civium, quae mihi semper fuit mea carior vita, dimicationem „ caedemque fugisse.” Cf. *Or. pro Milone* c. 14. *pro Cn. Plancio* c. 35. 36. *seq. Epist. ad Div. Lib. I. E. 9. §. 31.*

(3) *cap. 36.*

„ anteposui meorum civium; remque publicam con-
 „ cidere unius discessu, quam omnium interitu occi-
 „ dere malui: speravi, id quod accidit, me jacentem
 „ posse a vivis viris fortibus excitari: si una cum bo-
 „ nis interiissem, nullo modo posse recreari.”

§. XXXIII.

Quae cum ita sint, non possum facere cum illis In-
 terpretibus, qui toties HORTENSIUM a Cicerone
 significari volunt, etiam in his post reditum Ora-
 tionibus, quoties de iis *qui inviderent*, aliquid dictum
 inveniant. Sic ex. gr. dicit CICERO *ad Quirites*, (1)
 quatuor omnino genera hominum eum violasse: „ unum
 „ eorum, qui odio Reipublicae, quod eam ipsis in-
 „ vitis conservasset, ei inimicissimi fuerunt: alterum,
 „ qui per simulationem amicitiae, nefarie prodiderunt:
 „ tertium, qui, cum propter inertiam suam eadem
 „ assequi non possent, inviderunt ipsius laudi & digni-
 „ tati: quartum, qui, cum custodes Reipublicae esse
 „ deberent, salutem ejus, statum civitatis, dignitatem
 „ ejus imperii, quod erat penes ipsos, vendiderunt.”

HOTTOMANNUS ad h. l. (uti simili in loco
c. 5.) per eos, qui per simulationem amicitiae ne-
 farie prodiderunt, HORTENSIUM nostrum peti
 putavit, illudque confirmari supra a nobis laudata
Epist. 3. L. I. ad Q. Fratrem; quod tamen, (pace viri
 doctissimi dicam,) nimium mihi probare videtur: ne-
 que credam, CICERONEM in talibus argumentis, ita
 ge-

(1) *Or. post Reditum ad Quirites c. 9.*

generaliter enunciatis, praesertim hoc tempore & loco, quemquam specialiter ob oculos habuisse: putarem potius, cum in his similibusque dictis, ingenio suo luxurianti indulgisse, & praecipue tantum de orationis perspicuitate, gravitate, & suavitate fuisse sollicitum.

Referendum huc omnino est aptissimum exemplum ex *Oratione pro Sextio. c. 20.* ubi haec verba occurrunt:
 „ cum alii me suspicione periculi sui non defenderent,
 „ alii vetere odio bonorum incitarentur, *alii invidere-*
 „ *rent*, — alii ulcisci dolorem suum aliquem vellent,
 „ alii rem ipsam publicam — odissent:” caet.

Hic ABRAMUS in *Comm. ad h. l.* scribit, (ad verba *alii inviderent*,) „ Ii potissimum videntur fuisse Lucullus
 „ & HORTENSIVS, de quibus ad *Att. I. 19. 20.*
 „ *Piscinarii nostri non obscure nobis invident.*” In quibus, cur ABRAMO non assentiar, praecipua ratio est, quod HORTENSIVS, *eloquentissimus & clarissimus vir* (2), in hac causa etiam P. Sextii fuerit patronus & defensor, & in eadem oratione a CICERONE egregiis verbis extollatur: „ nam, *inquit* (3),
 „ de Sextii Tribunatu ita dictum a Q. HORTEN-
 „ SIO, ut ejus oratio non defensionem modo crimi-
 „ num videretur continere, sed etiam memoria digna
 „ esset, uti & Reipublicae capessendae auctoritatem
 „ disciplinamque praescriberet.”

Illae praeterea Epistolae ad Atticum hic nihil probare possunt: pertinent enim ad A. U. 693. & de iis agunt quae post Cn. Pompeji reditum acciderunt. Atque univ-
 verse, in locis ex Orationibus vel Epistolis per alia
 pa-

(2) *Or. pro Sextio. c. 2.*

(3) *CICERO l. l. c. 6.*

parallela explicandis, omnino videtur attendendum, ubi de factis quaestio est, ad accuratam rerum consecutionem, temporisque quo epistolae scriptae sunt, constitutionem, ne forte auctori sententias obtrudamus, ab ejus mente & dignitate prorsus alienas.

§. XXXIV.

P. CORNELIO LENTULO & Q. CAECILIO METELLO *Coff.* A. U. 696. ab exilio revocatus est CICERO: qua in re quid praestiterit HORTENSIUS, certo non constat: neque etiam clare quid de eo, ad Atticum hoc anno scripsit Cicero. Memorat quidem eos, qui eum absentem defendissent, *incipere praesentibus occulte irasci, aperte invidere* (1): & in causa aestimationis villarum domuumque combustarum, *illam non modo vehementer ab optimo quoque, sed etiam a plebe reprehendi* scribit; (2) & addit, „verum iidem, mi T. Pomponi, iidem, inquam „illi, quos ne tu quidem ignoras, qui mihi pinnas „inciderant, nolunt easdem renasci:” sed quis hic eximie HORTENSIUM intelligi, affirmare audebit?

In *Tertia*, quae sequitur *hujus Libri Epistola*, magis aperte eum designavit CICERO. Narrat in ea Attico P. Clodii scelera, qui suos fabros de area expulerat, Quinti Fratris domum incenderat, ipsumque, cum Sacra Via descenderet, cum suis erat insecutus, Milonis domum incendere & expugnare erat conatus, & tandem P. Sullae domum pro castris, unde illam expugnationem faceret, sumserat. „Tum Sulla, *addit*

22 CI-

(1) *ad Att. IV. 1. in fine.*(2) *ad Att. IV. 2.*

„ C I C E R O (3) in Senatu postridie Idus: domi Clo-
 „ dius: egregius Marcellinus, omnes acres. Metel-
 „ lus calumnia dicendi tempus exemit, adjuvante Op-
 „ pio, *etiam hercule familiari tuo, de cujus con-*
 „ *stantia, virtute, tuae verissimae litterae.* Sextius
 „ furere.”

Hunc locum Interpretes iterum de HORTENSIO
 intelligunt, *familiari Attici*; (4) & P. MANUTIUS
 verba, *de cujus constantia*, caet. ironiam dicit, cum
 Atticus exfulanti Ciceroni hoc fere modo scripsisset;
 „ HORTENSII constantiam & virtutem in tuenda
 „ Republica cognosces:” Manutio adstipulatur Bo-
 sius, ad h. l.

Et fane, nihil magnopere obfata videtur, quo mi-
 nus hanc doctissimorum virorum sententiam amplecta-
 mur. HORTENSIVS autem, qui forte ex nimia fe-
 veritate novos in civitate motus & diras verebatur
 discordias, facile in hac Clodii causa, lenior fuisse
 videri potuit CICERONI, quam huic, pro acerbissi-
 mo ac justo suo erga pessimum civem odio, ap-
 tum videretur.

In eadem hac *Epistola Tertia* scribit C I C E R O:
 „ reum *Publium*, nisi ante occisus erit, fore a *Milo-*
 „ *ne* puto, si se inter viam obtulerit, occisum iri ab
 „ ipso Milone video: non dubitat facere; prae se fert;
 „ casum illum nostrum non extimescit. *numquam enim*
 „ *cujusquam invidi & perfidi consilio est usus: nec*
 „ *inerti nobili crediturus:*” ubi per *invidum &*
perfidum Manutio videntur designari, Pompejus &

HOR-

(3) ad Att. IV. 3.

(4) Cf. NEPOS in Vita Attici. c. 5. & C I C E R O Epist. ad Att. II. 25.

HORTENSIUS, & vocibus *iners nobilis*, a CICE-
RONE illi notari, *quos a se defendendo metus averterat*.

Ego, siquidem de HORTENSIO hic cogitandum
esse certum sit, ita tamen potius locum interpretandum
putem, ut verbis *invidum & perfidum*, notetur Pom-
pejus, per *inertem nobilem* HORTENSIUS, quem
etiam alio loco, (1) *excellentem*, nobilitate, *ingenio*
& *existimatione*, dixit; quo sensu, si locum accipia-
mus, melius omnia convenient cum HORTENSII
indole, moribus, laudabili, sed temperato amore in
bonos, & prudentia; quae omnia *inertis* esse, facile
Ciceroni, magis fervido & impatienti, videri potuerunt.

§. XXXV.

Initio sequentis Anni 697. quum Consules essent
CN. CORNELIUS LENTULUS MARCELLINUS
& L. MARCIUS PHILIPPUS, in Senatu gravi-
ter actum est de Regis *Ptolemaei* in regnum reduc-
tione: qua in causa, cum Cicero hanc provinciam
P. Lentulo, Ciliciae tum Proconsuli, deferre vellet,
alii Pompejo; HORTENSIUS & Lucullus se Cice-
roni adjunxerunt: „HORTENSII, (scribit hic
ad Lentulum, Idibus Januarii (2)), & mea, & Lu-
„culi sententia cedit religioni de exercitu (3),” caet.

Divisis enim maxime in his deliberationibus Senato-
rum sententiis, cum de persona qui reduceret, tum
de modo quo Rex *Ptolemaeus* reduceretur, studiose
ad

(1) Or. pro Quintio Cap. 22.

(2) Epist. ad Div. I. 1.

(3) Sibyllino enim carmine vetitum esse dicebatur, *Aegyptium*
exercitu juvare.

ad amicum suum Lentulum retulit Cicero, quid in Senatu ea de re actum esset, & quaenam in iis cum aliorum, tum praesertim HORTENSII, fuerint merita. (4) „Amicum, *inquit*, (5) ex consularibus „neminem tibi esse video, praeter HORTENSIIUM „& Lucillum: caeteri sunt partim obscurius iniqui, „partim non dissimulanter irati.” Quem autem successum res habuerit, legatur apud MIDDLETONUM in *Vita Ciceronis* T. I. S. VI. p. 427. *seqq.* Cf. FABRICIUS MARCODURANUS ad A. U. 696. SEB. CORRADUS *Quaest.* p. 184. Ed. Ernesti. & FREINSHEMIUS in *Suppl. Livian* L. 104. cap. 77. *seqq.*

§. XXXVI.

Quaenam praeterea hoc Anno causa acciderit, in qua sese intemperantius erga Ciceronem gesserit HORTENSIIUS, divinare vix licet: constat tamen ex *Epistolis ad Atticum*, tale quid accidisse, quod gravius tulerit Cicero, & ex quo ortas non dicam inimicitias, sed simultates, *Atticus* de more voluit componere: quod ut efficacius fieret, scripsit ea de re ad *Ciceronem*, qui hisce *Attici* monitis & consiliis, sic respondet (6): „Quod me admones, ut scribam *illa* HORTENSIA, „NA: in alia incidi, non immemor istius mandati „tui: sed mehercule incipiendo refugi; *ne*, qui vi- „dear stulte illius amici intemperiem non tulisse, „rur-

(4) *Epist. ad Div.* I. 2.(5) *Epist. ad Div.* I. 5. Legatur & *Epist.* 7. „Quo quidem, *ait*, „tempore, ut perscripsi ad te antea, cognovi HORTENSIIUM per- „cupidum tui, studiosum Lucillum.”(6) ad *Att.* IV. 6.

„ rursus stulte injuriam illius faciam illustrem, si quid
 „ scripsero; & simul, ne *βαβύτης* mea, quae in agen-
 „ do apparuit, in scribendo sit oculatior, & aliquid
 „ satisfactio levitatis habere videatur. Sed viderimus.”

Multi in hoc difficili loco interpretando explicando-
 que sunt Interpretes: sunt enim qui *illa Horten-*
siana intelligant, de libro, quem longe postea scrip-
 sit Cicero, & HORTENSIUM inscripsit. (1)
 Sed is non commode sic dicitur, judice Ernesto
ad l. l. (2). Mire praeterea P. Manutius omnia
 explicat hujus loci verba, & Ciceronem adhuc de
illa simulatione amoris & perfidia HORTENSII, in
 exilio suo, (& de qua ad Atticum, & ad Quintum
 Fratrem scripsit, uti vidimus §. XXX.) cogitasse dicit.

Malaspina & Bosius contra credunt, aliquid ab
 HORTENSIO, vel in Senatu, vel in foro, dictum fuisse,
 quod Cicero tam graviter tulerit, ut forte acriter re-
 sponderit. Et sane ipsa Ciceronis verba mihi huic
 interpretationi valde favere videntur.

Erat nempe amicus Ciceronis HORTENSIVS;
 hujus ille *intemperiem* non tulerat, & *stulte* quidem,
 cum non ita fuisset gravis. Immoderatus igitur respon-
 derat, & HORTENSIUM ita objurgaverat, ut hic inde
 paululum ab eo esset abalienatus. Atticus, utriusque
 fa-

(1) Veluti CORRADUS, MANUTIUS, *aliique ad l. l.*

(2) Nihil peculiare ad hunc locum dixit WIELAND, in elegan-
 tissima Versione Germanica Epistolarum Ciceronis. L. IV. *Epist.* 25.
 T. II. p. 238. HORTENSIANA quidem intelligit de scriptione
 quadam *in laudem HORTENSII*. (*was die Lobsschrift auf den Hor-*
tensius betrifft, caet.)

familiaris, admonuerat Ciceronem, ut aliquid scribendo, omnem quasi similitudinem erueret, penitusque evelleret: hoc etiam Cicero persuaserat, qui & rem incepisse, sed dein refugisse videtur; quam ob causam, id nunc Attico significat; *ne qui videar illius amici intemperiem non tulisse, rursus, caet.*

Quanam autem in causa, quove loco, quave occasione sic fuerit intemperans noster HORTENSIVS, certo non constat; nec magis quid Cicero scribere in animo habuerit. De libro HORTENSII nomine inscripto, minus recte videntur cogitare, quem diu postea scriptum fuisse; certum est: de eoque paucis videbimus *Sectione Altera*. De hoc CICERONIS loco (*ad Att. IV. 6.*) agens TUNSTALLUS, in *Epist. ad Middletonum p. 112*; etiam credit, CICERONEM in *Oratione aliqua proscidisse Q. HORTENSIVM*,

§. XXXVII.

Defenderunt etiam hoc Anno 697. HORTENSIVS & CICERO, *P. Sextium*, praecedentis anni Tribunum Plebis. Hic amicus optimatum & harum partium studiosissimus, per totum Tribunatum valde laboraverat, ut Cicero ab exilio revocaretur; nunc autem postulabatur ex lege *Lutatia de Vi*, apud M. Aemilium Scaurum (3), a M. Tullio Albinovano, familiari Clodii.

Ci-

(3) Cf. PIGHIUS *Ann. III. 379*. Lata est *Lex Lutatia* vel *Lutatia* Q. Lutatius Catulo & M. Aemilio Lepido Coss. A. U. 675. *de vi*; cum turbae & arma civilia, quae in foro & urbe eo tempore versabantur, severiores requirerent leges. *Leg. ERNESTI Cl. Cicero. Ind. Legum in Voce* & P. MANUTIUS *de Leg. Rom. c. 23*. (*Thes. Antiq. GRAEVII T. II. p. 1102.*)

Cicero qui statuebat (1), „a se in hac causa, atque hoc extremo dicendi loco, pietatis potius, quam defensionis: querelae, quam eloquentiae: doloris, quam ingenii partes esse susceptas,” post HORTENSIIUM pro P. Sextio peroravit, ostendens, omnem vim quae in foro & in templo Castoris versata esset, quae de re praecipue erat quaestio, a Clodio ejusque factione esse ortam.

HORTENSIIUS absolute & diligenter in hac causa locutus erat, ut Cicero dicat: (2) „Et, quamquam a Q. HORTENSIO, *clarissimo viro atque eloquentissimo*, causa est P. Sextii perorata, nihilque ab eo praetermissum est, quod aut pro Republica conquerendum fuit, aut pro reo disputandum: tamen aggrediar ad dicendum, ne mea propugnatio ei potissimum defuisse videatur, per quem est perfectum, ne caeteris civibus deesset.”

Quas vero rationes opposuerit HORTENSIIUS, ad nos non pervenit, uti animadvertit ABRAMUS, in *Praef. ad Or. pro Sextio. T. I. p. 3.* Acta est haec causa initio hujus anni; absolutum enim, *a. d. II. Id. Martii* P. Sextium, scribit CICERO, *ad Quintum Fratrem. Epist. II. 4.*

§. XXXVIII.

Sequenti Anno 698. CN. POMPEJUS MAGNUS & M. LICINIUS CRASSUS, pessimis artibus iterum Consules creati, iisdem curaverant, ne in Comitiis alii magistratus crearentur, nisi ipforum partibus ad-

(1) CICERO *Or. pro Sextio. c. 2.*

(2) CICERO *l. l.*

addicti; praecipue vero, ne Cato Praetor diceretur prohibuerant summis fraudibus & insidiis.

Deinde C. Trebonius Tribunus Plebis, totus Consulibus deditus, tulerat rogationem, qua iis in quinquennium destinabantur Provinciae, Syria, Hispania & Africa (3). Contra hanc legem, tacentibus caeteris civibus, frustra sese opposuerant Cato, Favonius, & duo Tribuni Plebis; lex autem per vim perlata fuit.

Tulerant postea Consules & alias leges, *de Provinciis Caesari prorogandis, Judiciariam, de Ambitu*, caet. licet certe nemo impudentius priores hoc de crimine leges violasset, quam hi ipsi consules.

Postremo, cum de luxuria magis magisque in civitate grassante saepe querelae auditae essent, & ex eo etiam capite Consules aurem popularem, salutarem quamdam coercionem proponendo, captare meditarentur, agere coeperunt in Senatu, de nova quadam *lege Sumptuaria*. (4)

Huic proposito primus obstitit HORTENSIVS noster, qui forte ex ipsa rogatione se quoque, pro-

(3) Leg. PLUTARCHUS *in Vita Pomp.* T. I. p. 646. D. p. 647. init.

(4) Cum privati sumptus, uti vere iudicat P. MANUTIUS *de Leg. Rom.* c. 18. *Thes. Antiq.* GRAEVII, T. II. p. 1083. non sint negligendi ab iis qui Reipublicae praesunt, recte omnino plurimas tulerunt leges Romani, quibus diversis temporibus luxuriam coercuerunt. Sic de sumptibus in coenas lex est *Tribunica* C. Orchii; *Consulares* sunt, C. Fannii, A. U. 588. T. Didii A. U. 606. P. Licinii Crassi Divitis, L. Cornelii Sullae, M. Aemilii Lepidi: *Tribunica*, Q. Antii Restionis: *Consularis* tandem, C. Julii Augusti. — Legantur MACROBIUS *Saturn.* II. 13. (III. 17.) qui accurate refert, quid unaquaque harum legum statutum fuerit, & CELLIVS *Noct. Att.* II. 24. quo capite agit *de veteri parsimonia, deque antiquis Legibus Sumptuariis.* Cf. ANT. AUGUSTINUS *de Legibus, in vocibus.* *Thes. Antiq.* GRAEVII T. II. pag. 1240, 1199, 1197, 1235, caet.

propter lautum & elegans vivendi genus quo utebatur, peti existimabat: HORTENSIVS adeo effecit ut hanc rogationem Consules omitterent, teste DIONE CASSIO (1): „ὁ γὰρ Ὁρτήσιος, Φιλανάλωτος ἐν τοῖς
 „ μάλιστα ὢν, ἔπεισεν αὐτοὺς, τό, τε μέγεθος τῆς πό-
 „ λεως ἐπεξιών, καὶ ἐπὶ τε τῇ οἴκοι πολωτελείᾳ καὶ ἐπὶ τῇ
 „ ἐς τοὺς ἄλλους μεγαλοφροσύνῃ ἐπαινῶν, καταβαλεῖν
 „ τὴν γνώμην, ἅτε καὶ συνηγωνισῇ τῶν λόγων τῷ βίῳ
 „ σφῶν χρώμενος:” *id est*, „HORTENSIVS enim,
 „ qui inter alios maxime faciundis sumptibus gestiebat,
 „ magnitudine civitatis explicata, Consulibusque ob
 „ sumptuositatem domesticam & magnificam erga alios
 „ liberalitatem collaudatis, eorumque vita suae oratio-
 „ ni tanquam in subsidium adhibita, ut a proposito
 „ discederent, effecit.”

Hic DIONIS CASSII locus ideo mihi maxime memoratu dignus videtur, cum nos doceat, qualis fuerit HORTENSIVS in vita privata; elegans, lauteque vivens, magnifice usus iis facultatibus & divitiis, (2) quas industria & indefesso labore plurimas acquisiverat: tum qualis ejus, etiam provectiore aetate, facundia, siquidem eos Consules, qui omnia sibi licere puta-
 bant,

(1) *Hist. Rom. L. XXXIX. c. 37. T. I. p. 208.*

(2) Huc pertinet quod ex Varrone sumit PLINIUS, *Hist. Natur. L. XIV. cap. 14.* „L. Lucullus puer apud patrem numquam lautum
 „ convivium vidit, in quo plus semel Graecum vinum daretur. Ipse
 „ cum rediit ex Asia millia cadum congiariorum divisit amplius cent-
 „ tum. C. Sentius, quem Praetorem vidimus, Chium vinum in do-
 „ mum suam illatum dicebat tum primum, cum sibi cardiaco medi-
 „ cus dedisset. HORTENSIVS *super decem millia cadum heredi re-
 „ liquit.*”

bant, ita callide laudaverit, ob hanc ipsam eorum sumptuositatem, luxum, & liberalitatem, ut revera prae pudore, non ausi sint legem perferre. Sequitur inde etiam HORTENSIUM in Senatu, & tum maximam habuisse auctoritatem; & quod certe summum mihi videtur, praeclarissimum hoc est documentum ejus constantiae & fortitudinis; cum non dubitaverit, eo tempore, iisque Consulibus, libere suam dicere sententiam, & aperte his summis magistratibus resistere. Habemus hic igitur exemplum humanitatis urbanitatisque in victu & cultu, facundiae & eloquentiae admirandae in persuadendis iis, qui aliorum optima consilia aspernantes, caeterorum omnium hominum voluntates, suo nutu regere & dirigere cupiebant; potentiae tandem & gravitatis, in liberrima sententiae ferendae facultate.

§. XXXIX.

Sub sequentibus Consulibus, L. DOMITIO AHE-
NOBARBO & APPIO CLAUDIO PULCHRO, A.
U. 699. frequentia fuerunt judicia: „Cato & Sufe-
„nas, *ait* CICERO (3), a. d. III. Non. Quintilis
„absoluti. Procilius condemnatus. — Publius (*Clo-*
„*dus*) fane diserto epilogo criminans, mentes judi-
„cum moverat. HORTALUS (4) *in ea causa fuit,*
„*cujusmodi solet;* nos verbum nullum: verita est enim
„pusilla, quae nunc laborat, ne animi in Publio
„offenderer.”

Hic

(3) *ad Att.* IV. 15.(4) *Hortalus*, cognomen est HORTENSII, eoque etiam usus est CICERO, *Epist. ad Att.* II. 25. Cf. ERNESTI in *Cl. Ciceron. Ind. Hist.*

80 SPECIMEN HISTORICO-JURIDICUM

Hic locus valde difficilis varie ab Interpretibus, Manutio, Bosio, Junio, Popma, aliisque explicatur. Graevio placuit Manutii conjectura legentis: *verita & enim filia, quae nunc laborat, ne animum Publii offenderem, vel ne animus Publii offenderetur* (1): legendum tamen putat Graevius, *ne animum in Publio offenderet*. Ernesti vero in his nihil certi dici posse affirmat, quia historiam ignoramus.

Hoc tamen certum videtur, Procilium cum Catone & Sufena Tribunatum Plebis ante biennium gessisse (2); forte nimis turbulenter. Hanc ob causam nunc accusati, duo posteriores sunt absoluti; Procilius autem condemnatus est, accusante P. Clodio, qui diebus hisce in judiciis versabatur (3): HORTENSIVS Procilii causam egit & *in ea fuit cujusmodi solet*. Qualis autem soleret esse in peragendis causis HORTENSIVS, egregius nempe & admirabilis, tum eloquentia, tum studio, probabimus *in sequenti Sectione*, nec ulla ratio nos movet, cur non hanc ipsam mentem Ciceroni hoc loco fuisse credamus.

Cicero autem in ea causa nihil dixerat, ne, si cum Manutio locum intelligamus, filiae Tulliolae voluntati deesset, quae eum rogaverat ne Procilium defenderet, contra hanc Publii Clodii accusationem. Verebatur nempe filia, ne, si forte pater acerbius quid in eum hac occasione dixisset, ille in Ciceronem gravius excandesceret.

§. XL.

(1) Placet haec P. Manutii conjectura etiam Elegantiss. c. M. WIELAND, *in not. ad hanc Epist. T. II. p. 383. L. V. Ep. 32.*

(2) Cf. FIGHIUS *Ann. III. 381. ad A. 697.*

(3) Cf. ASCONIUS PEDIANUS *ad Frag. Oration. CICERONIS pro Scauro.*

§. XL.

De HORTENSII nostri & Ciceronis summa familiaritate, A. U. 700. CN. DOMITIO CALVINO & M. VALERIO MESSALA *Coff.*, vix melius habere possumus argumentum, (4) quam illam Ciceronis cooptationem in *Collegium Augurale*; de quo nunc paucis dicemus.

Augures, a Numa instituti (5), usque ad A. U. 452. quatuor fuerunt numero, deinde additi quinque; a Sulla Dictatore iterum aucti, quindecim manserunt. Hi, sicut apud Pontifices moris erat, ipsi sibi collegas cooptabant. Ademerat iis tamen insigne hoc jus Cn. Domitius Ahenobarbus, A. U. 649. lege lata (6), secundum quam, qui antea a Collegio ipso cooptabantur, Comitibus populi Romani eligerentur. Sulla antiquum jus his Collegiis restituerat, *Lege Cornelia de Sacerdotiis*, quam deinde abrogavit Labienus Trib. Pleb. Cicerone Consule. Hujus legis beneficio C. Julius Caesar, nondum Praetorius, viris consularibus P. Isaurico & Q. Catulo praelatus, atque Pontifex Maximus creatus est. Apparet tamen ex

C I-

(4) Inde CICERO ad collegam Appium Pulchrum scribit, *ad Div.* III. 10. „ Quid illa tandem popularia? — amplissimi sacerdotii collegium? in quo non modo amicitiam violari apud majores nostros fas „ non erat, sed ne cooptari quidem sacerdotem licebat, qui cuiquam „ ex collegio esset inimicus.”

(5) Cf. LIVIUS L. IV. c. 4. L. X. c. 6. & 9. Errare videntur qui eorum institutionem ad Romulum referant, uti J. A. BOSIUS *de Pont. Max.* c. 3. *Thes.* GRAEVII T. V. p. 244 J. C. BULENGERUS *de Augur. & Ausp.* L. II. c. II. *Thes.* GRAEVII T. V. p. 430 & NEOPORTUS, qui ROSINUM secutus est, p. 105.

(6) Cf. CICERO *Or. de lege Agraria* II. 7. Leg. PIGHIUS *Ann.* III. p. 153. & ERNESTI in *Cl. Cicer. Ind. Leg. v. DOMITII*

CICERONE (1), iudice Ernesto, in *Clave Cicero-
niana l. l.* „hoc temperamentum dein adhibitum esse,
„ ut duo e collegio nominarent, populus ex his qui
„ nominati essent legeret.”

P. Crasso, qui cum patre bellum adversus Parthos
gessit, & in illa acerba clade interfectus est, quique
unus erat quindecim Augurum, mortuo, petierunt id
munus Hirrus Tribunus Plebis, (2) & Cicero (3);
sed hic obtinuit, „ & eum Augurem, a toto collegio
„ expetitur Cn. Pompejus & Q. HORTENSIUS
„ nominaverunt, neque enim licebat a pluribus no-
„ minari.” (4)

HORTENSIUS in illa insigni ad honorem re,
Ciceroni summae fuit utilitati; quod hic post ejus
mortem maxima cum doloris significatione memoravit;
„ nam, inquit, (5) & amico amisso, cum consuetu-
„ dine jucunda, tum multorum officiorum conjunctio-
„ ne me privatum videbam, & interitu talis Auguris
„ dignitatem nostri collegii diminutam dolebam: qua
„ in cogitatione, & cooptatum me ab eo in collegium re-
„ cordabar, in quo juratus iudicium dignitatis meae
„ fecerat, & inauguratum ab eodem; ex quo, Augurum
„ institutis, in parentis eum loco colere debebam.”
Testis enim HORTENSIUS, juratus testimonium
dignitatis Ciceronis dixerat, qua dignus hoc Sacerdo-
tio judicaretur, & eum inaugurarat; quod tam solem-
ne apud Augures habebatur, ut paternam reverentiam
novus collega, ei a quo inauguratus esset, praestare
teneretur.

§. XLI.

(1) Cf. *Philipp.* II. 2. ibique ABRAMUS.

(2) Cf. CICERO *Epist. ad Div.* VIII. 3. ibique P. MANUTIUS.

(3) Cf. PLUTARCHUS in *Vita Ciceronis* T. I. p. 878. F.

(4) CICERO *Philipp.* II. 2. Cf. XIII. 5.

(5) CICERO *Brut.* c. 1. Cf. supra laudata *Epist. ad Div.* III. 10.

§. XLI.

Non minor celebri in caussa *Milonis* fuit HORTENSIIUM inter & Ciceronem amicitia, & in illo periculoso tempore unanimitas. Cognita est historia, vel ex ipsius CICERONIS *Oratione pro Milone*, vel ex *Argumento ASCONII PEDIANI* (6), qui longius differit de caussa caedis Clodianae, de turbis inde ortis, & de judicio quo auctores ejus persecuti sunt Clodiani.

Videmus inde quam difficilis haec Milonis defensio fuerit, ob contrarias partes quas etiam, ut videtur, sequebatur & tuebatur Pompejus: quare maxime laudandus HORTENSIIUS, qui constanter Miloni adfuit cum M. Marcello, M. Calidio, M. Catone, & Fausto Sulla.

Quid vero in ea caussa dixerint & praestiterint, pluribus narrat ASCONIUS PEDIANUS in *Argumento Orat. pro Milone. T. I. p. 619. Ciceronis Gronovii*, praesertim in *Comment. ad Orat. cap. 6. (7)*

Sed non est nostri instituti plura de hoc Milonis judicio addere, cum ex allatis locis videre liceat, & qua auctoritate HORTENSIIUS fuerit in Senatu, & quo animo erga Ciceronem ejusque amicos.

§. XLII.

Videtur tamen circa hoc fere tempus, HORTENSII & Ciceronis amicitia nonnihil refrixisse: queritur saltem hic de parum firma HORTENSII fide in promissis solvendis.

Ci.

(6) Leg. SER. CORRADUS *Quaest. p. 186. seqq.*

(7) Legatur omnino FERRATIUS *Epist. L. III. Ep. 7. p. 179.*

Cicero enim, cui ex nova Provinciarum administrandarum ratione, secundum legem Pompejam, Cilicia obtigerat, A. U. 702. Consulibus SERVIO SULPICIO RUFO & M. CLAUDIO MARCELLO, mense Maio Roma profectus, per aliquot dies in villis suis moratus est: audiamus ipsum loquentem hac de re ad Atticum (1): „In Cumano cum essem, venit ad me, „*quod mihi pergratum fuit, noster HORTENSIVS:* „*cui, deposcenti mea mandata, caetera universi man-* „*davi; illud proprie, ne pateretur, quantum esset* „*in ipso, prorogari nobis provincias; in quo eum tu* „*velim confirmes, gratumque mihi fecisse dicas, quod* „*& venerit ad me, & hoc mihi, praetereaue si quid* „*opus esset, promiserit. — Habuimus in Cumano* „*quasi pusillam Romam.*”

Maximo nempe Cicero tenebatur urbis desiderio, non tantum cum in provincia sese optimis & sinceris amicis privatum sentiret, sed jam statim in ipso itinere; quod constat non solum ex hac laudata Epistola, sed & ex aliis quas e Cilicia, sive ad Atticum, sive ad alios familiares scripsit (2). Quae quidem omnia plenissimo sunt documento, Ciceronem maximam spem posuisse in HORTENSIO, cujus auctoritate haec res ex voto suo sibi conficeretur. (3) Hic

(1) *ad Att. V. 2.*

(2) *Cf. Epist. ad Att. V. 1. init. 2. 9. 11. init. 13. in fine. 15. 17. 18. 20. 21: ad Div. II. 7. 8. in fine. 10. III. 8. 10. VIII. 10. XV. 9. 12. 14.*

(3) *ad Att. V. 9.* „Illud tamen — memento curare per te, „& per omnes nostros, *in primis per HORTENSIVM*, ut annus „noster maneat suo statu, ne quid novi decernatur: hoc tibi ita „mando, ut dubitem, an etiam te rogem, ut pugnes, ne intercale- „tur; sed non audeo tibi omnia onera imponere; annum quidem „utique teneto.”

Hic vero, quamquam Ciceroni promiserat se cauturum ne provincia ipsi prorogaretur, promissis tamen non stetisse videtur, sed id egisse ut provinciae in biennium prorogarentur. Hinc querelae Ciceronis ad Atticum (4): „Scripsit Sextius, HORTENSIUM de
 „*proroganda nostra provincia dixisse nescio quid:*
 „mihi in Cumano, diligentissime se, ut annui esse-
 „mus, defensurum receperat: si quicquam me amas,
 „hunc locum muni; dici non potest, quam invitus a
 „vobis absum:” &, ne plures excitemus, ad Appium Claudium, Collegam in Auguratu, & HORTENSII familiarem (5): „unum illud te praecipue rogo, ut
 „cures, ne quid mihi ad hoc negotii aut oneris acce-
 „dat, aut temporis: HORTENSIUMQUE, nostrum
 „collegam & familiarem, roges, ut, si umquam mea
 „causa quidquam aut sensit, aut fecit, *de hac quoque*
 „*sententia bima* decedat: quia mihi nihil potest esse
 „inimicius.”

Et videtur quoque HORTENSIIUS de sua sententia decessisse, neque ullum discordiae locum amplius reliquisse. Cicero certe, in subsequentibus literis ad Atticum, eodem, quo antea, amicitiae significatu, de eo scribere pergit; (6) cujus rei luculentum exemplum est in iis, quae de HORTENSII filio scribit (7), ubi, *hunc*
 ego,

(4) *ad Att. V. 17.*

(5) *ad Div. III. 8.*

(6) *Cf. ad Att. VI. 1.*

(7) *ad Att. VI. 3.* Q. HORTENSIIUS filius, juvenis cum esset flagitiose & turpiter vixit; CICERO *ad Att. VI. 3.* & VALER. MAX. *L. V. cap. 9. Ex. 2.* ubi refert admirabilem Q. HORTENSII in filio patientiam. Patre mortuo, auctionem instituit de hujus pos-

ego, inquit, patris causa — ad coenam vocavi; & paullo post; ne offendam patrem, quem mehercule multum diligo. caet.

§. XLIII.

Eodem hoc Anno M. Valerius Messala, fororis HORTENSII filius, qui Consul fuerat A. U. 700. (1) & saepius *ambitus* accusatus, HORTENSIO defendente praeter omnium expectationem absolutus est; de qua defensione & summa HORTENSII eloquentia, magnificum est tum Bruti, tum CICERONIS (2) testimonium, his verbis: „ HORTENSIUM magnum
„ Ora-

sessionibus, CICERO *ad Att.* VII. 2. in qua Puteolos suos facere Cicero cupiebat, *Ep.* 3. *Coelius* enim emerat bona, quae HORTENSIIUS ad *portam Flumentanam* habuerat. Q. HORTENSIIUS filius, in bello Civili primum Caesaris causae fuisse, dein vero, mutato consilio, cum optimis civibus de salute Reipublicae maxime sollicitus fuisse videtur, *ad Att.* X. 4. 12. 16. 17. 18. caet. Interfecto Caesare, fortiter a partibus conjuratorum pro libertate Romanorum pugnavit, quam ob causam maximis laudibus in *Philippicis* a CICERONE effertur; qui ejus animum dicit *egregium, dignumque & ipso & majoribus ejus.* *Philipp.* X. c. 6. cf. c. 5. & 11. Tandem vero, captus in pugna ad Philippos, mactatus est ab Antonio Triumviro, ad monumentum fratris Caji, quem HORTENSIIUS jussu M. Bruti interfecerat. Cf. PLUTARCHUS in *Vita Bruti* T. I. p. 926. E. VELLEJ. PATERC. *Hist. Rom.* II. 71. & PIGHIUS *Ann. ad A. U.* 709. III. 466. Legantur porro de hoc Oratoris nostri filio, ut & de filia HORTENSIA, in qua *superstes fuit paterna eloquentia*, VALER. MAX. L. VIII. c. 3. *Ex.* 3. & APPIAN. ALEXAND. *Bel. Civ.* L. IV. p. 978. *seqq.* BAYLIUS in *Lex. Hist. & Crit. in V.* & GLANDORPIUS *Onom. Hist. Rom.* p. 405. *seqq.*; qui etiam consuli merentur de HORTENSII nepotibus, Q. HORTENSIO CORBIONE & M. HORTENSIO HORTALO.

(1) Cf. PIGHIUS *Ann.* III. 402.

(2) *Brut.* c. 96.

„Oratorem semper putavi, maximeque probavi pro
 „Messala dicentem, cum tu abfuisti.” Sic ferunt,
 „respondet Cicero, idque declarat totidem, quot dixit,
 „ut ajunt, scripta verbis oratio.” (3)

In itinere jam aliquid de illa Messalae accusatione audiverat Cicero; unde sic ad Atticum ea de re scripsit: (4) „De Messala ad te statim, ut audiui, de Gyaro dedi literas: & *id ipsum consilium nostrum* etiam ad HORTENSIUM; cui quidem valde συνηγωλῶν.”

Nec tamen haec sua facundia, qua reum Messalam HORTENSIUS poenae subduxit, egregium oratorem tutum praestare potuit, ne eadem hac defensione in multorum odium incurreret, gravi contumelia afficeretur, quin & sibilis a populo exciperetur. Rem narrat M. Coelius, ad Ciceronem sic scribens. (5)

„Certe, inquam, absolutus est; me praesente pronunciatum est, & quidem omnibus ordinibus, & singulis in unoquoque ordine sententiis. Vide modo; inquis. Non, mehercules: nihil enim unquam tam praeter opinionem, tam quod videretur omnibus indignum accidit; quin ego, cum pro amicitia validissime faverem ei, & me jam ad dolendum praeparassem: postquam factum est, obstupui, & mihi visus sum captus esse. Quid alios putas? clamoribus
 „bus

(3) Legatur omnino de hoc judicio VALERIUS MAXIMUS L. V. c. 9. Ex. 2.

(4) ad Att. V. 12.

(5) ad Div. VIII. 2. Coelius enim decedenti Ciceroni pollicitus erat, se omnes res urbanas diligentissime perscripturum: ad Div. VIII. 1.

bus scilicet maximis iudices corripuerunt, & ostenderunt plane esse quod ferri non posset. Itaque relictus *lege Licinia*, majore esse periculo videtur, Accessit huc, quod postridie ejus absolutionem in theatrum Curionis HORTENSIVS introiit, puto ut suum gaudium gauderemus. Hic tibi *strepitus, fremitus, clamor tonitruum, & rudentum sibilus*. Hoc magis animadversum est, quod intactus a sibilo pervenerat HORTENSIVS ad senectutem. Sed tum ita bene, ut in totam vitam cuiusvis satis esset, & poeniteret eum jam vicisse."

Messalam autem tum quidem absolutum, deinde iterum in jus vocatum & condemnatum esse, patet ex *Epist. ad Div. L. VIII. E. 4.* Leg. p. MANUTIUS *Arg. Epist. ad Div. VIII. 2.*

§. XLIV.

Tandem, A. U. 703. L. AEMILIO PAULO & C. CLAUDIO MARCELLO *Coss.* perpaucis ante mortem diebus HORTENSIVS, annum agens sexagesimum quartum, una cum Bruto defendit (1) hujus focerum Appium Claudium, quem e Cilicia reducem, *de majestate & ambitu* accusaverat Dolabella, (2) gener Ciceronis.

Paucos deinde post dies noster HORTENSIVS probabiliter morbo correptus est. M. Coelius enim ad Ciceronem absentem scribens, eique gratulatus affinitate

(1) Cf. CICERO *Brut.* c. 64. & 94.

(2) Cf. CICERO *ad Div.* VIII. 6. cf. III. II. 12.

tate Dolabellae, Appii Claudii accusatoris, addit in fine Epistolae (3). Q. HORTENSIVS, *cum has litteras scripsi, animam agebat*. Et ipse CICERO, acerbissimi casus mentionem facit in Epistola ad Atticum (4), eodem fere hoc tempore scripta, his verbis: „De HORTENSIO te certo scio dolere; equidem excrucior: „*decreram enim cum eo valde familiariter vivere.*”

Erat scilicet Cicero in eo ut de discessu e Provincia cogitaret, eique jam C. Coelium Caldum Quaestorem praefecerat, & peragrata provincia Rhodum volebat, suorum filiorum causa; (5) quo cum venisset, de Q. HORTENSII morte, illi certum nuntium allatum est (6).

§. XLV.

Quo autem genere morbi correptus diem obierit supremum HORTENSIVS, non liquet: videtur tantum perpaucis ante mortem diebus, optima etiam nunc valetudine Appium defendisse.

GLANDORPIUS (7) tamen affirmat, eum a vita discessisse, *clamore in actione causae disruptum*; alato in hanc rem SERENO SAMMONICO: quo facto nihil aliud probat, nisi, neque se Sammonicum intellexisse, neque satis accurate Ciceronem (8) tractas-

(3) *ad Div. VIII. 13.*

(4) *ad Att. VI. 6.*

(5) *Epist. ad Att. VI. 7.*

(6) *CICERO Brut. init.*

(7) *Onom. Hist. Rom. p. 405. sqq.*

(8) *Brut. c. 96.* „Ergo HORTENSIVS a Crasso consule &

etasse; quippe qui nihil omnino de tam tristi mortis
caussa dixerit, quod tamen iudice BAYLIO, (1) non
omississet si hoc ita certum ac cognitum fuisset. Canit
vero Q. SERENUS: (2)

*Aegrescunt tenerae fauces, cum frigoris atri
Vis subiit, vel cum ventis agitabilis aër
Vertitur, atque ipsos flatus gravis inficit unda.
Vel rapidus clamor, fracto cum forte sonore
Plenum radit iter; sic est HORTENSIUS olim
Absumptus, causis etenim confectus agendis,
Obticuit, cum vox domino vivente periret;
Et nondum extincti moreretur lingua disert.*

Ex quibus verbis effici nequit, HORTENSIUM de
vita decessisse, *clamore in actione causae disruptum.*

§. XLVI.

Cessit omnino noster HORTENSIUS eo tempore
e vita, quo Romana Respublica jamdiu multis modis
labefactata, tandem penitus pesumdata erat, ambitio-
ne duorum potentissimorum civium, Caesaris & Pom-
peji; quorum inimicitiae in ipsum bellum civile eru-
perunt, adeo vehemens atque atrox, ut universa civi-
tas Romana ab hoc furore vix innocua permanferit:

cu-

„ Scaevola usque ad Paullum & Marcellum consules floruit; nos in
„ eodem cursu fulmus a Sulla dictatore ad eosdem fere consules.
„ Sic Q. HORTENSII vox extincta fato suo est, nostra publico.”

(1) in *Lex. Hist. Crit. in V. not. M.*

(2) de *Re Medica. cap. 15.*

cujusque libertati Romanae infaustum futurum exitum, HORTENSIUS, CICERO, aliique viri patriae amantissimi, sincere ploraverunt.

HORTENSIUS autem, uti erat prudentissimus praeteriti temporis iudex, & praesentis constans atque indefessus actor, sic futuri existimator erat providus & sagax; ideoque fortunatum illius exitum praedicat Cicero, (3) qui ea non vidisset cum fierent, quae providisset futura: „ Saepe enim, *inquit*, inter nos impendentes casus de-
„ flevimus, cum belli civilis causas in privatorum
„ cupiditatibus inclusas, pacis spem a publico consilio
„ esse exclusam videremus. Sed illum videtur felicitas
„ ipsius, qua semper est usus, ab eis miseriis quae
„ consecutae sunt, morte vindicasse.”

Et revera, si omnia, quae de HORTENSII vita & rebus gestis dicta sunt, perpendamus, non possumus non mirari summam ejus felicitatem, qua patrem nactus erat virum egregium, qui liberali educatione & institutione elaboratum pueri ingenium, exemplo suo ad omnes virtutes informavit; quique ipse functus ornatissimis magistratibus, filium HORTENSIUM, inde ab egressu adolescentiae, eo loco in Republica posuit, ubi praeclarae ingenii illius facultates magis magisque elucescerent & augerentur.

Pollebat praeterea HORTENSIUS ea arte quae jure maxima habetur: „ nihil enim, *judice Crasso apud CI-*
„ CERONEM, (4) praestabilius videtur, quam posse
„ dicendo tenere hominum coetus, mentes allicere,
„ voluntates impellere, quo velit; unde autem velit,
„ de-

(3) Brut. cap. 96.

(4) de Orat. L. I c. 8.

„deducere. — Quid enim est aut tam admirabile,
 „quam ex infinita multitudine hominum exsistere
 „unum, qui id, quod omnibus natura sit datum, vel
 „solus, vel cum paucis facere possit? aut tam jucun-
 „dum cognitu atque auditu, quam sapientibus sen-
 „tentiis gravibusque verbis ornata oratio & polita?
 „aut tam potens, tamque magnificum, quam populi
 „motus, judicum religiones, senatus gravitatem,
 „unius oratione converti? Quid porro tam regium,
 „tam liberale, tam munificum, quam opem ferre sup-
 „plicibus, excitare afflictos, dare salutem, liberare
 „periculis, retinere homines in civitate.” caet.

Quid autem HORTENSIUS hac incomparabili facundia effecerit, saepius vidimus; & quot causas defenderit cum Republica conjunctas, & in quibus cum Cicerone, non tantum de reorum salute, sed praecipue de civium libertate fortiter est praeliatus.

Magistratum annos etiam feliciter satis pacatos tranquillosque habuit, praesertim Consulatum. Quid multa! omnia assecutus est quae homini Romano, five in foro, five in Senatu, five in sacerdotiis praeclara poterant accidere. Optimos, clarissimos, doctissimosque viros habuit amicos, Atticum, Varronem, Ciceronem, Catulos, Catonem, Sisennam, Lucullos, aliosque, quibuscum familiariter vixit: & gravissimo curarum, quas pro Republica susceperat, pondere fatigatus, *ad Baulos, vel in Tusculanum* (1) suum decedens, illic ho-

(1) Posuit HORTENSIUS in hoc *Tusculano* suo, egregiam Cydiae tabulam, *Argonautas*, quam grandi pecunia ab hoc emerat, teste PLINIO, *Hist. Nat.* XXXV. II. Hujus praedii Tusculani etiam mentionem facit MACROBIUS, *Saturn.* L. II. cap. 9. (III. 13.) in quo

honesto & liberali otio delectabatur, omnesque aerumnias & sollicitudines deponebat. Hic scilicet illum

„ ge-

quo capite plura omnino dubiae fidei *ἀνιδότα* de HORTENSIO scripsit: „ Primushos (pavones) Q. HORTENSIVS Augurali aditiali coena „ posuisse dicitur: quod potius factum tum luxuriosi quam severi boni „ viri laudabant. — Is HORTENSIVS platanos suas vino irrigare „ consuevit: adeo ut in actione quadam, quam habuit cum Cicerone „ susceptam, precario a Tullio postulasset, ut locum dicendi permu- „ taret secum: abire enim in villam necessario se velle, ut vinum pla- „ tano, quam in *Tusculano* posuerat, ipse suffunderet. Sed forte ad „ notam saeculi sui non sufficit HORTENSIVS, vir alioquin ex „ professo mollis & in praecinctu ponens omnem decorem. Fuit „ enim vestitu ad munditiem curioso: & ut bene amictus iret, fa- „ ciem in speculo quaerebat; ubi se intuens togam corpori sic ap- „ plicabat, ut rugas, non forte sed industria locatas, artifex nodus „ adstringeret, & sinus ex composito defluens modum lateris am- „ baret. Is quondam, cum incederet elaboratus ad speciem, col- „ legae de injuriis diem dixit, quod sibi in angustiis obviis, offensus „ fortuito structuram togae destruxerat: & capitale putavit quod in „ humero suo locum ruga mutasset.” De *Pavonibus*, quos in Augu- „ rali aditiali coena primus HORTENSIVS posuisse dicitur, consen- „ tiunt PLINIUS *Hist. Nat.* X. 20. AELIANUS *περὶ ζώων ἰδιότητος* L. V. c. 21. & VARRO *de R. R.* III. 6. ad quem I. vid. *Victorius* & *Schoetgenius*. Ultima vero haec, de ridicula illa injuriarum actione, ob structuram togae destructam instituta, solum MACROBIUM habent auctorem, & tam absurda sunt ut merito de iis dubitare videamur; neque in iis quae GELLIUS *Noct. Att.* L. I. c. 5. scripsit, ullum praesidium recte quaeritur. „ Demosthenem, *inquit*, tradunt „ vestitu sincero & cultu corporis nitido venustoque & nimis accu- „ rato fuisse. — Ad eundem modum HORTENSIVS, omnibus fer- „ me oratoribus aetatis suae, nisi M. Tullio, clarior, quod multa „ munditia & circumspecte compositaeque indutus & amictus esset, „ manusque ejus inter agendum forent argutae admodum & gestuo- „ sae, *maledictis compellationibusque probrosis jactatus est*; multaque in „ eum, quasi in histrionem, in ipsis causis atque judiciis dicta „ sunt.” caet.

„ — — — *gelidum nemus*

„ *Nympharumque leves cum Satyris chori*

fecernebant a populo. (1)

Neque tamen haec omnia HORTENSIUM communi hominum forti eximere, & a morte liberare potuerunt: nempe

— — — *omnes una manet nox,*

Et calcanda semel via leti.

Dant alios Furiae torvo spectacula Marti:

Exitio est avidis mare nautis.

Mista senum ac juvenum densentur funera: nullum

Saeva caput Proserpina fugit. (2)

Divesne prisco natus ab Inacho

Nil interest, an pauper & infima

De

(1) HORATIUS *Carm. I. 1. vs. 30.* Habuit HORTENSIUS, praeter memoratas *ad Baulos & Tusculanum* villas, tertiam in agro *Laurenti*, propter amplissimum leporarium maxime celebrem; citatur enim etiam in exemplum apud VARRONEM, *de R. R. III. 13.* referentem sermones, quos *de villa perfecta* cum Axio, Appio Claudio Augure, Cornelio Merula, aliisque habuerat. (*de R. R. III. 1. & 2.*) „ Ego vero, inquit ille, apud Q. HORTENSIUM cum in agro „ *Laurenti* essem, ibi istuc magis τραγικῶς fieri vidi. Nam silva „ erat (ut dicebat) supra quinquaginta jugerum maceria septa, „ quod non leporarium, sed θηριοτροφείον appellabat. Ibi erat locus „ excelsus, ubi triclinio posito coenabamus. Quintus Orphea vo- „ cari jussit; qui cum eo venisset cum stola & cithara, & cantare „ esset jussus; buccinam inflavit, ubi tanta circumfluxit nos cervo- „ rum, aprorum, & caeterarum quadrupedum multitudo, ut non „ minus formosum mihi visum sit spectaculum, quam in *Circo Maxi-* „ *mo* Aedilium, sine Africanis bestiis cum fiunt venationes.”

(2) HORATIUS *Carm. I. 28. vs. 15.*

*De gente sub divo moreris,
 Victima nil miserantis Orci.
 Omnes eodem cogimur: omnium
 Versatur urna serius ocius
 Sors exitura; & nos in aeternum
 Exilium impositura cymbae. (3)*

Quae vero HORTENSII felicitas in ipsa morte fuerit, patet ex insigni CICERONIS testimonio, quo amici defuncti memoriam profecutus est, his verbis: (4) „Sed, quoniam perpetua quadam felicitate
 „usus ille cessit e vita, suo magis, quam suorum
 „civium tempore, & tum occidit, cum lugere facilius
 „Rempublicam posset, si viveret, quam juvare; vixit-
 „que tamdiu, quam licuit in civitate bene beateque
 „vivere: nostro incommodo, detrimentoque, si est
 „ita necesse, doleamus: illius vero mortis opportuni-
 „tatem benevolentia potius, quam misericordia profe-
 „quamur, ut, quotiescunque de clarissimo & beatissi-
 „mo viro cogitemus, illum potius, quam nosmet-
 „ipsum, diligere videamur. Nam si id dolemus, quod
 „eo jam frui nobis non licet; nostrum est id malum:
 „quod modice feramus, ne id non ad amicitiam, sed
 „ad domesticam utilitatem referre videamur: sin, tan-
 „quam illi ipsi acerbitatis aliquid acciderit, angimur;
 „summam ejus felicitatem non satis grato animo inter-
 „pretamur. Etenim si viveret Q. HORTENSIVS,
 „caetera fortasse desideraret una cum reliquis bonis &
 „fortibus civibus; hunc autem praeter caeteros, aut
 cum

(3) HORATIUS *Carm.* II. 3. vs. 20.

(4) *Brut.* c. I. & 2. Cf. VELLEJ. PATERC. *Hist. Rom.* II. 49.

„ cum paucis sustineret dolorem, cum forum populi
 „ Romani, quod fuisset quasi theatrum illius ingenii,
 „ voce erudita, & Romanis Graecisque auribus digna,
 „ spoliatum atque orbatum videret. — Itaque ii mihi
 „ videntur fortunate beateque vixisse, cum in caeteris
 „ civitatibus, tum maxime in nostra, quibus cum
 „ auctoritate, rerumque gestarum gloria, tum etiam
 „ sapientiae laude perfrui licuit.”

Tandem, ut huic Sectioni finem imponamus, in
 Q. HORTENSII nostri indolem ac mores, omnemque
 adeo vitam, egregie convenit pulcherrimus STATII
 locus. (1)

*Tu, cujus placido posuere in pectore sedem
 Blandus honos, hilarisque (tamen cum pondere) virtus:
 Cui nec pigra quies, nec iniqua potentia, nec spes
 Improba; sed medius per honesta & dulcia limes:
 Incorrupte fidem, nullosque experte tumultus,
 Et secrete palam: qui digeris ordine vitam;
 Idem auri facilis contemptor, & optimus idem
 Comere divitias, opibusque immittere lucem.*



 S E C T I O A L T E R A.

DE Q. HORTENSIO ORATORE ROMANO.

*E*xordium. CAPUT I. De Q. HORTENSII ingenii dotibus, oratoria facultate, memoria, caet. & de ejus scriptis. §§. I, II. *Quaedam de Jurisconsultis & caussarum patronis.* HORTENSIVS non Jurisconsultus. §. III. *Ejus memoria.* §. IV. *In studiis ardor.* Magistri, Scripta, Annales, Carmina, alia. §. V. HORTENSIVS non Philosophus. Ciceronis liber HORTENSIVS. §. VI. HORTENSII diligentia in partiendo. §. VII. *Ejus actio sive pronuntiatio: magis auditus quam lectus placuit.* §. VIII. *Cur adolescens magis floruerit quam senior HORTENSIVS.*

adi & colligenda

CAPUT II. De caussis quas egit HORTENSIVS. §. I. *Earum numerus ingens; cum Cicerone aliisque patronis easdem saepe egit: perorandi locum plerique Ciceroni relinquebant.* §. II. *Caussae Africae, Regis Bithyniae, Cn. Pompeji Magni.* §. III. *P. Quintii.* §. IV. ASCONIUS PEDIANUS a PIGHIO correctus. §. V. *Caussa Cn. Cornelii Dolabellae.* §. VI. *Alterius Cn. Corn. Dolabellae. M.*

G

Ca.

Canuleji. §. VII. Terentii Varronis. §§. VIII—X. Judicium C. Verris, & in eo HORTENSII ars & studium. §. XI. Caussae C. Rabirii, L. Murenæ. §. XII. P. Sullae. Vargunteji. §. XIII. L. Valerii Flacci, & alterius Valerii. §. XIV. M. Scauri, Plancii, Procilii, Milonis, caet.

CAPUT. III. De aemulatione HORTENSIUM inter & CICERONEM.

EXORDIUM.

His igitur relatis, quae de Q. HORTENSII vita & rebus gestis, qua Civis & Senatoris Romani, praecipue memoranda videbantur, nobis nunc ex proposito ordine agendum est, de egregiis illius ingenii dotibus & in eloquentia meritis, quae revera Ciceroni incitamenta fuerunt, ad comparandam illam sibi facundiam „cujus quidem perfectae modus & mensura, „ut fuit ab omni tempore prudentissimorum hominum certa sententia, in eo continetur.” (1)

Ab hac autem HORTENSII praestantia, tanquam a fonte, derivanda videtur Ciceronis perfectior ars; quippe qui hujus laudibus non deterritus, magis vero ad

(1) D. WYTTENBACHIIUS *Bibl. Crit. Vol. I. P. 2. p. 1.*

ad studium incitatus, quod in HORTENSIO divinum quasi esset, imitari, quod vero humanum minusque perfectum, evitare & rejicere potuit. Omnino enim recte judicat QUINCTILIANUS, (1) „Quin-
 „ imo si hanc cogitationem homines habuissent, ut
 „ nemo se meliorem fore eo, qui optimus fuisset, ar-
 „ bitraretur: ii ipsi, qui sunt, optimi non fuissent:
 „ neque post Lucretium ac Macrum Virgilius, neque
 „ post Crassum & HORTENSIUM Cicero, sed nec
 „ alii postea vicerint.”

Examinemus itaque, Cicerone praesertim duce & auctore, quam rationem in studiis secutus sit noster HORTENSIVS, & quo genere eloquentiae, per diversa vitae tempora, maxime floruerit; breviter dein referemus omnes causas quas eum egisse deprehendimus; & tandem, huic qualicunque disputationi finem imponemus, accuratiore examine & iudicio de celebri quaestione, quae versatur circa aemulationem HORTENSIUM inter & CICERONEM.



(1.) de Inst. Orat. L. XII. c. 11. p. 1113.



CAPUT PRIMUM.

DE Q. HORTENSII INGENII DOTIBUS, ORATORIA FACULTATE, MEMORIA, CAET.
ET DE EJUS SCRIPTIS.

§. I.

Ut autem, quae in hoc Capite, & universe in hac Sectione tractanda sunt, melius clariusque exponantur, nonnulla, quam brevissime potero, hic inferam ad Causarum Patronos & Jurisconsultos pertinentia; & haec quidem maxime ex CICERONIS scriptis petita, ne nimii simus in auctoritatibus enumerandis.

Et recte, ut mihi quidem videtur, affirmat EVERARDUS OTTO, (1) tres artes eo tempore fuisse quibus cives ad dignitatis gradus sibi adscensum pararent; primam *Militis*, alteram *Oratoris*, tertiam denique *Jurisconsulti*.

Quemadmodum vero neque Servius Sulpicius, neque Cicero, ad belli strepitum & negotia informatos a natura animos acceperant, sic HORTENSII etiam mite ingenium ab inquieta militari vita valde abhorruit

(1) In *Dissert. de Vita Servii Sulpicii Rusti*. c. 3. §. 1. *Thes. Jur. OTTONIS* T. V. p. 1566.

ruit, ut non nisi per duos annos, cum in foro, theatro suae gloriae, judicia intermissa videret, stipendia meruerit; & dein ab omni bello religiose se abstinuerit.

Missâ igitur militia, supererat vel studium juris publici, patriarumque legum & consuetudinum, vel exercitatio earum scientiarum quae maxime valent ad aliquem informandum, ut perfecti oratoris personam possit tueri. Harum artium alteram, simul ac togam virilem sumfisset, sibi elegit HORTENSIVS; constituitque adolescens in studium eloquentiae incumbere, ut & sibi honori, & amicis utilitati, & Reipublicae emolumento esse posset. (2)

Juris civilis, veluti Cicero, tantum scire voluit HORTENSIVS, quantum oratori esset satis. Non enim Servium Sulpicium secutus, (3) eloquentiam assumebat ut jus civile facilius posset tueri; sed juris publici privatique cognitionem eloquentiae conjunxit, quia cum Crasso, (4) inertiae primum, & impudentiae condemnabat eos patronos, qui non dubitarent „ volitare „ in foro, haerere in jure ac praetorum tribunalibus, „ judicia privata magnarum rerum obire, in quibus „ saepe non de facto, sed de aequitate ac jure certaretur, jactare se in causis centumviralibus, in „ quibus usucapionum, tutelarum, gentilitatum, „ agnationum, alluvionum, circumluvionum, nexorum, mancipiorum, parietum, luminum, stillicidiorum, testamentorum ruptorum aut ratorum, caeterarumque rerum innumerabilium jura versarentur, „ cum omnino, quid suum, quid alienum, quare de-

„ ni-

(2) Cf. CICERO *de Orat.* L. I. c. 8.

(3) Cf. CICERO *Brut.* c. 40.

(4) CICERO *de Orat.* L. I. c. 38.

„ nique civis aut peregrinus , servus aut liber quispiam esset , ignorarent. ”

Ab hac igitur inertia & impudentia alienissimus fuit HORTENSIUS , quem Catulus confidebat (1) omnibus istis laudibus , quas Crassus , in oratione de optimo Oratore complexus erat , *excellentem fore* ; neque eum ita *fore* judicabat ipse Crassus , *verum jam esse* sentiebat , „ nihil , inquit , isti adolescenti , neque „ a natura , neque a doctrina deest ; ” eoque magis Cottae & Sulpicio vigilandum ac laborandum dicebat , „ non quod HORTENSIUS mediocris orator illorum quasi succresceret aetati ; *sed ingenio peracri , „ & studio flagranti , & doctrina eximia , & memoria singulari :* ” quae quidem sententia , profecta a Crasso , de perfecto Oratore differente , & in eo maxima quaevis requirente , vim habet singularem.

Haec igitur quae diximus eo valent , ut significemus HORTENSIUM non verum Jurisconsultum fuisse ; id est , non eum qui legum & consuetudinis ejus qua privati in civitate uterentur , ita peritus esset , ut ad respondendum , & ad scribendum , & ad cavendum , suis vacare potuisset civibus. (2)

§. II.

Fuerunt nempe in Romana Republica hae partes Oratoris & Jurisconsulti separatae ; ita tamen , ut aliquando exstiterint egregii viri , qui has conjungerent , & Oratores Jurisconsultique simul essent. Antiqui-

(1) CICERO de Orat. L. III. c. 61.

(2) Cf. CICERO de Orat. L. I. c. 48.

quitus enim, teste *Crasso* apud C I C E R O N E M (3), illi qui sapientiae gloria excellere studebant, *omnia complecti solebant*, quae quidem tum *Romana civitas posset*.

Tales fuerunt Sex. Aelius Catus, M' Manilius, qui transverso ambulabant foro, quod erat insigne, eum qui id faceret, facere civibus omnibus consilii sui copiam. Hoc fecerunt P. Crassus, Tib. Coruncanius & multi alii, inter quos etiam M. Cato: „ quid „ enim, *inquit Crassus*, (4) — num quia Jus Civile „ didicerat, causas non dicebat? aut quia poterat dicere, Juris Civilis scientiam negligebat?” Hi igitur utroque in genere elaboraverunt; alii vero horum aequales, minore, ut fit, ingenio vel eruditione instructi, in alterutra tantum harum artium studium laboremque ponebant.

Plurimis dein negotiis districti, haec studia eloquentiae & juris civilis magis separaverunt Romani, ut tandem pauci tantum invenirentur, qui utriusque studii gloriam & usum sibi vindicarent. Horum in numero primus est Q. Mucius Scaevola, disciplina Juris Civilis eruditissimus, & ingenio prudentiaque acutissimus, & oratione maxime limatus & subtilis; quare & *juris peritorum eloquentissimus*, & *eloquentium juris peritissimus* dicitur a Crasso (5). Talis etiam fuit C. Aquilius Gallus, *privati juris & publici bene peritus*, idemque *promptus & paratus in agendo respondendoque*, item L. Lucilius Balbus (6); fuerunt & alii.

Hi

(3) *de Orat. L. III. c. 33.*

(4) *l. l.*

(5) C I C E R O *de Orat. L. I. c. 39. Cf. c. 53. & 57. Brut. c. 52.*

(6) *Cf. C I C E R O Brut. c. 42.*

Hi itaque duo haec tenebant & profitebantur; amicorum causas studiose recipiebant & agebant in foro, & mane domi sedentes, se de omnibus juris capitibus consuli patiebantur.

Alii, uti *Servius Sulpicius Crassusque*, sapientissime judicantes, has duas civiles artes & forenses plurimum & laudis habere & gratiae, perfecerunt, ut altera plurimis praestarent, ex altera tantum assumerent, quantum esset vel ad tuendum jus civile, vel ad eloquentiam ornandam satis; (1) quare *Crassus* se consuli nolebat, & *Servius Sulpicius* causas agere desiit; „ in jure civili enim „ maluit primus esse, quam in eloquentia secundus. ” (2) Tria sic genera constituere possumus; erant enim vel Jurisconsulti, vel Oratores five causarum Patroni, vel utramque artem edocti cavebant, scribebant, & respondebant de jure, & reorum causas in foro, Praetorumque tribunalibus agebant.

In hac quidem doctrina & distinctione tota sita est quaestio, *an Cicero fuerit Jurisconsultus?* cui similis alia aequo jure agitari posset, *an HORTENSIVS fuerit Jurisconsultus?* quod mihi quidem de utroque negari debere videtur: cum nullibi constet, eos his respondendi, scribendi, cavendique officiis, quae veri nominis Jurisconsultum constituebant, functos fuisse. Et certius hoc apparet, si attendamus ad ipsam Jurisconsulti notionem, quam ipse Cicero sequitur in libris Oratoriis: in quibus eleganter, & causarum Patroni, & Jurisconsulti officia definivit; neque umquam ea confundere videtur. (3)

Ne-

(1) Cf. CICERO *l. l.*

(2) CICERO *Brut. c. 41.*

(3) Quam accurate Cicero hoc discrimen observaverit aliquot
le-

Neque solus Cicero, ut erat accuratissimus, hoc discrimen semper observat, verum & optimi Poetae, *Ovidius*, *Horatius*, caet. illud quovis loco inculcant; quam in rem nonnulla diserta eorum loca, animi causa in medium afferre liceat: Sic canit *OVIDIUS Art. Amat. L. I. vs. 79.*

*Et fora conveniunt (quis credere possit?) amoris;
 Flammaque in arguto saepe reperta foro.
 Subdita qua Veneris facto de marmore templo
 Appias expressis aëra pulsat aquis.
 Illo saepe loco capitur consultus Amori:
 Quique aliis cavit, non cavet ipse sibi.
 Illo saepe loco desunt sua verba diserto:
 Resque novae veniunt, causaque agenda sui est.
 Hunc Venus e templis, quae sunt confinia, ridet.
 Qui modo patronus, nunc cupit esse cliens.*

et

locis confirmare liceat, in quibus *Prudentibus* seu *Jurisconsultis* omnino alia tribuit quam *Oratoribus*, *Causarumque Patronis*. Pertinent huc *de Orat. L. I. c. 9. 10. 15. 36. 38. 39. 48. 49. 55. — 60. L. II. c. 33. 55. L. III. c. 33. Bruti c. 26. 29. 30. 34. 39. 40. 41. 47. 52. Orat. c. 41. seqq. Orat. pro Quintio c. 16. 17. pro Murena c. 4. 9. — 14. pro Flacco. c. 32. pro Plancio. c. 25. etiam Epistolae L. VII. ad Div. ad Trebatium Jurisconsultum scriptae. His enim dilucide ostenditur, duo haec diversa studia fuisse, quae pauci tantum simul & recte tractarent. Erant enim Oratores qui jus civile contemnerent, quorum quidem singularis ac divina ingenii vis erat, sed, ut *Antonii*, nudata juris scientia. Contra, plurimi a natura forte minus ad eloquentiam informati, domesticis studiis & lucubrationibus sibi comparabant juris publici, privati, pontificique cognitionem perfectam, civibus utilissimam, ipsis vero honorificam.*

et *Art. Amat. L. III. vs. 529. (1)*

*Vos quoque, de nobis quem quisque sit aptus ad usum,
Inspicite: & certo ponite quemque loco.*

Munera det dives, jus qui profitebitur, adfit:

Facundus causam saepe clientis agat.

et *HORATIUS Epist. I. 3. vs. 23. ad Julium Florum,*

Seu linguam causis acuis, seu civica jura

Respondere paras, seu condis amabile carmen;

et *Art. Poet. vs. 369.*

— — consultus juris & actor

Causarum mediocris abest virtute disert

Messalae, — — —

In Jure Civili tandem hoc discrimen innuitur in *L. 2. D. de Orig. Jur. §. 40.* praesertim in historia *Servii Sulpicii (2) §. 43.* Legantur §§. 45. & 46. ubi *Tubero* dicitur *a causis agendis transisse ad Jus Civile.*

His praemissis, nunc de *HORTENSIO* porro videamus.

§. III.

Adolescens HORTENSIVS itaque, mature suam
ope.

(1) Cf. & *OVIDIVS Amor. L. I. Epist. 13. vs. 19. seqq. Epist. 15. vs. 5. Rem. Amor. vs. 151.*

(2) Cf. *EV. OTTO l. l. c. 4. Thes. Juris OTTONIS T. V. p. 1573. seqq.*

operam Reipublicae illustrissimis defensionibus vel accusationibus commendavit; unde a QUINCTILIANO, (3) cum Lucullis, Sulpicio, Cicerone, Caesare, aliisque, nominatur inter eos claros juvenes, principesque in Republica, „ qui non quidem accusatoriam „ vitam vixerint, sed non dubitarint tamen pestem in- „ testinam ita propulsare, & crediti sint obsidem Rei- „ publicae dare, malorum civium accusationem.”

Inciderat etiam fortuna HORTENSIVS in aetatem illorum Oratorum, qui juris peritia in causis non vulgari utebantur, & quorum de meritis disertissima sunt Ciceronis testimonia, in *quinque libris Oratoriis*, aliisque.

Memoria autem valebat tanta, quantam in ullo cognovisse se arbitrabatur Cicero, qui & saepius eam celebravit (4), HORTENSIVM annumerans iis qui hac arte celeberrimi exstiterunt, *Simonidi*, qui eam invenisse dicitur, *Theodecti*, *Cyneae*, *Charmadae*, *Scepsio Metrodoro*, caet. Praestantior tamen L. Luculli memoria a Cicerone habebatur; (5) cum *Lucullus divinam memoriam rerum haberet*, HORTENSIVS majorem verborum.

Conveniunt cum his Ciceronis testimoniis, ea quae QUINCTILIANUS, (6) similia fere scripsit, praesertim vero quod SENECA (7) narrat: „ HORTENSIVM a Sisenna (8) provocatum, in auctione per- „ se-

(3) *de Inst. Orat. L. XII. c. 7. p. 1074.*

(4) *Tusc. Quaest. L. I. c. 24.*

(5) *Acad. Quaest. L. IV. c. 1.*

(6) *de Inst. Or. L. X. c. 6. p. 948.*

(7) *Proem. Declamat.*

(8) L. SISENNA, doctus vir & studiis optimis deditus, bene

„ sedisse totum diem, & omnes res, & pretia, & emptores, ordine suo, argentariis recognoscentibus, recensuisse, ita ut in nullo falleretur.” Legatur **QUINCTILIANUS** *de Inst. Orat.* L. XI. cap. 2. pag. 988. de eodem hoc facto. De memoria, & qua ratione tanquam ars a veteribus culta fuerit, legantur **CICERO** *de Orat.* L. I. c. 5. 34. & L. II. c. 85. in fine — 88. & **QUINCTILIANUS** *d. l.* p. 982, seqq.

§. IV

Accedebant ad hanc naturalem memoriae praestantiam summa arte excultam, flagrantissimus studiorum ardor, optimorum magistrorum institutione temperatus, & exempla eorum quibuscum de regno judiciorum diu pugnavit. Quid vero non vel solus ardor efficere debuit in ingenio, a natura tam liberaliter omnibus intelligentiae & eloquii facultatibus orrato? Fuit autem illud ingenium forte magis adhuc subactum & politum studio Molonis Rhodii, cui Cicero etiam operam dedit; (1) & universe, plurimum debuit **HORTENSII** consuetudini doctissimorum Graecorum, qui eo juvene Romam satis frequentes venerunt, bellum Mithridaticum

latine loquens. — „ Hujus omnis facultas ex historia ipsius perspicere potest; quae cum facile omnes vincat superiores, tum indicat, tamen, quantum absit a summo”, caet. **CICERO** *Brut.* cap. 64. quod inter **HORTENSII** familiares fuerit, colligimus ex iis quae **PLUTARCHUS** retulit *in Vita Luculli* T. I. p. 492. A. etiam C. Verris fuit defensor Cf. *Ad.* II. L. 2. c. 45. L. 4. c. 15. & 20. de eo legatur **CORRADUS** *ad l. Ciceronis locum.* p. 344. Cf. **ERNESTI** *in Cl. Cicer. in V.* & **G. J. VOSSIUS** *de Histor. Latin.* L. I. c. 10.

(1) *Brut.* cap. 89.

cum fugientes; sic Archias, qui Romam venit Mario & Catulo Coff. A. U. 651. (2) „ illis temporibus jucundus erat Q. Metello — Numidico; vivebat cum „ Catulis, — a L. Crasso colebatur: Lucullos vero, „ & Drusum, & Octavios, & Catonem, & totam „ HORTENSIORUM domum, devinctam consuetudine cum teneret, afficiebatur summo honore; quod „ eum non solum colebant, qui aliquid percipere atque „ que audire studebant, verum etiam si qui forte simulabant.”

Duodecimum tum HORTENSIUS agebat annum, & Archia in Graecis magistro uti potuit; quin & ab eo etiam illum Poeseos sensum forte hausit, e quo manarunt illa Carmina Amatoria a veteribus laudata.

Quin Graece bene sciverit, mihi dubium non est, cum ob studium hujus linguae, quod Romae eo tempore apud ingenuos & primarios viros maxime invaluerat; tum, ob exempla quae posteris universae suae eruditionis reliquit (3): cum CORRADO (4) igitur non dubitem affirmare, HORTENSIUM bene doctum fuisse.

Scripsit certe ANNALES, qui a VELLEJO PATERCULO (5) laudantur, quod in iis maxime dilucideque retulerit de virtutibus Minatii Magii (6).
An

(2) CICERO Or. pro Archia c. 3.

(3) Errat omnino MORABIN, in libro cui titulus *Histoire de l'Exil de Cicéron* p. 238. putans, HORTENSIUM nullas umquam Orationes evulgasse.

(4) Com. ad Brut. Ciceronis. p. 428.

(5) Hist. Rom. L. II. c. 16. Cf. VOSSIUS de Hist. Latin. L. I. c. 11.

(6) De Minatiis Magiis legatur PIGHIUS Ann. A. 671. III. 255.

An, praeter haec, alia Historica ediderit, non constat. Orationes enim, quas habuit & scripsit, etsi plurima ad hujus temporis cognitionem spectantia continerent, hic in censum non veniunt. Aliud autem opusculum memorat QUINCTILIANUS (1), quod ad Oratoriam artem pertinuisse videtur.

In *Poesi* illum industriam suam, fortasse nimis proccacem, etiam posuisse, plures testantur veteres (2), in primis OVIDIUS: (3)

*Nec minus HORTENSII, nec sunt minus improba Servi
Carmina; quis dubitet nomina tanta sequi?*

Queritur enim OVIDIUS ibi graviter, Q. HORTENSIO, Servio Sulpicio, aliisque Romanis licuisse, impune Carmina Amatoria scribere, cum in se hoc tam crudeliter fuerit punitum.

S. V.

De HORTENSII vero philosophicis studiis non tam benigne judicari potest, ac de ejus eloquentia. In hac enim primo longe superior Cicerone fuit; dein aequalis, tandem post hunc certe secundus; in illa vero minime ad hujus perfectionem accedebat, neque
etiam

(1) *de Inst. Orat. L. II. c. 1. p. 129.*

(2) Loquitur de carminibus HORTENSII, PLINIUS *Epist. L. V. E. 3.* GELLIUS *N. A. L. XIX. c. 9.* invenusta ea fuisse dicit. Meminit & horum poematum VARRO, *de Analogia L. I.* & refert in iis HORTENSII primum dixisse *cervicem*, quod alii *cervices* dicunt. Cf. QUINCTILIANUS *de Inst. Or. L. VIII. c. 3. p. 692.* ibique Regius & Burmannus.

(3) *Trist. L. II. vs. 441.*

etiam videtur in sapientiae studio tamdiu lucubrasse, omnemque laborem consumfisse, quam ille Romanae philosophiae pater. Quod vel ex eo intelligitur, quod Cicero in libris de philosophia, ei accusatoris & *philosophiae vituperatoris* personam dederit.

In tribus enim illis annis quibus Caesar Rempublicam tenuit, Cicero se referens, veluti in portum ad literarum & philosophiae studia, & optimarum artium vias suis tradere civibus constituens, eos cohortatus est ad philosophiae studium eo libro, qui inscriptus est HORTENSIVS: (4) „quamquam *inquit*, philosophiae (5) quidem vituperatoribus, „fatis responsum est eo libro, quo a nobis philosophia defensa & collaudata est, *cum esset accusata* „*ac vituperata ab* HORTENSIO.”

Scripsit autem hunc librum Cicero imitatione Graecorum, qui totam philosophiam conscripturi, praemittere solebant Protrepticon, seu adhortationem ad philosophiam. Hunc librum quidem Cicero, in honorem amici sui defuncti, HORTENSIVM, ab ejus nomine inscripsit. Postea etiam quatuor Academicis libris ostendens (6), „quod genus philosophandi minime „arrogans, maximeque & constans & elegans arbitra-

(4) CICERO *de Divin.* L. II. c. 1. citatur hic liber ab Auctore *Dialogi de causis corruptae eloquentiae* c. 16. & saepissime a NONIO MARCELLO, *de Proprietate Sermonum*.

(5) CICERO *de Finib. Bon. & Mal.* L. I. c. 1. Cf. *Acad. Quaest.* L. IV. c. 2. *Tusc. Quaest.* L. II. c. 2. L. III. c. 3. *Hortensi* Cicero-niani lectione ad sapientiae studium se accensum scribit AUGUSTINUS *Proem. de Vita Beata*, & L. I. c. 10. *de Ordine*. Vid. FABRICIUS *Bibl. Lat.* T. I. c. 8. p. 208. Ed. Ernesti.

(6) CICERO *de Divin.* L. II. c. 1.

„traretur,” in iis iterum loquentem HORTENSIUM induxit (1); ita tamen ut perspicuum sit, hunc minime omnis philosophiae expertem fuisse. Sed plus dabat eloquentiae, ex philosophia autem assumpsit tantum, quantum oratori esset satis; uni Ciceroni gloriam relinquens, eas artes & scientias tam arcto vinculo jungendi, & tam eleganter tenendi, ut tandem in utraque principatum apud Romanos tenuerit.

§. VI.

Quod vero attinet ad HORTENSII eloquentiam; „Attulerat ille, teste Cicerone, (2) minime vulgare genus dicendi: duas quidem res, quas nemo alius: „*partitiones*, quibus de rebus dicturus esset, & „*lectiones*; memor & quae essent dicta contra, quae „que ipse dixisset.”

Genus autem dicendi ei Asiaticum fuit, quod cum etiam senior servasset, neque idem senem decere putaretur, quod in juvene decorum aut saltem excusandum visum fuerat, in eo reprehendi coepit; ut mox videbimus.

Acumen HORTENSII in partiendo laudat etiam QUINCTILIANUS (3); „*ejus tamen, inquit, „divisionem, in digitos diductam, nonnumquam „cero leviter eludit.*” ad quem locum forte minus re-

(1) Cf. CICERO *Epist. ad Att.* L. XIII. Ep. 16. 19. Cf. *Acad. Quaest.* L. IV. c. 2. 3. 9. 19. 48. habitus etiam est dialogus in HORTENSII villa, quae erat ad Baulos.

(2) *Brut.* c. 88.

(3) *de Inst. Orat.* L. IV. c. 5. p. 366

recte referunt Turnebus & Corradus (4) exempla e Ciceronis *Divinatione in Q. Caecilium. c. 13.* & ex *Or. pro Quintio c. 10.* ubi hanc HORTENSII consuetudinem maximis laudibus effert, eamque serio admiratur: „Faciám, *inquit*, (5) quod te saepe animad-
 „verti facere, HORTENSI: totam causae meae di-
 „ctionem certas in partes dividam. Tu id semper fa-
 „cis, quia semper potes; ego in hac causa faciám,
 „propterea quod in hac videor posse facere. Quod
 „tibi natura dat, ut semper possis, id mihi causa
 „concedit, ut hodie possim.”

Non melius, ut mihi quidem videtur, intellexit Corradus id quod dixit CICERO, *attulerat* — *duas quidem res, quas nemo alius*, caet. „Nam, *inquit* CORRADUS (6), Antonius *Libro Secundo de Ora-*
 „*tore* dixit, Rhetores jubere post narrationem caus-
 „sam dividere: quod si Rhetores jam tum jubebant
 „dividere, *non videtur* HORTENSIUS *hoc ipsum*
 „*primus attulisse*: nisi forte melius attulit.”

Equidem alio sensu Ciceronis verba intelligerem, neque tam generaliter, sed magis restricte ad causarum patronos, sive oratores; ut significetur, HORTENSIIUM primum fuisse qui his partitionibus feliciter usus sit in foro: licet enim alii oratores eas bene novissent, non tamen in causis agendis illas tam recte adhibuisse videntur.

§. VII.

(4) in *Comm. ad Brut. p. 428.*

(5) *Or. pro Quintio. c. 10.* NONIUS MARCELLUS *Cap. 4. V pressum*: „Marcus Tullius HORTENSIO: Quis te autem est, aut
 „fuit umquam in partiundis rebus, in definiendis, in explanandis
 „pressior.”

(6) in *Com. ad. l. l. p. 428.*

§. VII.

His vero finibus omnia HORTENSII in eloquentia merita minime absolvuntur. *Pronunciatio* enim five *actio*, quam Demosthenes, teste QUINCTILIANO, (1) in toto dicendi opere primam habuit, itidemque secundam & tertiam, adeo ut eam videri posset non praecipuam sed solam judicasse; illa igitur *pronunciatio* in HORTENSIO fuit perfecta, ut nescires, (2) „ utrum cupidius ad audiendum eum, an ad spectandum concurreretur: sic verbis oratoriis aspectus, & rursus aspectui verba serviebant. Itaque constat, Aesopum & Roscium, ludicrae artis peritissimos viros, illo causas agente, in corona frequenter adstitisse; ut fori petitos gestus, in scenam referrent.”

Aliquando tamen motus & gestus ejus plus artis habuisse dicuntur, quam Oratorem decebat. Pertinet huc impudens L. Torquati dictum, quod GELLIUS (3) refert his verbis: „ quum L. Torquatus, subagresti homo ingenio & infestivo, gravius acerbisque apud consilium judicum, quum de causa Sullae quaeretur, *non jam histrionem eum esse diceret, sed gesticulariam Dionysiamque* eum notissimae saltatriculae nomine appellaret: tum voce molli atque demissa HORTENSIVS, *Dionysia* (4), inquit, *Dionysia* malo equidem esse, quam quod tu, Torquate,

„ εἰς μου-

(1) *de Inst. Or.* L. XI. c. 3. p. 997.

(2) VALERIUS MAXIMUS. L. VIII. c. 10. e. 2.

(3) *Noct. Att.* L. I. c. 5.

(4) De Dionysia, cf. CICERO *Or. pro Roscio Comoedo* c. 8. ibique

„ ἄμεινος , ἀναφρόδιτος , ἀπροσδιόνυστος . ” Quin & in *Verrinis* (5) plura sunt loca ubi CICERO hos nimios gestus & motus perstringit.

Cum autem , mediocris licet oratio , viribus actionis commendata , plus momenti in foro habitura sit , quam optima , eadem actione destituta , (6) & in HORTENSIO illa actio omnibus numeris absoluta fuerit ; hinc nobis explicare licet verba Ciceronis , *cum melius dixisse quam scripsisse* testantis : (7) significat nempe , uti etiam ex iis quae in l. c. praecedunt , intelligere licet , HORTENSII scriptas Orationes legentibus non adeo vehementer placuisse : destitutae quippe illo fascino & vocis & actionis , languidiores apparebant.

Et HORTENSII quidem laudem praecipuam in actione sitam fuisse , existimavit QUINCTILIANUS l. l. ejus rei fidem inde repetens , quod ejus scripta tantum intra famam fuerint : „ qui diu , *inquit* , princeps oratorum , aliquando aemulus Ciceronis existimatus est , novissime , quoad vixit secundus : ut appareat , placuisse aliquid eo dicente , quod legentes non invenimus . Et hercle , cum valeant multum verba per se , & vox propriam vim adjiciat rebus , & gestus motusque significet aliquid , profecto perfectum quiddam fieri , cum omnia coierint , necesse est . ”

Hoc vero de quibusdam HORTENSII Orationibus tantum intelligi debet ; aliud enim plane testimonium , ipse M. Tullius dedit : cum enim *Brutus* dixisset „ HORTENSIO

(5) *Divin. c. 14. Verr. Act. II. L. 3. c. 19.*

(6) Cf. QUINCTILIANUS *Inst. Or. L. XI. c. 3. p. 927.*

(7) CICERO *Orat. c. 38.*

„ T E N S I U M magnum oratorem semper putavi, maxime-
 „ que probavi pro Messala dicentem, cum tu abfuisti.
 „ *Sic ferunt*, respondet Cicero, *idque declarat toti-*
 „ *dem, quot dixit, ut ajunt, scripta verbis ora-*
 „ *tio.*” (1) Quod si verum sit, non justo loco
 ejus scripta aestimare videtur Q U I N C T I L I A N U S,
 neque ei in Ciceronis verbis praesidium ullum quae-
 ri potest; *dicebat melius quam scribebat*, inquit. (2)
 Cum autem diceret post hominum memoriam ante
 Ciceronem perfectissime, potuit quidem remissiori stilo,
 nequaquam vero vel inconcinne, vel male, scripsisse.
 Quin longe magnificentius Ciceronem de H O R T E N -
 S I I scriptis sensisse, manifestum est ex sequenti loco
 e *Bruto*, qui omnes H O R T E N S I I ingenii laudes com-
 plexus, hic omnino negligi non oportet: H O R -
 „ T E N S I U S igitur, *inquit Cicero*, cum admo-
 „ dum adolescens orsus esset in foro dicere, celeri-
 „ ter ad majores causas adhiberi coeptus est; quam-
 „ quam inciderat in Cottae & Sulpicii aetatem, qui
 „ annis decem majores, eccellente tum Crasso & An-
 „ tonio, deinde Philippo, post Julio, cum iis ipsis
 „ dicendi gloria comparabatur. Primum memoria tan-
 „ ta,

(1) C I C E R O *Brut. cap. 96. Adde Brut. cap. 94.* „ Annis H O R -
 „ T E N S I U S ante decem causas agere coepit, quam tu, *Brute*, es
 „ natus. Idem quarto & sexagesimo anno, perpaucis ante mortem
 „ diebus, una tecum focerum tuum defendit Appium. Dicendi au-
 „ tem genus quod fuerit in utroque, Orationes utriusque *etiam*
 „ *posteris nostris* indicabunt.”

(2) Quod melius dixerit quam scripserit, commune habuit cum
Servio Galba. Leg. CORRADUS Quaestura p. 2. ed. Ernesti, ubi idem
 hoc de *Egnatio* refert; de quo conferri merentur B A Y L I U S in *Dict.*
Crit. T. II. in V. & SAXII Onom. Liter. T. III. p. 62.

„ ta, quantam in ullo cognovisse me arbitror, ut,
 „ quae secum commentatus esset, ea sine scripto verbis
 „ eisdem redderet, quibus cogitavisset. Hoc adju-
 „ mento ille tanto sic utebatur, ut sua, & commenta-
 „ ta, & scripta, & nullo referente, omnia adversario-
 „ rum dicta meminisset. Ardebat autem cupiditate
 „ sic, ut in nullo umquam flagrantius studium viderim;
 „ nullum enim patiebatur esse diem, quin aut in foro
 „ diceret, aut medicaretur extra forum: saepissime autem
 „ eodem die utrumque faciebat. Attuleratque minime
 „ vulgare genus dicendi: duas quidem res, quas nemo
 „ alius: partitiones, quibus de rebus dicturus esset,
 „ & collectiones; memor & quae essent dicta contra,
 „ quaeque ipse dixisset. Erat in verborum splendore
 „ elegans, compositione aptus, facultate copiosus:
 „ eaque erat cum summo ingenio, tum exercitationi-
 „ bus maximis consecutus: rem complectebatur memo-
 „ riter, dividebat acute, nec praetermittebat fere
 „ quidquam, quod esset in causa, aut ad confirman-
 „ dum, aut ad refellendum: vox canora, & suavis:
 „ motus & gestus etiam plus artis habebat, quam erat
 „ Oratori satis.” (3)

§. VIII.

Tandem, si rationes quaeramus, cur adolescens ma-
 gis floruerit dicendo quam senior HORTENSIUS,
 has ex ipsis Ciceronis verbis duas potissimum fuisse de-
 prehendimus; „ Primum, *inquit*, (4) quod genus
 „ erat

(3) CICERO in *Brutio* c. 88.(4) *Brut.* c. 95.

„ erat orationis Asiaticum, adolescentiae magis con-
 „ cessum, quam senectuti. Genera autem Asiaticae
 „ dictionis duo sunt: unum sententiosum & argu-
 „ tum, sententiis non tam gravibus & severis, quam
 „ concinnis & venustis; — aliud autem genus est non
 „ tam sententiis frequentatum, quam verbis volucre
 „ atque incitatum. — Haec autem — genera dicendi
 „ aptiora sunt adolescentibus: in senibus gravitatem
 „ non habent. Itaque HORTENSIVS utroque ge-
 „ nere florens, clamores faciebat adolescens. Habe-
 „ bat enim & Menecium illud studium crebrarum ve-
 „ nustarumque sententiarum: in quibus, ut in illo
 „ Graeco, sic in hoc, erant quaedam magis venustae
 „ dulcesque sententiae, quam aut necessariae aut in-
 „ terdum utiles. Et erat oratio cum incitata & vi-
 „ brans, tum etiam accurata & polita. Non proba-
 „ bantur haec senibus. Saepe videbam cum irriden-
 „ tem, tum etiam irascentem & stomachantem Philip-
 „ pum. Sed mirabantur adolescentes, multitudo move-
 „ batur. Erat excellens iudicio vulgi, & facile pri-
 „ mas tenebat adolescens. Etsi enim genus illud di-
 „ cendi auctoritatis habebat parum, tamen aptum esse
 „ aetati videbatur: & certe, quod & ingenii quaedam
 „ forma lucebat, & exercitatione perfecta erat, ver-
 „ borumque adstricta comprehensio, summam homi-
 „ num admirationem excitabat. Sed, cum jam hono-
 „ res, & illa senior auctoritas gravius quiddam requi-
 „ reret, remanebat idem, nec decebat idem: quodque
 „ exercitationem studiumque dimiserat, quod in eo
 „ fuerat acerrimum, concinnitas illa crebritasque sen-
 „ tentiarum pristina manebat, sed ea vestitu illo ora-
 „ tionis, quo consueverat, ornata non erat: hoc tibi
 „ ille, Brute, minus fortasse placuit, quam placuis-
 „ set

„set, si illum flagrantem studio, & florentem facultate,
„audire potuisses.”

Continet autem hic locus, quem ut aptissimum totum descripsi, ipsius C I C E R O N I S sententiam; quod in judicio de H O R T E N S I I eloquentia & gloria forense bene tenendum. Tribuit quidem Cicero, in his Oratoriis libris, H O R T E N S I O, aliisque caussarum patronis, debitam laudem, illumque praeterea prae aliis excelluisse significat, quae tum etiam omnium Romanorum una consentiens vox erat: verumtamen in his exquisitis laudibus & judiciis mihi aliquid inesse videtur, quod declarat, C I C E R O N E M in eloquentia H O R T E N S I U M aemulum habuisse non vulgarem, sed talem, in quo superando omnes vires intendere necesse habuisset.



C A P U T S E C U N D U M.

DE CAUSSIS QUAS EGIT Q. HORTENSIUS.

§. I.

Causas, in quibus Orator noster five actoris five rei partes suscepit, enarraturis, in illis solis industria nostra versari posse nobis videtur, quarum apud vete-

res mentionem aliquam factam esse reperimus. Res enim ipsa clamat, illas perpaucas censendas esse ex immenso numero earum quibus curam suam addixerit vir diligentissimus; qui per totam vitam urbanae sese togae militiaeque dederat; nec magis infitias iverimus, nonnullas forte nostram quoque diligentiam fugisse.

Caussarum ab HORTENSIO actarum sanequam ingentem numerum fuisse, nemini dubium erit, qui cogitaverit, eum primum in foro dixisse undeviginti annos natum, „ cum ejus admodum adolescentis ingenium, ut „ Phidiae signum, simul adspiceretur & probaretur, „ idque a Consulibus Crasso & Scaevola, *qui omnes intelligentia anteibant*: (1) deinde, eum in patronorum numero fuisse annos quatuor & quadraginta.

Huc accedit quod Cicero testatur (2), „ in nullo „ umquam flagrantius studium fuisse, quippe qui nullo „ lum pateretur esse diem, quin aut in foro diceret, „ aut meditaretur extra forum: saepissime autem, eodem die utrumque faceret.” Remisit quidem summum illud studium, quo ab adolescentia fuerat incensus, cum (3) „ post consulatum videret ex consularibus neminem esse secum comparandum, neglectum autem eos, qui consules non fuissent.” Non tamen plane illud omisit: nam deinde ad industriam revocatus est HORTENSIVS, & cum Cicerone, duodecim post hujus consulatum annos, in maximis caussis conjunctissime versatus est, *cum hic sibi illum, ille sibi hunc anteferret*. (4)

Rei

(1) CICERO Brut. c. 64.

(2) Brut. c. 88.

(3) Brut. c. 93.

(4) Brut. c. 94.

Rei enim tum temporis plus uno utebantur causae patrono; (5) saepe quidem *quatuor*, aliquando etiam *sex*, uti M. Scaurus, alique. Post bella civilia vero ante legem Juliam, ad duodenos patronos perventum est. (6) Hi singuli reum defendebant, alii aliam partem accusationis refellentes: & causam, ut videtur, inter se partiebantur ita, ut quisque sumeret eam totius orationis partem, quae maxime esset accommodata, vel suo ingenio, vel suis studiis, vel dignitati quam in Republica tuebatur.

Hac ratione, cum in perorando, ubi plurimum pollet oratio, maximae Ciceronis vires essent, omnes oratores hunc locum ipsi relinquebant, ne HORTENSIO quidem excepto; *qui*, ut Brutus ait, (7) *cum partiretur causas cum Cicerone, semper huic perorandi locum reliquit*. Exempla habemus in causis P. Sextii (8), L. Valerii Flacci (9), P. Sullae, aliorumque.

Quandoquidem vero de quibusdam causis jam egimus *Sectione Priore*, in hoc Capite eas quae supersunt breviter perlustrabimus.

§. II.

Prima causa, quam egit HORTENSIVS, fuit illa
Afri-

(5) Legatur FERRATIUS *Epistolarum* L. I. *Epist.* 6. *de Patronis & Accusatoribus*.

(6) Cf. ASCONIUS PEDIANUS *ad Ciceronis Or. pro Scauro*.

(7) CICERO *Brut.* c. 51. Cf. *Orat.* c. 37.

(8) CICERO *Or. pro Sextio* c. 2.

(9) Cf. *Or. pro Flacco* c. 17.

Africae, quam in Senatu A. U. 658. defendit: (1) haec, ut videtur, erat publica; qua de re autem in illa actum sit, non constat.

Paullo post dixit *pro Rege Bithyniae*, teste Crasso apud C I C E R O N E M, *de Oratore* L. III. c. 61. Scilicet circa A. U. 662, quo dialogus *de Oratore* fingitur habitus, „ cum consul Philippus vehementius invehere-
„ tur in causam principum, & Drusi Tribunatus, pro
„ Senatus auctoritate susceptus, infringi jam, debilita-
„ rique videretur.” (2)

Cn. Pompejum deinde clientem habuit. Hic enim juvenis reus factus erat, non diu post mortem patris Cn. Strabonis, apud P. Antistium Labeonem, A. U. 667. quod nempe in victoria Asculana libros & plagas venatorias munere patris accepisset: quo vero exitu haec causa gesta sit, fusius narrant e veteribus P I G H I U S *Ann. ad h. Ann. T. III. p. 239.* & F R E I N S - H E M I U S *in Supp. Livian. L. 82. c. 24.*

Dixit tum HORTENSIUS cum L. Philippo (3), pro bonis hujus Cn. Pompeji, & *in illa causa adolescens cum esset, princeps fuit.* (4)

Est

(1) C I C E R O *de Or. L. III. c. 61.*

(2) C I C E R O *de Or. L. I. c. 7. Cf. FABRICIUS MARCOD. in Vita Ciceronis ad Ann. 662.* Habitus quidem est dialogus, ludorum Romanorum diebus, qui sunt a pridie Non. usque ad Idus Sept. Cf. *de Or. L. II. c. 3. & FABRICIUS l. l.*

(3) Cf. P L U T A R C H U S *in Vita Pompeji T. I. p. 619. E.*

(4) C I C E R O *Brut. c. 64. Cf. SENECA Contr. L. III. Cont. 17.* In hac causa Pompejo etiam adfuit Cn. Carbo, ille qui ter Consul fuit. Hunc Pompejus, Sullanae factionis sectator, in Sicilia captum, interfici jussit, non sine gravi reprehensione; „ quia tam ingrato facto
„ plus L. Sullae viribus, quam propriae indulgit verecundiae.” V A -

Est hic L. Philippus, qui ab HORATIO (5) dicitur,

*Strenuus & fortis, causisque Philippus agendis
Clarus: — — —*

§. III.

In privata causa P. Quintii cum Cicerone primum in certamen venit HORTENSIVS, Sex. Naevii partes agens in accusando persequendoque P. Quintio.

Hic autem primo M. Junii, deinde Ciceronis auxilium petiit, eoque usus est, uti videmus ex Oratione quae hodieque superest; ex qua discimus causam litis, & quas pro P. Quintio rationes Cicero attulerit. De ipsa causa non est quod multis dicamus, (6) neque de argumentis quae HORTENSIVS forte habuit, ut suae sententiae iustitiam tueretur. Sufficiet ex hac oratione luculenter HORTENSII celebritatem, & in judiciis auctoritatem probasse.

Acta haec causa est A. U. 672. M. Tullio Decula & Cn. Cornelio Dolabella Coss. (7) quum HORTENSII vox plurimorum annorum usu jam in foro confirmata esset, & Cicero quidem probatus esset, nondum tamen cogitaret cum eo de judiciorum principatu

LERIUS MAXIMUS L. V. c. 3. e. 5. Cf. L. VI. c. 2. e. 8.
PLUTARCHUS in Vita Pompeii T. I. p. 623. D.

(5) Epist. L. I. Ep. 7. vs. 46.

(6) Leg. P. MANUTII & HOTTOMANNI Argumen. h. Orationis.

(7) Cf. PIGHIUS Ann. T. III. p. 259.

tu certare. Inde perpetuus ille modestiae color, qui praesertim huic Ciceronis orationi inest, & quo tam egregie HORTENSII laudes & praestantiam in eloquentia effert.

Fatetur enim Cicero, *in initio Orationis*, duas res quae in civitate plurimum possunt, hoc tempore contra se clientemque suum facere, *summam gratiam, & eloquentiam*. „Eloquentia dicit, Q. HORTENSII ne me in dicendo impediat, nonnihil commoveor:” gratiam timebat a Sexto Naevio. „Neque hoc, inquit, (1) tantopere querendum videtur, haec summa in illis esse, si in nobis essent, saltem mediocria; verum ita se res habet, ut ego, qui neque usu fatis, & ingenio parum possim, cum patrono disertissimo comparer.” Queritur praeterea, iniquitate Praetoris accidisse, ut ipse, Quintii defensor, priore loco dicere deberet; HORTENSIIUS vero, cui *summam copiam facultatemque dicendi natura largita erat*, (2) quique accusatoris partes obtinuerat, post se dicturus esset.

Defensus jam antea fuerat Quintius, apud C. Aquilium Gallum, qui iudex in ea causa sedebat cum tribus Jurisconsultis, (3) a M. Junio. Hic & in aliis caus.

(1) Or. pro P. Quintio. c. 1.

(2) Or. pro P. Quintio. c. 2. „quod, inquit, eorum gratia & potentia factum est, qui, quasi sua res aut honos agatur, ita diligenter Sexti. [Naevii studio & cupiditati morem gerunt: & in ejusmodi rebus opes suas experiuntur, in quibus, quo plus propter virtutem nobilitatemque possunt, eo minus, quantum possint, debent ostendere.”

(3) Cf. c. 17. Legatur de C. Aquillio Gallo, Oratio JO. GOTTL. HEINECCII, in Opusc. Var. Syll. Exerc. XXII. p. 766. sqq. Cf. BACHIIUS Hist. Jur. L. II. c. 2. S. 4. §. 40.

caussis exercitatus, & in hac multum & saepe versatus, (4) hoc tempore aberat: ejus igitur absentis vi-ces nunc Cicero supplebat.

Naevius praeter HORTENSIIUM plures alios habebat defensores, homines disertissimos, fortissimos, ornatissimosque civitatis, (5) & inter eos L. Philippum; qui tamen *advocatus*, (6) non vero *patronus* Naevii fuisse videtur. Horum virorum praesentia & auctoritas Ciceronem diffidentiore reddiderant in Quintii causa suscipienda, cum hoc ab eo Q. Roscius peteret. „Diffidebam mehercule, *inquit*, (7) C. „Aquilli, fatis animo certo & confirmato me posse in „hac causa consistere. Sic cogitabam; cum contra „dicturus esset HORTENSIIUS, & cum esset attente „auditurus Philippus, fore, ut permultis in rebus „timore prolaberer. Dicebam huic Q. Roscio, — „mihi perdifficile *esse contra tales Oratores non modo* „*tan-*

(4) Cf. Or. pro P. Quintio c. 1.

(5) Cf. Or. pro Quintio c. 2. & c. 22. „pro me pugnabit L. Phil-
„ippus, eloquentia, gravitate, honore florentissimus civitatis: di-
„cet HORTENSIIUS, excellens ingenio, nobilitate, existimatione: ade-
„runt autem homines nobilissimi ac potentissimi, quorum frequen-
„tiam — non modo P. Quintius, — sed quivis — perhorrescat.”

(6) *Advocatus*, dicitur amicus quem vocamus ad nos, ut eum con-
sulamus de controversiis nostris, quique honoris causa in judicio in
subselliis nostris sedet, aut nobiscum in rem praesentem venit. Leg.
ERNESTI Cl. Cicer. in V. & ad advocare & advocacyem. Ad exem-
pla quae citat addantur haec, CICERO de Or. L. II. c. 70. & 74.
Bruti c. 84. Verr. Act. II. L. 2. c. 30. Or. pro Sulla c. 29. pro Coelio
c. 4. Epist. ad Att. L. I. Ep. 16. ibique CORRADUS Advocatorum
eodem hoc sensu mentio fit apud LIVIUM L. II. c. 55. L. III.
c. 44. & 46. seqq. PLINIUM Epist. L. V. Ep. ult. Cf. MACRO-
BIUS Saturn. L. II. c. 4. Legantur FERRATIUS Epist. L. I. Ep. 3.
p. 12—15. & FR. POLLETI Historia Fori Romani. L. II. c. 1.

(7) Cf. l. l. c. 24.

„ tam causam perorare, (1) sed omnino ver-
 „ bum facere conari. Cum cupidius instaret; ho-
 „ mini pro amicitia familiarius dixi, mihi videri
 „ ore durissimo esse, qui praesente eo gestum agere
 „ conaretur: qui vero cum ipso contenderent, eos,
 „ etiamsi quid antea recti aut venusti habere visi sunt,
 „ id amittere: ne quid mihi ejusmodi accideret, cum
 „ contra talem artificem dicturus essem, me vereri.”

Plura in HORTENSIUM honorifica legantur *h. Orat.*
c. 9. 10. 13. 20 & 26. Cf. de tempore quo hanc Ora-
 tionem habuit Cicero, GELLIUS *N. A. L. XV. c. 28.*
 Legantur CORRADUS *Quaest. pag. 31.* PIGHIUS
A. U. 672. T. III. p. 259. & qui plura loca hujus
 Orationis egregie illustrat, FERRATIUS *Epist. L. I.*
Ep. 2. p. 4. seqq. & L. IV. Ep. 4. p. 246. seqq. in qua
 Epistola disferit, *de Statu Quaestionis in causa P.*
Quintii.

§. IV.

Tres sequuntur causae publicae, in quibus HOR-
 TEN-

(1) Questus scilicet erat HORTENSIUS, hanc causam jam ali-
 quoties actam fuisse, sed priore patrono Junio defendente, num-
 quam perorari potuisse. Cf. *c. 10.* Quod vero M. Junius numquam
 peroravit, non cum Manutio ad *ampliationem judicium* referendum, uti
 docet ERNESTI *ad. Or. pro Quintio. c. 1.* sed ad *tertiam* causam
 differendi judicii, quam *Comperendinationi & Ampliationi* addidit
 FERRATIUS, *Epist. L. I. Ep. 2. p. 7.* „ si nempe Oratorum alteru-
 „ ter non peroraret, neque defensionem Rei maxime patronus con-
 „ cluderet.” Huc refert FERRATIUS verbum DIXI, quo Cicero
Actioni Primae in Verrem finem imposuit, & verba ASCONII PE-
 DIANI ad hanc vocem.

TENSIVS nobilissimos reos, viros in Republica celebres defendit contra accusationes clarissimorum juvenum. Adjuvabatur in his causis ab aliis summis Oratoribus, & plerumque felicissimo cum eventu suos clientes salutis discrimine expedivit.

Meminit harum accusationum ASCONIUS PEDIANUS, ad locum CICERONIS in *Divinatione in Q. Caecilium*, c. 7. ubi Cicero exponit, quare HORTENSIVS peteret, ut Q. Caecilius in Verris accusatione ipsi anteponeretur, his verbis: „atque is (*Hortensius*) „non tam propter Verrem laborat, quam quod eum „minime res tota delectat. Videt enim, *si a pueris* „*nobilibus*, quos adhuc elusit; si a quadruplatori- „bus, (2) quos non sine causa contempsit semper, ac „pro nihilo putavit, accusandi voluntas ad viros fortes, spectatosque homines translata sit, *se in judiciis* „*dominari non posse.*” (3) Ubi Asconius, per pueros nobiles quos adhuc eluserat HORTENSIVS, Ciceronem notasse dicit, *Appium Claudium*, qui Terentium

(2) Quadruplatores erant delatores criminum publicorum, in qua re quartam partem de proscriptorum bonis, quos detulerant, assequabantur, ASCONIUS PEDIANUS ad h. l. alii aliter. Cf. ERNESTI in Cl. Cicer. FACCIOLATUS in Lexic. in Voce. & JOH. MATT. GESNERUS in Lex. in V. memorantur etiam a LIVIO L. III. c. 72. & a SENECA de Benef. L. VII. c. 25. Improbos eos fuisse cives, probatur ex verbis Auctoris ad Herennium L. II. c. 26. Leg. ASCONIUS ad Verr. Act. II. L. 1. c. 8. L. 2. c. 8. FRAN. POLLETUS Hist. Fori. Romani L. IV. c. 2. LIPSIUS ad TACITI Ann. L. IV. c. 20. & BEAUFORT République Romaine T. II. L. V. chap. 5. p. 102.

(3) Cf. Verr. Act. I. c. 12. Act. II. L. 1. c. 22.

tium Varronem; *Caesarem*, qui Dolabellam; & *Scaurum*, qui alterum Dolabellam, accusaverant.

Caeterum hic ASCONII locus, (*ad Div. c. 7.*) nec non alter *ad Verr. Act. II. L. 1. c. 15.* insigni premuntur difficultate: aut enim ipse confundit duos Dolabellas, diverso tempore a diversis accusatoribus in iudicium deductos, aut corrupta sunt verba & accusatorum nomina permutanda, uti docet PIGHIUS *Ann. ad A. U. 675. T. III. p. 281.* ubi *ad Divinationis cap. 7.* pro *significat* & CAESAREM, corrigit SCAURUM; & postea, pro *significare potest sane etiam* SCAURUM, reponit CAESAREM: & *ad Verr. Act. II. L. 1. c. 15.* pro: *inimicos autem accusatoresque Dolabellae* CAESAREM dicit, nam SCAURUS Dolabellam alium accusavit, nec damnare potuit; restituit, *inimicos* — SCAURUM dicit, nam CAESAR Dolabellam alium — potuit: recte quidem uti videtur. Jam breviter de tribus his causis videamus.

§. V.

Prima harum defensionum est illa *Cn. Cornelii Dolabellae*, quem e Cilicia provincia reducem, *repetundarum* accusavit M. Aemilius Scaurus. (1) Hic enim Dolabella, ut videtur, cum suo legato C. Verre, crudeliter & avare Achaïam, Asiam, Pamphyliam, omnes denique, quas attigerat, provincias vexaverat spoliaveratque; quod canit JUVENALIS (2)

In-

(1) Cf. CICERO *Verr. Act. II. L. 1. c. 38.*

(2) *Sat. VIII. vs. 105.*

*Inde DOLABELLA est, atque hinc Antonius, inde
Sacrilegus Verres; referebant navibus altis
Occulta spolia, & plures de pace triumphos.*

A. U. 675, Romam redux, cum a M. Scauro accusaretur, & ab ipso etiam Verre oppugnaretur, HORTENSII opem & facundiam imploravit. Hic quidem in illo periculo etiam Dolabellae affuit, verum non optimo successu: M. Scaurus enim hunc non tantum accusavit, sed & damnavit. (3) *Dolabella*, inquit ASCONIUS PEDIANUS *ad Div. c. 7.*, *damnatus quidem est, non vero quantum oportuit, per HORTENSII gratiam*: qui si reum non potuit absolvere, tamen condemnationem forte leniorem reddidit. Nihil igitur est quare P. MANUTIUS dubitet, M. Scaurum recte ab ASCONIO *l. l.* & *in Comm. ad Act. II. Lib. I. c. 15.* intelligi: etsi enim victor ex judicio discesserit, potuit quidem omnino in aliqua accusationis parte ab HORTENSIO elusus fuisse.

§. VI.

Alter Cn. Cornelius Dolabella, vir Consularis & Triumphalis, (4) accusatus est etiam *repetundarum*, ex Macedonia, a C. Julio Caesare adolescente, A. U. 676. Hic propriae facundiae vim in illa accusatione ex-

(3) Cf. CICERO *Verr. Act. II. L. I. c. 30.* ASCONIUS PEDIANUS *ad l. l.* & *ad frag. Or. pro M. Scauro.*

(4) Cf. PIGHIUS *Ann. 672. T. III. p. 259.* & CICERO *Or. in Pisonem c. 19.*

expresserat (1), eamque multis testimoniis Graecarum civitatum, a reo spoliatarum, instruxerat. Dolabella vero in Cotta & in HORTENSIO, salutis suae tutelae posuerat.

Acta haec causa est post Ciceronis Asiaticam peregrinationem, unde post biennium se receperat: „ & duo
 „ tum, *inquit*, (2) excelebant oratores, qui me
 „ imitandi cupiditate incitarent, Cotta & HORTEN-
 „ SIUS: quorum alter remissus, & lenis, & propriis
 „ verbis comprehendens solute & facile sententiam:
 „ alter ornatus, acer, & non talis, qualem tu eum,
 „ Brute, jam deflorescentem cognovisti, sed verborum
 „ & actionis genere commotior. Itaque cum HOR-
 „ TENSIO mihi magis arbitrabar rem esse, quod &
 „ dicendi ardore eram propior, & aetate conjunctior.
 „ Etenim videram in iisdem causis, ut pro M. Ca-
 „ nuleio, pro Cn. Dolabella consulari, cum Cotta
 „ princeps adhibitus esset, priores tamen agere par-
 „ tes HORTENSIUM. Acrem enim oratorem, in-
 „ censum, & agentem, & canorum, concursus ho-
 „ minum, forique strepitus desiderat.”

In hoc itaque iudicio absolutus est Dolabella (3),
 uti

(1) VALERIUS MAXIMUS L. VIII. c. 9. ex. 3.

(2) CICERO *Brut.* c. 92. ibique CORRADUS p. 441. qui satis multus est in interpretando hoc loco de Cn. Dolabella; etiam vidit, ASCONIUM PEDIANUM sibi non constare, verum se pene affirmare audere dicit, eundem Cn. Dolabellam consularem & triumphalem, a Caesare primum accusatum & absolutum, deinde a Scauro accusatum & damnatum esse.

(3) Cf. ASCONIUS l. l. PLUTARCHUS in *Vita Caesaris* T. I. p. 708. E. SÜETONIUS in *Vita Caesaris* c. 4. initio. Leg. P. L. GHIUS *Ann.* T. III. p. 286.

uti VELLEJUS PATERCULUS ait, (4) *maiorē civitatis favore, quam reis praestari solet*: five illud oratorum eloquentiae, qui pro se dixerant, five civium favori, seu tandem innocentiae suae debuerit.

Defenderunt quoque HORTENSIUS & Cotta M. Canulejum, etiam *repetundarum* reum, uti PIGHIUS (5) suspicatur.

§. VII.

Tertia denique causa est *Terentii Varronis*, quem Appius Claudius, adolescens nobilis, A. U. 678. accusavit apud P. Cornelium Lentulum Suram, eundem, qui postea Catilinae conjurationis focus ex Senatus Consulto strangulatus est. (6) Accusabatur Varro *de pecuniis repetundis*, ex Asia; & ab HORTENSIO Aedile, fratre consobрино (7) defensus, absolutus est.

In hac tamen causa aliquid admisit HORTENSIUS, quod, licet forte non inusitatum fuerit, tamen, ut videtur, ab eo, nimio amore in reum abrepto, insolentius adhibitum est.

Cum enim HORTENSIUS de causa Varronis desperaret, „ hunc metum, teste ASCONIO PEDIAN-
„ NO *ad Divin. c. 7.* (8), adjunxit ad gratiam, ut
„ dis-

(4) *Hist. Rom. L. II. c. 43.*

(5) *Ann. T. III. p. 207.* addit, *si quis tamen aliter velit, non pugna-
bo.* CORRADUS *ad Brut. c. 92. p. 441.* dicit, *historiam quaerendam esse.*

(6) Cf. SALLUSTIUS *Bel. Catil. c. 55.*

(7) Cf. ACRON *Grammaticus ad HORATII Sat. L. II. S. I. vs. 49.*
Leg. PIGHIUS *T. III. p. 299.*

(8) Cf. & *Comm. ad Act. in Ferr. I. c. 12. & ad Divinat. c. 7.* ad
verba, *a pueris nobilibus.*

„ discoloribus ceris insignitas iudices tabellas acciperent, ut timeret unusquisque eorum, ne fidem patrimonii non servasse videretur, si non in tabula, quam unicuique datam meminisset HORTENSIVS, ex nota cerae, scilicet discoloris, absolutum Varro- nem reperiret.”

Attigit hanc rem Cicero in *Divinatione in Q. Caecilium*, referens HORTENSII verba (1) Q. Caecilium accusatorem C. Verri petentis: „ Non enim, inquit, (*Hortensius scilicet*) illud peto, quod foleo, cum vehementius contendere, impetrare, reus ut absolvatur, non peto: sed ut ab hoc potius, quam ab illo accusetur, id peto.” — *et paullo post:*” Et ait idem, ut aliquis metus adjunctus sit ad gratiam, certos esse in consilio, quibus ostendi tabellas velit: id esse perfacile; non enim singulos ferre sententias, sed universos constituere: *ceratam unicuique tabellam dari cera legitima, non illa infami ac nefaria.*”

Cum vero constet, (2) iudices tabellas absolutionis condemnationisve non accepisse a defensore rei, sed, vel a Praetore iudicii, vel extra ordinem a Consule; putat Hottomannus *ad l. Ciceronis l. HORTENSIVM* iudicibus corruptis, alias ministrasse tabellas, parum ab
iis

(1) in *Divin. in Q. Caecilium* c. 7. ibique ERNESTI, qui huius difficilis loci sensum exhibet. „ Mire, uti ASCONIUS PEDIANUS *ad l. l. animadvertit*, ex ipsius HORTENSII persona hoc dicitur, „ quae saepe virtus maxima Ciceronis in huiusmodi allocutionibus invenitur.”

(2) ex CICERONIS *Or. pro Milone* & ASCONIO PEDIANO. Cf. FR. POLLETI *Hist. Fori Rom. L. V. c. 3. p. m. 658.*

ab iis quas a Praetore acceperant dissimiles. P. Manutius vero *ad l. l.* dicit, HORTENSIUM exegisse a iudicibus ceram in tabella discolorem, pro signo promissae voluntatis: quidquid tandem hujus rei sit, absolutus est Terentius Varro.

Causa tamen hujus victoriae omnibus postea cognita fuisse videtur, cum tam aperte & publice a Cicerone memoretur. (3) Caeterum, quum istiusmodi artes eo tempore fatis familiares essent, & alii etiam oratores aliis uterentur modis ad corrumpendos iudices, vel ad protrahenda iudicia; ea ratione, nonnihil fortasse de culpa HORTENSII eximere licebit, qui hic se hominem, neque humani quid a se alienum esse, comprobavit. Minuit vero praeterea HORTENSII culpam, Varronem & eum inter affinitas; accusationis denique acerbitati multum, meo quidem iudicio, detrahendum praeterea est, & propter Ciceronis accusatoris personam, & propter locum & tempus, quo illa in medium sunt prolata.

§. VIII.

In *C. Verris* patrocinio maxime in certamen venit HORTENSIUS Consul designatus, cum Cicerone Aedile designato. (4) Acta igitur haec causa est A. U. 683.

Est autem haec actio famosissima, cum flagitio ipsius rei, tum praesertim insigni eloquentia accusatoris, per cujus scripta, & a temporum injuria feliciter serva-

(3) Cf. *Verr. Act. I. c. 6. Act. II. L. 5. c. 68.*

(4) Cf. CICERO *Brut. c. 92.*

vatas orationes, factum est, ut prae aliis Romanorum Praetoribus, Proconsulibus, caeterisque Provinciarum rectoribus, omnium scelestissimus nobis nunc C. Verres videatur. Equidem in judicando de justitia causarum a Cicerone actarum, homines saepe incaute, semper vero injuste agere arbitror, honestissimam negligentes regulam, quae jubet, & alteram partem audire: quod cum inopia auctorum nunc quidem fieri nequeat, deberet tamen ea cogitatio nos timidiores reddere & modestiores in sententia ferenda; memores praesertim verborum QUINCTILIANI, (1) verissime dicentis:

„ Illud vero utilissimum, nosse eas causas, quarum
 „ orationes in manus sumserimus: & quoties contin-
 „ get, utrimque habitas legere actiones: ut Demo-
 „ sthenis atque Aeschinis inter se contrarias: — Quin-
 „ etiam, si minus pares videbuntur, aliquae tamen ad
 „ cognoscendam litium quaestionem recte requirentur:
 „ ut contra Ciceronis orationes, Tuberonis in Q.
 „ Ligarium, & HORTENSII *pro Verre*. Quinetiam
 „ easdem causas ut quisque egerit, utile erit scire. —
 „ Neque id statim legenti persuasum sit, omnia, quae
 „ magni auctores dixerint, utique esse perfecta.
 „ *Nam & labuntur aliquando, & oneri cedunt, &*
 „ *indulgent ingeniorum suorum voluptati:*”

Haec igitur QUINCTILIANI verba summae hoc loco utilitatis sunt. Quodsi enim, ad cognoscendas litium quaestiones, recte requiruntur ab utraque parte habitae orationes, parum omnino constat, quid de C. Verris accusatione & causa dicendum sit, in qua solum Ciceronem auctorem habemus; atque inde demum colligi potest, quod pondus habeant, quamque fidem mereantur il-
 lac

(1) *de Inst. Orat. L. X. c. 1. p. 883.*

lae in Verris defenforem, passim jactae criminationes.

Licet enim concedamus, atrocia facta, a Cicerone C. Verri objecta, revera ab hoc fuisse perpetrata, longe tamen alia res est in iis, quae de defensore ipsi accusatio-
ni interposuit. Non tantum enim moris erat in ma-
jus omnia extollere, & accusatorie augere rei cri-
mina, scelera, omnia tandem quae in provincia male
gessisset; verum etiam, qui accusatores vehementius
oppugnarent, nihil intactum relinquebant, neque rei
patronos, neque parentes, liberos, uxorem, caet.
Horum igitur minimi errores, & humanae imbe-
cillitates, ut gravissima crimina proponebantur, quo
magis inde justum in reos odium excitaretur.

Totum hoc C. Verris judicium perscripsit, & ex
CICERONIS Orationibus, ut & ex ASCONII PE-
DIANI *Commentario*, diligenter constituit MIDDLE-
TONUS: (2) de eo igitur non multis agam, breviter
tantum referam quae ad HORTENSIUM pertineant.

§. IX.

Huc igitur referendum, quod ASCONIUS ad ratio-
nes, quae Ciceronem permovisse dicuntur, ut Siculo-
rum causam ageret, addit: (3) „ Accessit his, non
„ ignobilis futura de Verre victoria, quia a Metellis,
„ Scipionibus (4), & multis aliis nobilibus viris, &
„ prae-

(2) in *Vita Ciceronis* T. I. S. 2. p. 79 — 108.

(3) *Arg. Divinat. in Q. Caecilium*.

(4) Cf. *Act. II. L. 4. c. 36.* ibique P. MANUTIUS. His de-
fenforibus addatur L. SISENNA, uti vidimus h. *Secl. c. I. §. 3. p. 107.*
De Metellis peculiaris est Epistola FERRATII, *Epist. L. III. Ep. 14.*

„*praecipue ab HORTENSIO ipso defenderetur; facile & principe in Senatu propter nobilitatem, & in foro ob eloquentiam rege causarum, & eodem consule designato cum Q. Metello fratre Metellorum, alterius Praetoris Siculi, alterius Praetoris Urbani.*”

Nec tamen putandum, ob hanc C. Verris defensionem bonorum amicitiam erga HORTENSIUM refrixisse: vivebat enim in ea civitate „in qua nemini umquam infimo, majores patronum deesse voluerant: (1) & in qua haec a majoribus tradita erat disciplina, ut nullius amicitia quis ad propulfanda pericula impediretur.” (2)

Rei nempe saepissime suas causas ipsis accusatoris amicis orandas committebant, qui tum contrarias partes agentes, mutuam amicitiam familiaritatemque suis defensorum officiis postponentes, sese invicem aliquando acerbius in his orationibus proscindebant, aliquando ridebant; cujus quidem rei luculentum exemplum est in CICERONIS *Oratione pro L. Murena* (3), qui in iudicium deductus a Catone & Servio Sulpicio, defensus est ab horum amicis, Cicerone, HORTENSIO, & Crasso.

Majorem jam nunc, contra HORTENSIUM dicturus, sui fiduciam habebat Cicero, quam in Quintiana causa, uti vidimus; unde etiam haec adversario Q. Caecilio objicit. (4) „Nunc ne illud quidem cogitas, tibi cum homine disertissimo (HORTENSIO) & ad dicendum paratissimo, futurum esse certamen: „ qui-

(1) CICERO *Or. pro Murena*, c. 4.

(2) CICERO *Or. pro Sulla*, c. 17.

(3) *Leg. MIDDLETON. in Vita Ciceronis T. I. S. 3. p. 196. segg. Cf. Cl. OTTO l. l. c. 10. §. 3. Thes. Jur. OTTONIS. T. V. p. 1621.*

(4) *Cf. Divinationis in Q. Caecilium. c. 13. & 14.*

„ quicum modo differendum , modo omni ratione
 „ pugnandum certandumque sit? *Cujus ego ingenium*
 „ *ita laudo , ut non pertimescam , ita probo , ut me*
 „ *ab eo delectari facilius , quam decipi putem posse.*
 „ Numquam ille me opprimet consilio: numquam ullo
 „ artificio pervertet: numquam ingenio me suo labe-
 „ factare atque infirmare conabitur: novi omnes homi-
 „ nis petitiones rationesque dicendi: saepe in iisdem ,
 „ saepe in contrariis causis versati sumus. Ita contra
 „ me ille dicet , quamvis sit ingeniosus , ut nonnullum
 „ etiam de suo ingenio iudicium fieri arbitretur. —
 „ Vide modo: etiam atque etiam considera; mihi enim
 „ videtur periculum fore , ne ille non modo verbis te
 „ obruat , sed gestu ipso ac motu corporis perstringat
 „ aciem ingenii tui , teque ab institutis tuis cogitationi-
 „ busque abducatur.” Ex quo loco abunde apparet,
 quale iudicium de suo , deque HORTENSII ingenio
 ferret Cicero , fatis omnino honorificum.

§. X.

Caecilio victo , accusatio Ciceroni delata est , qui
 mox totam provinciam Siciliam peragravit , ut literas
 in C. Verrem colligeret & testimonia denunciaret. In-
 de redux , cum reum elapsurum videret patrocínio
 HORTENSII & Metellorum , si in sequentem annum
 iudicium protraheretur , modum dicendi mutavit , per-
 petuam orationem in aliud tempus reservavit , (5)
 & brevi oratione totam causam complexus est.

Tan-

5) Cf. QUINCTILIANUS *Inst. Orat.* L. VI. c. 5. p. 575.

Tangit Cicero in ea actione Verris avaritiam, (1) ingenia & auctoritatem *defensorum*, (2) & festive narrat, quomodo Verres primo afflictus, dein recreatus fuerit, postquam HORTENSIUM Consulem designatum cognovisset; (3) sperabat enim nihil eo invito fieri, & in hujus potestate moderationeque omnia verti.

Causa breviter exposita, accusationeque primae Actionis constituta, testes & literas publicas privatasque protulit Cicero; in quibus audiendis & praelegendis plures dies consumti sunt: ita ut haec actio multis diebus celebrata sit: *qua arte*, ut ASCONIUS PEDIANUS (4) dicit, *ita est fatigatus HORTENSIUS, ut nihil, contra quod diceret, inveniret.*

Explicant vero hunc locum duo alii ejusdem ASCONII; ubi narrat HORTENSIUM, tacente Cicerone, orationis non habuisse potestatem: „non ergo, „*inquit* (5), defendere Verrem non ausus est, sed, „quia non poterat ut volebat, in totum praetermisit „HORTENSIUS.” Testibus enim ad unumquodque

(1) *Act. I. c. 3.*

(2) *Act. I. c. 6. ibique ASCONIUS PEDIANUS.*

(3) „Nam ut HORTENSIUS Consul designatus, domum deducatur e campo, cum maxima frequentia ac multitudine: fit „obviam casu ei multitudini C. Curio: — videt ad ipsum fornicem „Fabianum in turba Verrem; appellat hominem, & ei voce maxima gratulatur victoriam: ipsi HORTENSIO, qui Consul erat „factus, — verbum nullum facit: cum hoc consistit, hunc amplexatur, hunc jubet sine cura esse. *Renuncio*, inquit, *tibi, te hodiernis „comitiis esse absolutum.*” *Verr. Act. I. c. 7.*

(4) *in Argum. Act. I. in Verrem.*

(5) *ad Act. II. L. 1. c. 11.*

que crimen expositum productis, (6) „ adeo stupe-
 „ factus HORTENSIVS dicitur, ut rationem defen-
 „ sionis omitteret: adeo percussus Verres, ut abiret
 „ in exilium sua sponte:” quod etiam CICERO (7)
 dicit; *nobis pro familiari reo summus orator non re-
 spondit HORTENSIVS.*

PLUTARCHVS etiam refert, (8) HORTEN-
 SIVM rectam & plenam defensionem Verris non fusti-
 nuisse, verum ut ei adesset in litis aestimatione, addu-
 ctum esse: τοῦ δὲ ῥήτορος Ὁρτησίου τὴν μὲν εὐθεΐαν τῷ
 Βέρρῃ συνειπεῖν μὴ τολμήσαντος, ἐν δὲ τῷ τιμῆματι πει-
 σθέντος παραγενέσθαι. Addit eodem hoc loco PLUT-
 ARCHVS Ciceronis jocum in HORTENSIVM, qui
 a Verre acceperat aeneam vel eburneam Sphingem pretio-
 sissimam; HORTENSIO enim in iudicio dicente, se
 quaedam ab accusatore dicta non intelligere, eaque
 aenigmata esse, Cicero respondit; *atqui debes, cum
 Sphingem domi habeas.* (9). Hanc quidem a C. Verre
 acceperat ut munusculum, non tamen, ut ideo contra
 legem Cinciam (10) peccasse dici possit.

Ver-

(6) *ad finem Act. I. in Verrem.*

(7) *Orat. c. 37. Leg. SEB. CORRADUS Quaest. p. 53.*

(8) *in Vita Ciceronis T. I. p. 864. C.*

(9) Legatur de eodem Ciceronis joco QUINCTILIANVS
Inst. Orat. L. VI. c. 3. p. 563. PLINIUS Hist. Nat. L. XXXIV.
c. 8. ait: „ Signis, quae vocant Corinthia, plerique in tantum ca-
piuntur, ut secum circumferant, sicut HORTENSIVS Orator Sphin-
gem Verri reo ablatam.” caet.

(10) *Lex Cincia lata est A. U. 549. a M. Cincio Alimento, de do-*
nis & muneribus, ne quis ea ob causam orandam caperet. TACITVS
Ann. L. XI. c. 5. Est vero de hac lege omnino commendandus FR.
BRUMMERI Commentarius ad Legem Cinciam. Leg. BACHIVS
Hist. Jur. L. II. c. 2. S. 1. §. 34.

Verre igitur sponte in exilium profecto, nihil amplius in judicio gestum est: multo minor tamen pecuniae summa ab eo repetita est (1), quam primo in *Divinatione* (2) se petiturum denunciaverat Cicero, „ad gratiamne „HORTENSII, an suam, an etiam conniventia ipsius Ciceronis, parum comperimus,” ut ait ASCONIUS, (3) qui etiam addit, „Ciceronem finxisse, Verrem *comperendinationi* (4) praesto fuisse, ut bis defensus, „accusaretur iterum. Metuebat enim, ne tantum negotium poene tacitum praeteriret.” Cum Secundam igitur, quam habemus, Actionem, tantummodo scripserit Cicero, ut civibus suis exemplum relinqueret, quid in hoc quoque eloquentiae genere praestare posset, temere omnino mihi agere viderer, si ex his libris constituere & colligere vellem, probabilem HORTENSIANAE defensionis ordinem & rationem (5): aliquando tamen in iis memorat quaedam HORTENSII dicta ad Primam Actionem, quae majorem fidem merentur. Cf. *Act.* II.

(1) Cf. *Act.* I. c. 18. in fine.

(2) *Divinatio* dicitur, secundum ASCONIUM PEDIANUM „quia „non de facto quaeritur & conjectura, sed de futuro, quae est divinatio, uter debeat accusare.” *Arg. Divin. in Q. Caecilium*, ubi & aliorum opiniones retulit. Legatur GELLIIUS N. A. L. II. c. 4. Cf. FR. POLLETUS *Hist. For. Rom.* L. IV. c. 2. initio.

(3) ad fin. Actionis I.

(4) Legatur omnino FERRATIUS *Epist.* L. I. Ep. 9. quam de *comperendinatione* inscripsit, pag. 36 — 39. Contendit ibi, contra Sigonium, Manutium, aliosque, in utraque Actione, in quaestionibus de Repetundis, primum dicendi locum datum fuisse accusatori, defensori postremum.

(5) Huc facere possunt L. I. c. 9. L. 2. c. 72. 78. L. 3. c. 3. 28. 78. 95. L. 4. c. 4. L. 5. c. 1. 9. 13. 18. & alia.

II. L. 1. c. 28. ibique ASCONIUS. L. 1. c. 58.
L. 2. c. 64. L. 5. c. 59.

§. XI.

De caussa *Rabirii* vidimus *Sectione Priore* §. 19. (6)
Hanc cum Cicerone ita est partitus HORTENSIUS,
ut illi perorandi locum reliquerit. In ea etiam usus est
maximis miserationibus, etsi T. Labienus ejus diligen-
tiae temporis angustiis obstiterat, eumque ex com-
parato & constituto spatio in semihorae curriculum
coegerat. (7) HORTENSII oratio diu superstes fuit,
citatur enim apud CHARISIUM. (8)

Perorationem iterum Ciceroni demandarunt HOR-
TENSIVS, & M. Crassus, in caussa L. Murenæ,
quem Consulem designatum defenderunt, contra accu-
sationem Servii Sulpicii. Hic enim victus in petitione
consulatus L. Murenam *ambitus* accusaverat, & subscri-
ptores habebat M. Catonem, Cn. Postunium, & Serv.
Sulpicium adolescentem.

Murena, qui in bello Mithridatico, L. Lucullo lega-
tus fuerat, (9) ad Ciceronem & HORTENSIUM con-
fugerat, ut hi clarissimi & eloquentissimi viri eum hoc
periculo liberarent. Hi itaque majorum institutis ob-
secuti reum susceperunt; neque amicitia, quae eos
inter & accusatores, Sulpicium & Catonem, intercedebat,
facere potuit quominus L. Murenam defenderent:
„ Ete-

(6) Leg. MIDDLETON in *Vita Ciceronis* T. I. S. 3. p. 162. *segg*

(7) CICERO *Or. pro Rabirio* c. 2. ibique P. MANUTIUS.

(8) SOSIP. CHARISIUS *Inst. Gram.* L. 2. p. m. 123. „ Cica-
„ tricum non citatricium. HORTENSIUS *pro C. Rabirio*. Cicatricum
„ mearum, quod emendate dictum est.”

(9) CICERO *Or. pro Murena* c. 9.

„ Etenim, *dicit CICERO ad Sulpicium*, (1) si me
 „ tua familiaritas ab hac causa removisset, & si hoc
 „ idem Q. HORTENSIO, M. Crasso, clarissimis vi-
 „ ris, si item caeteris, a quibus intelligo tuam gratiam
 „ magni aestimari, accidisset: in ea civitate Consul
 „ designatus defensorem non haberet, in qua nemini
 „ umquam infimo majores nostri patronum deesse vo-
 „ luerunt.”

HORTENSIVS Murenam defendit de prima actione,
 M. Crassus de secunda, Cicero vero de tertia; quae tres
 actiones, pro illius temporis more, in causis orabantur.
 De HORTENSII oratione honorificum est PLUT-
 ARCHI testimonium, his verbis: (2): Δικιννίῳ δὲ
 Μουρήνῳ Φεύγοντι δίκην ὑπὸ Κάτωνος, βοηθῶν καὶ φιλοτι-
 μούμενος Ὀρτήσιον ὑπερβάλλειν εὐημερήσαντα, μέρος οὐ-
 δὲν ἀνεπαύσατο τῆς νυκτὸς, ὥς ὑπὸ τοῦ σφόδρα φροντίσαι
 καὶ διαγρυπνῆσαι κακωθεὶς, ἐνδεέστερος αὐτοῦ φανῆναι.
id est: „ L. Murenam, quem accusavit Cato, Cicero
 „ defensurus, totam noctem lucubravit, dum HOR-
 „ TENSIVM contendit, *cujus mire placuerat ora-*
 „ *tio*, superare: ut prae nimia sollicitudine & vigiliis ita
 „ affecerit valetudinem, ut concedere illi videretur.”

His igitur studiis & patronorum laboribus etiam tri-
 buendum, quod Murena absolutus fuerit. Qua festivi-
 tate & suavitate in illa defensione usus sit Cicero, testis
 est ipsa oratio, in qua contentio Jurisconsulti cum Im-
 peratore, & illa reprehensio juris scientiae & discipli-
 nae Stoicorum, jucundissima est. *Ingeniosissimus autem*

3

(1) l. l. c. 4.

(2) in Vita Ciceronis T. I. p. 378. D.

Et copiosissimus HORTENSIUS, multa quidem a sua parte gravissime dixit. (3)

§. XII.

L. Licinio Murena & D. Junio Silano Consulibus, A. U. 691. majus adhuc dedit HORTENSIUS exemplum pietatis & verecundiae, quam in servandis & obeundis oratorum officiis sequebatur. Defendit enim P. Sullam, uti vidimus *Sectione Priore* §. 20. etiam si hic accusaretur a filio summi ejus amici L. Torquati, & accusaretur quidem de conjuratione contra salutem Reipublicae, vitamque Consulis L. Torquati, facta. (4) Hac in causa HORTENSIUS iterum primas partes egerat, Cicero perorationem in se susceperat; in qua cum accusator dixisset, Sullam (5) sibi numquam restitutum fuisse, sed indicta causa abiturum, nisi Cicero eam recepisset: „ Si jam, *respondet* CICERO, (6) hoc tibi concedam, Q. HORTENSIUM, tanta gravitate hominem, si, hos tales viros non suo stare judicio, sed meo: si hoc tibi dem, quod credi non potest, nisi ego huic adessem, hos adfuturos non fuisse: uter tandem rex est, isne, cui innocentes homines non resistunt, an is, qui calamitosos non deferit? ” Facet
tus

(3) CICERO *Or. pro Murena. c. 23.*

(4) Cf. SALLUSTIUS *Cat. 18.* & CICERO *Or. pro Sulla. c. 18.*

(5) Caesaris partes postea in bello Civili secutus est Sulla, & legatus sinistro cornu, in pugna ad Pharsaliam praefuit. *Leg. CAESAR. Comm. Bel. Civil. L. III. c. 51.*

(6) CICERO *Or. pro P. Sulla. c. 7.*

tus nempe esse voluerat accusator, juvenis Torquatus, & Ciceronem cum Tarquinio & Numa, tertium *peregrinum regem* dixerat.

Ex eadem *Oratione pro Sulla* c. 2. porro conficitur, HORTENSIUM aliquando etiam defendisse *L. Varguntejum* Senatorem (1); eundem, qui postea Ciceronem in lectulo interficere voluit: nempe Senatusconsulto de conquirendis Catilinae conjurationis fociis facto, cum plurimi cives essent accusati, atque ita de plerisque hoc certum & probatum videretur, ut nemo iis affuerit. „Quis nostrum, inquit CICERO l. l. adfuit „Varguntejo? nemo: *ne hic quidem* Q. HORTENSIUS, praesertim qui illum solus antea de ambitu „defendisset.” Quod cum unicum hujus judicii sit testimonium; ignoramus penitus, quo anno, quave occasione, de ambitu *L. Varguntejus* sit accusatus, & ab HORTENSIO defensus.

§. XIII.

De *L. Valerii Flacci* judicio, in quo tam amice de Ciceronis Consulatu locutus est HORTENSIVS, vidimus *Seet. I. §. 27.* In ea priores partes agere iterum huic obtigit, & *copiose & subtiliter* de multis criminibus differuit, (2) quae Flacco objiciebantur; de aliis vero sic respondit, ut omnem dubitationem solvisse diceretur. (3)

Quis autem fuerit alter ille *Valerius*, quem eodem
anno

(1) Leg. SEB. CORRADUS *Quaest. p. 132.*

(2) *Or. pro Flacco. c. 17.*

(3) CICERO l. l. c. 23.

Anno 694. absolutum legimus (4), defendente HORTENSIO, dubitatur: (5) & teste ERNESTO, (*in Cl. Ciceroniana in Voce*) incertum est, sitne idem ille L. Valerius Flaccus, de quo modo vidimus, an Valerius Messala Niger, Consul anni superioris, an tandem Valerius Jurisconsultus, cujus quidem cognomen nulum cognoscitur.

Cum de *P. Sextii* causa satis viderimus, *Sect. I. §. 37.* pergimus ad A. U. 699. quo tres causas memoratas reperimus, *Scauri, Plancii, & Procilii.*

§. XIV.

M. Scaurus A. U. 698. ex Praetura Sardiniam obtinuerat; & in ea neque satis abstinenter se gessisse existimatus est, & valde arroganter. Quum igitur Romam rediisset, querentibus Sardis *repetundarum* postulatus est, apud M. Catonem Praetorem.

Magnam in eo periculo fiduciam Scaurus tum posuit in Pompeji dignitate, & in facundia patronorum, quos praeter consuetudinem sex habuit, & inter eos M. Marcellum, M. Calidum, M. Ciceronem, & Q. HORTENSIUM. Laudaverunt eum praeterea Consulares novem, primarii viri, L. Piso, L. Volcatius, Q. Metellus Nepos, M. Perpenna, L. Philippus, M. Cicero, Q. HORTENSIUS, P. Servilius Isauricus pater,
Cn.

(4) Cf. CICERO *Epist. ad Att. L. II. Ep. 3.* ibique *Corradus, Manutius, Popma*, aliique.

(5) Cf. C. M. WIELAND *in Vers. Epist. Ciceronis L. I. Ep. 27. p. 126. T. I. p. 331.*

Cn. Pompejus Magnus. (1) Horum tamen magna pars per tabulas laudaverunt, (2) quia aberant. HORTENSIUS vero & Cicero id coram fecisse existimandi sunt, cum praesentes fuisse videantur, causam ipsam acturi. Videtur etiam Scaurus, his auxiliis instructus & recte usus. absolutus esse. Legatur ASCONIUS PEDIANUS *Com. ad Fragm. Cicer. Or. pro M. Scauro.*

Quod HORTENSIUS Cn. Plancium, Aedilem creatum, defenderit, affirmat P. MANUTIUS *ad Ciceronis Or. pro Plancio cap. 15.*

De Procilii & Milonis causis supra vidimus; ad hanc vero notandum, Milonem etiam videri sex patronis fuisse usum: Q. HORTENSIUS paucissima tantum dixit, teste ASCONIO PEDIANO *in Argum. Or. pro Milone*, quod intelligendum videtur de brevi compendiosaque defensione.

His tandem addantur Orationes pro Valerio Messala, & pro Appio Claudio Pulchro, de quibus satis abunde egimus *Sectione Priore*, ut plane supervacaneum videatur, plura de his causis hoc loco addi.

CA-

(1) „Unus praeterea adolescens laudavit, frater ejus Faustus Cornelius, Sullae filius.” ASCONIUS PEDIANUS *ad Ciceronis Or. pro M. Scauro.*

(2) *Laudatores*, viri plerumque erant graves & nobiles, qui in judiciis cum Advocatis & Patronis aderant miseris reis, ut horum facta & merita illustrarent & ornarent; eorum legitimus quasi consuetudinis numerus fuit decem. CICERO *Verr. Act. II. L. 5. c. 22.* ASCONIUS PEDIANUS *ad Frag. Or. pro Scauro*; absentes per tabulas laudasse videntur. Cf. DE BEAUFORT *République Romaine L. V. c. 5. p. 108.* & FR. POLLETUS *Hist. For. Rom. L. II. c. 4.*

C A P U T T E R T I U M.

DE AEMULATIONE HORTENSIUM INTER
ET CICERONEM.

§. I.

De quaestione, utrum aemulatio, quae obtinuit inter hos duos primarios viros, justis semper fuerit circumscripta limitibus, an vero latius prolata, & in odium tandem conversa sit, diversae, imo plane contrariae sunt Virorum Doctorum sententiae. Sunt enim qui eos huic aemulationi nimium indulgisse dicant, uti TUNSTALLUS (3) & CORRADUS, (4) quorum hic etiam ulterius progressus profitetur, „ se facile „ posse probare, non obrectationem modo, sed odium „ etiam, invidiam & simultatem, sed tamen occultam, inter eos intercessisse: ”

Alii vero, quorum e numero praecipui sunt VOSSIUS, (5) BAYLIUS, (6) MIDDLETONUS, (7) &

(3) *Epist. ad Middletonum* p. 35 — 38.

(4) *Comm. ad Brut.* p. 6.

(5) *Inst. Or. L. II. c. 4. §. 4.*

(6) *Lect. Hist. Crit. in V. not. H.*

(7) *in Vita Ciceronis T. II. S. 7. p. 52 — 54.*

& patruus meus JO. LUZACIUS, (1) benignius judicium de horum clarissimorum virorum amicitia, conjunctis studiis, ac leviori nonnullis in rebus dissensione, tulerunt. Credunt enim, inter Ciceronem & Hortensium amicitiam & familiaritatem fuisse haud vulgarem, eam vero pro varia temporum conditione, & diverso utriusque de iis sensu, nonnihil aliquando refrixisse; minime tamen ut inde invidia vel odium ortum esse dici possit: & omnino assentimur BAYLIO, judicanti, magis mirandum esse, hos praeclaros viros tot ac tanta sibi invicem dedisse amicitiae documenta, quam hanc ipsam non semper intactam & constantem fuisse.

Re igitur accuratius considerata, non dubitamus cum VOSSIO l. l. negare, „ quicquam adferri posse, unde „ colligatur, Ciceronem male voluisse Hortensio, aut „ quicquam sinistrae de eo suspicionis concepisse, „ praeterquam in exilio.” Verum de hoc vitae Hortensii loco, & in genere, de diversitate sententiarum Hortensii & Ciceronis quod ad res publicas, copiosius egimus in *Sectione Priore*, ibique vidimus, quae ratione hi optimi cives, diversis principiis imbuti, semper tamen ad salutem & felicitatem Romanae Reipublicae promovendam, omnes suas actiones cogitationesque intenderint & direxerint; verbo tamen hic quaedam addam.

Et quod de diversis principiis, quibus Cicero & Hortensius imbuti fuerint, diximus, intelligendum est de modo & ratione, qua uterque ad Rempublicam access-

(1) in *Diss. Inaug. contin. Obs. Apolog. pro Jureconsultis Rom.* Cap. III. §. 9 — 12.

cessit. Hortensius, genere illustri & nobili ortus, cujusque parentes & proavi summis functi erant honoribus, optimatum partibus ab initio addictus erat: Sullam secutus, hujus favore, ut videtur, primum gradum honoris, Quaesturam, adeptus erat, & deinde ab ejus liberalitate, ex proscriptorum bonis, magnas forte acquisiverat possessiones. Cicero contra, non tam nobilitate gentis illustris & clarus, populi beneficiis, ingenii sui praestantiae, & indefesso labori & industriae, omne, quod quidem habuit, debuit. Inde Hortensium fere semper pro Patriciis & Sullana factione regiminisque forma pugnasse, Ciceronem magis populo ac plebejis favisse, animadvertimus.

Haec vero opinionum diversitas, quae odii & invidiae fatis frequens causa esse solet, in Hortensio & Cicerone tristes illos effectus non habuit. Utrique enim cognitus erat alterius sincerus amor patriae, cui quidem pro sententiarum differentia, diversis modis ab utroque prospiciebatur.

Hortensius, octo annis Cicerone major, in rebus publicis jam valde erat versatus, cum ad eas primum accederet Cicero; Aedilitatemque nactus erat eo anno quo huic Quaestura obtigit. Tum primum in dignitatibus ambo constituti, potuerunt rebus & factis se invicem juvare, & ad quodque praeclarum excitare & incendere.

Quod uterque militiam per aliquot annos coluerit, Hortensius, uti vidimus, in Bello Sociali, Cicero etiam sub Cn. Pompejo Strabone, Pompeji Magni patre, pertinet universe ad omnium illustrissimorum juvenum Romanorum consuetudinem, non ad singularem Hortensii, vel alterius praeclari viri, imitationem.

§. II.

A Ciceronis Quaestura igitur initium eorum aemulationis in Republica videtur ducendum. Habebat hic enim Hortensium, cum quem ad imitandum & superandum sibi in eloquentia proponeret, tum quem sequeretur in addiscenda gubernandi arte. Jacto sic itaque per Quaesturam gloriae fundamento, Hortensium per sequentes & consuetos honoris gradus secutus Cicero, Aedilitatem, Praeturam, Consulatumque tandem obtinuit, suo quemque anno.

Eadem ratione, qua inceperant, in Republica tum conjuncti vixerunt, ut quisque suas partes fideliter tueretur, Hortensius ambitiosiores Optimatum & Patriciorum, Cicero magis populares. Inde hic ab illo dissensit in causa Q. Opimii, & in rogationibus Gabinii & Manilii; quae quidem Ciceronis Oratio pro Lege Manilia, optimum exemplum videtur diversae sententiae cum singulari humanitate propositae. Hortensius enim & Catulus, legis dissuasores, in ea sic proponuntur & oppugnantur, ut gloriosior haec videatur Ciceronis refutatio, quam aliorum laudatio.

Ad summum igitur honoris gradum cum pervenisset Cicero, Hortensium sibi magis adhuc, quam antea, devinxit, laude suarum rerum praeclarissime gestarum; licet, ut ipse testatur, (1) hic suus Consulatus Hortensium primo leviter perstrinxisset; quod intelligendum non magis de Hortensio, quam de omnibus nobilibus, qui plerumque Ciceroni, ut homini novo, adversabantur.

(1) Brut. c. 94. Ibiq. S. E. CORRADUS. pag. 459.

tur. Si igitur aliquid fuit, quod Hortensius in initio Consulatus Ciceronis minus probaret, hoc plane fustulerunt egregia illa facta & merita, ob quae

Roma patrem patriae Ciceronem libera dixit. (2)

Etenim Hortensius hunc admiratus fuerat saepe in difficillimis rebus, in quibus tum sibi solerti prudentia ab omnibus insidiis caveret, tum constantia admirabili malevolorum machinationibus resisteret: verum nihil prudentius, nihil constantius excogitari poterat, quam illius pestis Catilinae conjurationis depulsio, qua civitati veram libertatem, & bonis civibus securitatem felicitatemque reddidit,

— — — *Romani maximus auctor,
Tullius, eloquii, cujus sub jure, togaque,
Pacifacas saevus tremuit Catilina secures. (3)*

Post hoc itaque tempus quam familiarissime videntur vixisse, & in gravissimis publicis rebus simul egisse, quo in primis refero C. Rabirii defensionem, ex qua tam insigniter Reipublicae salus tum pendere Ciceroni visa est. „Non enim, *inquit*, (4) non invidia vitae,

(2) JUVENALIS *Sat.* VIII. vs. 244. etiam CICERO *Philipp.* II. c. 5. „placuit, *inquit*, meus consulatus P. Servilio, — Q. Lutatius Catulo, cujus semper in hac republica vivet auctoritas: placuit „duobus Lucullis, M. Crasso, Q. HORTENSIO, C. Curioni, M. „Lepido, C. Pisoni, caet.” Cf. ABRAMUS *ad h. l.* Legatur SEE. CORRADUS, *Quaest.* pag. 83.

(3) LUCANUS *Phars.* L. VII. vs. 62.

(4) CICERO *Or. pro C. Rabirio.* c. 1. & 2.

„tae, non denique veteres, justae, gravesque inimi-
 „citiae civium, Rabirium in discrimen capitis voca-
 „verunt: sed ut illud summum auxilium majestatis
 „atque imperii, quod nobis a majoribus est traditum,
 „de Republica tolleretur: ut nihil posthac auctoritas
 „Senatus, nihil consulare imperium, nihil consensio
 „bonorum contra pestem ac perniciem civitatis vale-
 „ret, idcirco unius hominis senectus, infirmitas, fo-
 „litudoque tentata est.”

Neque in caussa violatorum a Clodio Bonae Deae Sa-
 crorum a Cicerone plane discessit, omnino cum eo sen-
 tiens, scelestissimum Clodium gravissimas poenas meruis-
 se, quamquam de modo ac ratione puniendi differret.

Odio vero ductus nimis properaverat Hortensius hanc
 rem in judicium deducere, in quo forte minus pruden-
 ter egit; unde & consilium hoc a Cicerone reprehen-
 sum videmus. Sed de hoc loco, ut & de aliis ejusdem
 temporis criminationibus, latius vidimus *Priore Seccio-
 ne*. Hic igitur addere sufficiat, in Ciceronis verbis ad
 Atticum scribentis, vix ullum quaeri posse argumen-
 tum, quo aliqua remissio amicitiae probetur, quod ad
 hanc quidem Hortensii vitae partem.

§. III.

Praecipua vero argumenta perfidiae & invidiae Hor-
 tensii in Ciceronem, ab hujus exilio repetenda esse, pu-
 taverunt recentiores: in eo ubique simultatis vestigia
 sibi deprehendere visi sunt. Hic aperta, ajunt, adsunt
 indicia, differtissimaque ipsius Ciceronis testimonia.
 Verum enimvero, si attente horum dierum historiam
 legimus, nullum dubium nobis supererit, quin & in hoc
 mi-

miserando Ciceronis casu Hortensius verum se & sincerum amicum praestiterit.

Quum enim Cicero scelere Clodii & perfidia potentissimorum civium peteretur, ad eum venit Hortensius, ut suum amicum in hac calamitate sublevaret & recrearet; publice etiam se ejus partibus addictum esse declaravit, periculosa ad Consules legatione pro eo suscepta, in qua, quum pro salute amici sui etiam in vitae discrimen adductus sit, omnis occultae invidiae, nedum odii suspicio, ab Hortensio nostro alienissima videtur.

Sed, dicat aliquis, cur tam acriter Hortensium perstrinxit Cicero, cum in Graecia degens, *ad Atticum*, vel *ad Quintum Fratrem*, scriberet? Huic iterum audacter respondemus, nimias hasce querelas & suspiciones unice tribuendas esse ipsius calamitatis moli & gravitati, quae praeter modum Ciceronis animum exasperaverunt, & eum injustum reddiderunt erga omnes, etiam optimos amicos. Cui observationi maximum pondus accedit ab ipsis Ciceronis verbis, ad Atticum in alia causa scribentis: (1) „nam, si ita statueris, & irritabiles animos esse optimorum saepe hominum, & eosdem placabiles; & esse hanc agilitatem, ut ita dicam, mollitiamque naturae plerumque bonitatis, & id quod caput est, nobis inter nos nostra, five incommoda, five vitia, five injurias esse tolerandas; facile haec, quemadmodum spero, mitigabuntur.”

Et omnino mitigantur Ciceronis querelae & accusationes, cum hac observatione, tum Attici testimoniis, qui

(1) *Epist. ad Att. I 17.*

qui Hortensio familiarissimus, viderat quidquid egerat, & recte poterat judicare, qua mente Ciceroni voluntarii & liberi exilii dedisset consilium; unde & hunc ab injusta illa opinione deducere conatus est.

Quae quidem post Ciceronis abitum acciderunt, direptiones villarum & agrorum, aedium incendium, luctus & miserrima conditio uxoris & liberorum, certe numquam, vel ab Hortensio, vel ab aliis praevideri potuerunt; & iis sceleribus aperte resistere eo periculosius erat, quod illorum amicorum interitus Ciceroni plane omnem reditus spem praecclusisset. Ipsaque haec Clodianorum audacia & libido demonstrant, quam prudenter Ciceroni suaserint, ut potius in exilium iret, quam vi & ferro scelestae illi factioni resisteret; cujus audacia, pro ratione difficultatum & oppugnationum pertinaciae, augmentum iri videbatur.

Spectata dein maxime est Hortensii erga Ciceronem amicitia, in ejus studio & opera in ornando hujus amico Lentulo, & in defendendis P. Sextio, Plancio, aliisque. Celeberrimum vero amicitiae documentum habemus, cooptationem in Collegio Augurali, cujus beneficii, etiam diu post Hortensii mortem, non sine praecleara grati animi testificatione, recordatus est Cicero. Tum enim nihil amplius erat, in quo non pares essent, five in foro, five in Senatu, five in religione. Per omnes honoris gradus pari quasi passu ambularant; ultimum hoc supererat, quod Ciceroni deesset; id nunc assequebatur studio Hortensii, qui, praecclarissimum Auguralis Collegii decus & ornamentum, non dubitavit suum aemulum eo honore & munere ornare. Utrum hoc etiam pertineat ad occultam invidiam & odium, videant illi, qui cum CORRADO de eorum amicitia sentiant.

Et

Et in Cilicia cum esset Cicero, magnifice scripsit de Hortensii amore, sincera familiaritate, & necessitudine, quibus laudibus omnino hic occasionem dederat, humanissima illa salutatione in Cumano, *quo, & infirmus, & tam longe, venerat.* (1).

Pollicitus tum est Ciceroni, se curaturum, ut annua haec provincia ei esset; quod cum non fecerit, in sola hac causa dubitanter de ejus fide scribendum esse, posset videri, nisi iterum ipse Cicero eum purgaret, honorificis illis locis, quibus mortuum amicum sincere ploravit; testatus, se constituisse cum eo quam familiarissime vivere, simul atque e provincia Romam rediisset. Ex hac igitur disquisitione concludimus, Hortensium, quod ad res publicas attinet, aliquando a Cicerone dissensisse, numquam tamen has diversas opiniones in causa fuisse, cur sibi invicem inviderent, nedum sese odio persequerentur.

Cum igitur ex praecedentibus intelligatur, diversas egregii hujus virorum paris *de publicis rebus* opiniones, nullam umquam odio aut invidiae inter illos ansam praebuisse, jam videndum erit, an ipsorum contentiones *in agendis causis*, cum acerbitate conjunctae fuerint; & ab hac parte omnibus accurate perpensis, facilius etiam probatu erit, illam aemulationem justam laudabilemque fuisse.

§. IV.

Amamus, uti VOSSIUS l. l. observat, qui similes sunt & iisdem rebus student, quod OVIDIUS (2) dicit,
Sci-

(1) *ad Att. L. V. Ep. 2.*

(2) *Ep. ex Ponto II. Ep. 5. V. 59.*

Scilicet ingeniis aliqua est concordia junctis,

Et servat studii foedera quisque sui.

Rusticus agricolam, miles fera bella gerentem,

Rectorem dubiae navita puppis amat.

Et certe, principium amicitiae & conciliatio consistit in similitudine studiorum ac morum, quae homines conjungit & allicit, si ita recte sit comparata & directa, ut alter alterius gloriam vel lucrum non praevertat; quod si fit, invidiam & odium ex eadem hac studiorum similitudine oriri, non raro observatur: sapienter igitur Cicero, judice VOSSIO *l. l.* ut fidem faciat, se non invidisse Hortensio, neque hunc ipsi, dicit, nihil eum suis studiis incommodasse, verum potius laboris socium habuisse: „Dolebamque, *inquit*, (1) quod non, ut ple-
„rique putabant, adversarium, aut obrectatorem
„laudum mearum, sed socium potius, & consortem
„gloriosi laboris amiseram. Etenim, si in leviorum
„artium studio memoriae proditum est, poetas nobi-
„les poetarum aequalium morte doluisse: quo tandem
„animo ejus interitum ferre debui, cum quo certare
„erat gloriosius, quam omnino adversarium non ha-
„bere? cum praesertim non modo numquam sit aut
„illius a me cursus impeditus, aut ab illo meus, sed
„contra semper alter ab altero adjutus & communi-
„cando, & monendo, & favendo.”

Et hoc ipso loco tota de aemulatione quaestio absol-
vitur, si quidem nihil justius, nihil verius dici potuit,
& vero a Cicerone, cujus fere unica auctoritate haec
lis componi debet: huic igitur sententiae non dubita-
mus

(1) *Bent. c. 1.*

mus nomen subscribere. Nihil enim me movent verba *Epist. 3. L. I. Epistolarum ad Quintum Fratrem*, quae VOSSIUS huic testimonio objicit; nihil aliarum Epistolarum, vel ambiguae, vel apertae, locutiones. Hae certe hic non possunt opponi, licet tamen injuste his morosis acerbisque querelis abutantur plerique: quid enim ad Hortensii & Ciceronis aemulationem in eloquentia culpandam, faciunt unius epistolae acerbiora verba? an iis infirmari posse credamus egregium illud Hortensii elogium, quod sedato tranquilloque animo, diu post mortem amici, Cicero scripsit? Minime. Vidimus jam saepius, qua animi perturbatione supra laudatas Epistolas scripserit, & revera major etiam fides est habenda iis, quae tum scripsit, quum & laudare, quae laudanda erant, & vituperare, quae sibi displicerent, abunde ei licebat.

Si denique aliter sensit Cicero, quam scripsit, debet aliqua causa esse hujus dubiae mentis; illam autem non video, neque est quod hic dicamus, (1)

*Pascitur in vivis livor, post fata quiescit,
Cum suus ex merito quemque tuetur honos:*

nam de livore ne somniando quidem cogitari potest, inter tot, quae recensuimus, amicitiae documenta.

§. V.

Sic minime quaerentibus, cur Cicero Hortensium modo laudet, modo vituperet, cum SEBASTIANO CORRA-
DO

(1) OVIDIUS *Amer. L. I. El. 15. vs. 38.*

Do respondebimus, „Ciceronem more hominum fecisse;
 „qui quum videret Hortensium, virum nobilem, & mul-
 „tum in Republica potentem, sibi quidem invidere,
 „sed amicum esse simulare, par pari referebat, quum
 „suam *βαβύτης* ita servabat, ut ipsum publice saepe
 „laudaret, & de se bene meritum vocaret, sed *Attico* &
 „*Quinto Fratri* aliter scriberet.” Hoc enim erga Hor-
 tensium & Ciceronem iniquissime dictum judicamus, histo-
 riae, ut & gravissimorum auctorum fidei, contrarium.

Qua in re luculentissimum testem habemus CORNE-
 LIUM NEPOTEM. „Atticus, *inquit*, (1) id difficil-
 „limum effecit, ut inter quos tantae laudis esset aemu-
 „latio, *nulla intercederet obrectatio, essetque talium*
 „*virorum copula:*” & hic omnino est testis omni, ut
 ita dicam, exceptione major; vixit enim Nepos cum tri-
 bus his amicis, Hortensio, Attico & Cicerone (2),
 praesens eorum familiaritatem, humanitatem, & amici-
 tiam cognovit; hujus, ab omni partium studio re-
 moti, maxime erat, de eorum necessitudine statuere.

Si praeterea Cicero Hortensio invidit, & si hic Cice-
 roni obrectatus est, omnia quae *in Bruto*, tam honorifice
 de sua cum Hortensio amicitia, scripsit Cicero, plane
 honesto viro indigna videntur; qui, si hoc nomen vere
 & jure sibi asserere cupiat, a talibus laudationibus,
 quae quidem occultis sententiis plane sint contrariae,
 sedulo abstineat, necesse est.

Omnis igitur aemulatio, quae inter eos fuit, ad lau-
 dem & gloriam eloquentiae referenda, in qua certe uti-
 lis, laudanda, & necessaria erat. De illa etiam sola lo-
 qui-

(1) *in Vita Attici* c. 5.

(2) Cf. GELLIUS *Noct. Att.* L. XV. c. 28.

quitur Cicero, *in principio Bruti*, quem locum male ad universam vitae rationem extenderunt nonnulli. Ibi enim tantum spectatur Oratoris, quam statuimus, persona Hortensii, sed de eo tanquam Senatore, & in Republica administranda socio & adiutore, Cicero nullo modo cogitavit.

De Claris Oratoribus acturus, incipit Cicero a memoria & laude maximi quem viderat, & cognoverat, deinde, recensitis omnibus prioribus, antiquissimis & recentioribus, disputationi finem facit, magnifice laudandis & ponderandis singulis Hortensii ingenii meritis. Huic disquisitioni inseruit cursum suorum studiorum & laborum; etsi haec viderentur a sibi proposita ratione diversa, idcirco tamen ab eo proferebantur, *ut posset Brutus ejus cursum perspicere, & videre, quemadmodum esset in spatio Q. Hortensium, ipsius vestigiis persecutus.* (3) Hoc tamen pluribus legatur *in Bruto. cap. 88 — 97.*

§. VI.

Etenim cum Hortensius, major Cicerone, jam per plures annos in foro versatus esset, antequam hic ad illud accederet, citius etiam evanuit, propterea quod post Consulatum a summo studio, quo a puero fuerat incensus, remisit, gravi errore ductus, existimans, sibi ab aemulis in eloquentia parum, vel nihil, timendum esse: tum etiam, „ quia in omnium rerum abundantia voluit beatius, ut ipse putabat, remissius certe vivere. Primus, „ & secundus, & tertius post consulatum annus, tantum quasi de picturae veteris colore detraxit, quantum

(3) *Brut. c. 90*

„ tum non quivis ex populo, sed exstimator doctus &
 „ intelligens posset cognoscere. Longius autem proce-
 „ dens, & in caeteris eloquentiae partibus, tum in ce-
 „ leritate & continuatione verborum adhaerescens, sui
 „ dissimilior videbatur fieri quotidie. (1)

Cicero interea sua studia persecutus est, & juvenili cum ardore dies noctesque operam intendit, neque destitit, omni genere exercitationis, & maxime stilo, *suum illud augere, quod erat, quantumcunque erat.* (2) Popularem voluntatem captabat, cum assiduitate in causis & industria, tum propter exquisitius & minime vulgare orationis genus, quo animos hominum ad se dicendi novitate convertit.

Hortensius interea quievit, usquedum Ciceronem Consulem videret; tum recreatus ad industriam se revocavit, *ne cum pares honore effemus, aliqua re superiores videremur*, ut ait CICERO. (3) Ab otio igitur ad causas orandas iterum totum se dedidit, naturalem fervorem & animi impetum, paululum remissum & sedatum, resuscitavit, & una cum Cicerone per duodecim annos in foro, maximis in causis, versatus est. „ Maxi-
 „ me vero, *hic inquit, l. l.* perspecta est utriusque
 „ nostrum exercitatio paullo ante, quam perterritum
 „ armis hos studium, Brute, nostrum conticuit subito
 „ & obmutuit: cum lege Pompeja ternis horis ad di-
 „ cendum datis, ad causas simillimas inter se, vel po-
 „ tius easdem, novi veniebamur quotidie: quibus qui-
 „ dem causis tu etiam, Brute, praesto fuisti, complu-
 „ res

(1) Brut. c. 93.

(2) Brut. l. l.

(3) Brut. c. 94.

„ resque & nobiscum , & solus egisti : ut qui non
 „ fatis diu vixerit Hortensius , tamen hunc cursum
 „ confecerit. ”

Et profecto, quid pulchrius, quid laudabilius, quid denique magis ab omni invidiae suspicione alienum, quam nobilis haec aemulatio inter duos viros, maximarum rerum gestarum laude spectatissimos, pietate summa venerandos, auctoritate & eloquentia supra omnes eorum aequales longe lateque laudabiles? Ut igitur haec Disputatio redeat unde orta est, statuimus omnino, *hanc aemulationem, Hortensium inter & Ciceronem, minime odii & invidiae fontem, verum semper ad maiorem perfectionem assequendam, utrique stimulum fuisse.*



Caeterum, si qui, ut certe erunt quam plurimi, errores in hac scriptione occurrant, juvenilibus annis illos ut condonet & benigne emendet, Benevolum rogo Lectorem; placet enim mihi illud T E R E N T I A N I M A U R I.

*Corrigenda si qua sane visa vobis hic erunt,
 Non ero stulte repugnans, aut amans prave mea,
 Quin statim culpanda delens, praebeam rectis locum.*

T A N T U M.

L

T H E.

T H E S E S.

I.

Remedium *Legis 2. Cod. de Rescindenda Venditione* non videtur cum CUJACIO, *Obs. Lib. XVI. cap. 18.* ad solum venditorem restringendum.

II.

Quod errore juris solutum est, condici nequit.

III.

Actio doli ita demum conceditur, si aliud non detur lenius remedium.

IV.

Bonae fidei possessor ad recuperandas impensas, quas in rem alienam fecit, possessione amissa, nullam habet actionem.

V.

Improbamus sententiam GROTII, *de Jure Belli ac Pacis. Prol. §. 8.* statuentis, poenas rationem in Jure Naturae habere.

VI.

Quamvis, si moralem spectamus doctrinam, nemini aliorum actiones imputari possint, recte tamen in civitate receptum est, ut nonnumquam, qui ipse non deliquit, ob delictum ab alio commissum, puniatur.

VII.

Ex occupatione bellica non oritur dominium regionum occupatarum.

VIII.

T H E S E S.

VIII.

Foedus inaequale imperio summo alterius contrahentis nihil detrahit.

IX.

Testificationes, qualis fuit illa Francisci I. contra Foedus Madritanum, infcio Imperatore Carolo V. facta, minime ex bona fide proficisci videntur, nihilque ex iis juris existere statuo.

X.

Princeps disponit de rebus singulorum jure imperii, non jure dominii.

XI.

Poenae capitales prudenter adhibitae, sunt justae, utiles, & necessariae.

XII.

Diversitas poenarum, pro diversa hominum qualitate, non semper est culpanda.

XIII.

Finis poenarum primarius est, ut terrore exempli alii a delictis deterreantur: secundarii fines esse possunt, detractio virium nocendi, satisfactio laesi, & emendatio delinquentis.

XIV.

Omnino vere dixit C I C E R O *in Or. pro L. Murena.* c. 28. *in fine.* „Nam si quis hoc forte dicet, Ca-
„ tonem descensurum ad accusandum non fuisse,
„ nisi prius de causa judicasset: iniquam legem,
„ judices, & miseram conditionem instituit periculis
„ hominum, si existimabit, judicium accusatoris in
„ reum pro aliquo praejudicio valere oportere.

XV.

T H E S E S.

XV.

Officii sui terminos excedunt magistratus, qui injussu imperantis, ad socios criminis detegendos, delatori impunitatem promittunt.

XVI.

Juris Cívilis Romani universe spectatí praestantia, non pendet a propria quadam civilis imperii forma & ratione; quaecunque igitur sit imperii forma, eximia Juris Romani praecepta usum semper possunt praestare uberrimum.

XVII.

Injuria reprehenduntur Romani, quod antiquissimas suas leges maximam partem e Graecia petierint.

XVIII.

Tribunorum Plebis potestatem nimiam Romanae Reipublicae saepe valde noxiam fuisse contendimus.

XIX.

C. Verris accusatio minus recte tanquam optimum ac praeclarissimum Ciceronis factum, a WIELANDIO in Praef. ad elegantissimam Germ. Vers. Epistolarum Ciceronis, laudatur.

XX.

Artes & disciplinas plus humano generi profuisse, quam nocuisse, contra ROSSAVIUM, defendimus.



EGREGIO JUVENI

LUDOVICO CASPARO LUZAC.

DE Q. HORTENSIO, CICERONIS
AEMULO, DISSERTI.



Felix, quem placido nascentem lumine Musae

Videre, & sacris asseruere choris:

Cui Clarii licuit nemoris crevisse sub umbra,

Atque animum studiis excoluisse bonis:

Cui licuit veterum divina volumina vatum

Volvere, & Aonio fonte levare sitim:

Qui Sophiae vigili lustravit mente recessus,

Qua vitae praefert fida magistra facem:

Cui licuit priscos populorum evolvere fastos,

Floridaque historiae ferre per arva pedes;

Mirarique viros, felix quos protulit aetas,

Et mentem herois pascere imaginibus;

Qui



**Qui varias mundi potuit cognoscere gentes,
Quasque olim subiit illa vel illa vices:
Publica quis furgat res & nitatur in altum
Artibus, aut imum praecipitata petat;
Quis populis constet libertas moribus, & quis
Pressa ruat, domini iussa subire jugum:
Cui veterum ritus populorum nosse sagaci
Ingenio, & memori condere mente datum;
Graecia quae sanxit quondam, quae jura tuendo
Imperio, rerum, maxima Roma, caput;
Seu socios quae pacta ligent, quae foedera gentes,
Seu quae civili stent rata jura foro.
Ingenium cultis firmatur ab artibus, et se
Erigit, et vires exserit usque suas.
Acrior hinc stimulos virtus sibi subdit, et urguet
Fortior aeternae pectora laudis amor.
Hinc mulsit veteres Hortensia suada Quirites,
Tullius hinc Latio primus in eloquio.
Hinc famam nostri sibi quaesivere Batavi;
Grotius hac superas attigit arte domos.
Artibus his Schultingi, his Bynkershoekia virtus
A fera referent posteritate decus.
His patruus tuus ille, sui, Luzacius, aevi
Splendor, & Hollandi fama superba fori:
Valcknariusque, tibi materno junctus ab ortu,
Quem summis aequat terra Batava viris.
Haec acuant animos, Luzaci, exempla, tibi que
Hinc pulcra assiduum calcar ad orsa pete!**

)(o)(

Tu preme tantorum vestigia clara virorum,

Nec de gentili tramite flecte pedem.

Ad laudem et patruus te & avunculus excitet eandem,

Ut genti per te perpetuetur honos.

Et patrio fortis, materno & sanguine serva

Valcknarium terris Luzaciumque decus.

TH. VAN KOOTEN

VAN

AAN DEN
NEEF EN NAAMGENOOT
DES GROOTEN
VALCKENAERS,
DEN HEERE
LODEWYK KASPER LUZAC,

bij zijne verheffing tot Meester in de
beide Rechten.



De naam van VALCKENAER, die van LUZAC blijft edel,
Waar ooit Geleerdheid bloeie of Wijsheid harten winn':
Gij voert hun - beider naam; de glorie zoekt uw' schedel,
En sluit in één' Lauwrier hunn' dubblen luister in.
Mijn Vriend, zij blozen niet bij deze uw eerste schreden:
Stap onbezweken voort op Recht - en Letterbaan!
Maar, had uw jeugd den moed, hun voetspoor in te treden,
Volhard, en neem bij 't bloed geheel hun wezen aan!

BILDERDYK.

22

EDMONTE KASPER LUZAC,

Docteur en Médecine et en Chirurgie,

Professeur de Médecine et de Chirurgie,

et de Clinique, à l'École de Médecine de Paris,

et de Clinique, à l'École de Médecine de Strasbourg,

et de Clinique, à l'École de Médecine de Montpellier,


et de Clinique, à l'École de Médecine de Bordeaux,

et de Clinique, à l'École de Médecine de Lyon,

et de Clinique, à l'École de Médecine de Nancy,

PARIS.

22



Luzac, Lodewijk Caspar,

Specimen hist.-iur.-inaug. de Q. Hortensio oratore, Ciceronis aemulo

Lugdunum Batavorum 1810

Biogr. 542 g

urn:nbn:de:bvb:12-bsb10063924-8